

*image
not
available*




L-1111534



EQ. MICHAEL ANGELVS CAVSEVS
DELACHAVSSE PARISINVS





ROMANUM
MUSEUM
SIVE
THESAURUS
ERUDITÆ ANTIQUITATIS

IN QUO PROPONUNTUR, AC DILUCIDANTUR

Gemmæ, Idola, Insignia Sacerdotalia, Instrumenta Sacrificiis
inservientia, Lucernæ, Vasa, Bullæ, Armillæ, Fibulæ,
Claves, Annuli, Tesseræ, Styli, Strigiles, Guttæ,
Phialæ lacrymatoriae, Instrumenta Mufica,
Vota, Signa Militaria, Marmora &c.

Adjectis in hac tertia Romana Editione plurimis annotationibus, & figuris;

OPERA, ET STUDIO

MICHAELIS ANGELI CAUSEI

DE LA CHAUSSE.

TOMUS PRIMUS.




ROMÆ MDCCXLVI.

Sumptibus FAUSTI AMIDEI Bibliopolæ in Via Curfus.

Typis Bernabò, & Lazzarini, Superiorum permissu.





Nobilissimo atque Amplissimo Domino

C A R O L O
S. R. I. L I B E R O B A R O N I
D E F I R M I A N .

FAUSTUS AMIDEUS S.P.D.



OBILITATEM , ac Virtutem
Præstantissime Vir , dupli-
cem esse viam homines ad
Æternitatis famam condu-
centem politiorum Populorum consen-
sus est universus . Hanc egregiis labo-
ribus à se partam , illam Dei , ac Na-
turæ donum qui possidet , uno Jove
minor esse videtur ; vera quippe Nobi-

litas magnam vim habet , inquit *Cice-
ro* quæ majorem , immo maximam ad-
scita sibi virtute acquirit . Non aliter
Heroes dicti sunt Diis , aut Regibus ge-
niti Hercules , & Alexander , nisi cum
generis claritati virtutis Splendorem la-
boribus immensis adjunxerunt . Non alio
consilio Romani rerum Domini Hono-
ris , Virtutisque Tempia , erudita cal-
liditate , construxerunt , nisi ut ad illud
per hoc solum pateret aditus , nominis
Æternitatem hac arte suis Civibus pro-
curaturi . Hæc sunt cur mirari non de-
bes Clarissime , ac Nobilissime Vir , in-
clyto Nomini tuo dicari hoc præclaris-
simum volumen tot , tantisque Deorum ,
magnorumque Principum monumentis
refertum ; quorum Nobilitatem ab ipso
Cœlo deductam , tantopere Virtus ex-
tulit , ut Terrarum Orbem dominarint ,
& temporum injuriam , ac circumscri-

E P I S T O L A . v

ptionem effugerint. Audaciam nostram, si quæ sit , excuset almæ Firmianæ Domus virtus , ut de Nobilitate taceam , tot, tantisque Heroibus clarissima: Fuerunt illi quidem hætenus post se natis hominibus imitandum exemplar ; eorumque vicem Celsissimus Salisburgensis Archiepiscopus Patruus tuus præstabat non multis ab hinc annis , quod modo Fratres duo Amantissimi Episcopali Dignitate fulgentes præstant , tibi que ad imitandum propofiti : Adeoque , quod de imagine quadam Veneris olim dictum est , ex ea fuisse de pulchritudine puellarum judicatum , ut quæ imagini similior esset , ea formosissima diceretur : De tuis Avis , de Patre tuo prudentissimo , de Fratribus illud utique dicendum erit , ad quorum egregia facta quo Tu propius accedis , eo Heroicis Virtutibus profecisse arbitrabitur . Perge igitur,

VI E P I S T O L A .

tur , Vir Illuſtriſſime , perge , ut facis , veſtigiis eorum inſiſtere , donec divina illa Sapientia , quæ illos irradiavit , afflatus , ampliffimis honoribus refulgeas . Neque enim aliud à Deo expetendum à nobis eſt , qui tibi reliqua omnia eſt elargitus ; Nobilitatem videlicet , corporis præſtantiam , ingenium præclarum , & lætam indolem , pietatem denique ſingulari cum eruditione conjunctam . Sed nolo te hiſce laudibus diutius detinere ; me igitur , meumque librum humanitate qua fulges , propter tuum eximium in litteris amorem , ac bonarum diſciplinarum cultum proſequi ne dedigneris . Hæc tuo favore ſi conſequar , pergam alacrior ſub tuo auſpicio ad alia Reipublicæ Litterariæ commodo edenda . Vale .

P R Æ F A T I O

A D L E C T O R E M .

R Ei antiquariæ studium aded nostris temporibus percrebuit, ut vix ullus reperiat Princeps, ullusque homo literarum, ac cuiusvis scientiæ cupidus amator, qui eo in primis non delectetur. Testes mihi sunt innumeræ summorum virorum gazæ, plurimæque privatorum cimelia, in quibus numismata, statuae, idola, gemmæ, aliæque antiquæ suppellectilis monumenta magno labore, magnisque expensis acquisita conservantur. Roma, è cuius ruderibus, arvisque nova quotidie prodeunt miracula, totam Rempublicam literariam eruditis suis messibus ditat: illa plurimis gloriatur thesauris, ex quibus unum amplissimum, nobilissimumque instruxi, ut studiosus Advena, cui Romanas invisendi magnificentias copia non est, gaudeat se in hoc selectissimo Musco ea omnia possidere, quæ tot Principum, virorumque literis, ac doctrinâ præstantium Ædes, & Bibliothecas exornant.

Totum opus plurimis adnotationibus, & figuris in hac tertia editione auctum in septem Sectiones dividitur. Gemmæ, quæ primam, & pretiosioremejus partem conficiunt, in duas classes distinguuntur;

altera Deorum , Illustriumque virorum icones ; altera figuras exhibet . Illæ omnes sculpturâ vel elevatâ & extante , vel cava reperiuntur ; de priorum numero sunt , vulgo dicti Camei , qui ornamenti tantum causâ tenebantur ; posteriores sigillorum vicem gerebant , quarum multæ superstitione variis characteribus , figurisque insignitæ , tamquam amuleta gestantur . Etsi quotannis innumera gemmæ à Romanis agris eruuntur , paucas tamen exquisitissimi artificii hætenus videre mihi licuit ; paucæ idem hic exhibentur , sed omnes aut à celeberrimis artificibus sculptæ , aut alicujus insignitæ eruditionis .

Secunda Sectio versatur circa Deorum Simulacra , Idola , aliasque Imagines æreas , ac marmoreas , & hæc primum comprehendent volumen .

In altero volumine tertia Sectio Flaminis Dialis , Pontificis Maximi , & Auguris Insignia , nec non Instrumenta sacrificiis inservientia proponit .

Quarta Instrumenta Musica veterum refert .

Quinta exhibet elegantes æneas Antiquorum Luccernas .

Sexta Miscellanea continet , Vasa nempe , Bullas , Armillas , Fibulas , Annulos ferreos , Claves , Tesseras , Stylos , Strigiles , Guttos , Phialas lacrymatorias , manus æneas hieroglyphicis insignitas symbolis vota referentes , & signa militaria , nec non antiquam picturam Barberinam notis illustratam ; qui-

buz

bus subjungitur Dissertatio de Mutini simulacris , quæ ultima Sectio est. Adjectum est in fine Corollarium marmora , aliaque antiqua monumenta declarans .

Hæc sunt , benevole Lector , quæ in hoc opere pro ingenii mei modulo , ac tenuitate dilucidantur . Si hæcæ meas lucubrationes , & conjecturas , qualescumque sint , tibi omnibusque studiosis arrisissè sentiam , mihiq; deinceps in aliis fortè adhuc ignotis , aut accessu difficilioribus cimeliis , Dominorum benignitate , patebit aditus : aliam editionem prioribus auctiorem parabo , cum rei antiquariæ messis minimè deficiat . Supereſt , ut te moneam elegantem BB. Petri , & Andree Lucernam olim apud Cardinalem Leopoldum Mediceum extantem nunc in celeberrima Magni Hetruriæ Ducis gaza custodiri ; nec non aliqua alia in hoc libro contenta in Urbe amplius non extare , sed à pluribus annis aliè translata esse ; qualia sunt illa , quæ penes Eminentissimum Leonem Potier de Gesures , tunc Prothonotarium Apostolicum , nunc Archiepiscopum Bituricensẽ , ac Cardinalem (hoc anno 1745. piè obitum) , Joannem de Wìth Batavum , Abbatem Robertum Harpeur Anglum , Petrum Andream Andrinum , & quosdam alios asseruari notantur . Illi enim , cum primam huic operi manum imponebam , in Urbe conmorabantur , ex qua deinde ad patrios lares redituri migravère . Alii ab eo tempore vità cesserunt , quorum tamen nomina , &

Musica conservandæ virorum eruditorum, reique antiquariæ studioforum memoriæ causâ hic recensentur.

Cl. Eques Michael Angelus Causeus De la Chausse Lutetiæ Parisiorum ortus, aliam sui operis editionem auctiorem spondit, sed incunte sæculo mortis præreptus, manum non adjecit. Nos vero hac tertia Editione, quamplurimas Tabulas æri incisas à præclarissimis viris, eximias gemmas, marmoraque insculpta, & præcipue sectionem integram veterum Musica instrumenta, quæ in hac collectione deerant, referentem, adjecimus; adhibito in Editione omni conatu tam in nitidis paginis, quam in præclaris characteribus, ac in meliori operis dispositione, divisione, annotationibusque, ut omnibus numeris absoluta, præcedentibusque elegantior Erudito Lectori appareat.

Prolixiori sermone uti, nec ratio postulat, nec otium permittit. Vale igitur, studiose Lector, & quidquid in hoc Opusculo incultum est, id totum meæ tenuitati indulgenter condona.

INDEX CIMELIARCHIORUM

E quibus res antiquæ in hoc Libro citatæ depromptæ sunt.

<i>Musci</i>	Albani.
<i>Jo. Angeli</i>	Alberetti.
<i>Principis de</i>	Alteriis.
<i>Petri Andreae</i>	Andreini, nunc in Mediceo.
<i>Gaze</i>	Barberinæ.
<i>Petri Sancti</i>	Bartoli.
<i>Jo. Petri</i>	Bellorii, nunc Thesauri Brandenburg.
<i>Francisci</i>	Blanchini.
<i>Principis</i>	Burghefii.
<i>Cardinalis</i>	Carpinei, nunc in Vaticana Bibliotheca.
<i>Mich. Angeli</i>	Causei de la Cause Authoris.
<i>Cardinalis</i>	Chigii.
<i>Princip. Aug.</i>	Chigii.
<i>Reginæ</i>	Christinæ Augustæ.
<i>Luca</i>	Corfi.
<i>Antonii</i>	De Cavaleriis.
<i>Raphaelis</i>	Fabretti.
<i>Josephi</i>	Felice.
<i>Francisci de</i>	Ficoronis.
<i>Caroli Ant.</i>	Galliani.
<i>Roberti</i>	Harpeur.
<i>Isidori</i>	Huart.
<i>Anne</i>	Le Fevre.
<i>Cardinalis</i>	Maximi.
<i>Gaze</i>	Medicæ.
<i>Marii</i>	Piccolomini in Museo Ghisiano.
<i>Musci</i>	Pontificii.
<i>Leonis</i>	Potier de Gesvres Archiepiscopi Bituricensis, & Cardinalis.
<i>Marchionis</i>	Raggii.
<i>Urbani</i>	Roccii.
<i>Petri Antonii</i>	Rolandi Magnini.
<i>Musci</i>	Rondaninii.
<i>Marci Antonii</i>	Sabbatini.
<i>Leonis</i>	Strozzæ.
<i>Joannis</i>	With.

REIM-

REIMPRIMATUR,

Si videbitur Reverendissimo Patri Magistro Sacri
Palatii Apostolici.

*F. Maria de Rubeis Archiepiscopus Tarfi Vices-
gerens.*

REIMPRIMATUR.

Fr. Aloysius Nicolaus Ridolfi Magister Sacri Pala-
tii Apostolici.



ROMANUM MUSEUM

S I V E

THE SAURUS

ERUDITÆ ANTIQUITATIS.

SECTIO PRIMA

Gemmæ antiquæ Capita , & Symbola
Deorum referentes.

TABULA PRIM A.



NIT IUM facimus à primo , & maximo
Ægyptiorum numine Eusebium , Augu-
stinum , Apulejum , & Macrobiu
sequentes , qui Serapidem apud Ægyptios
primum Deum appellatum , & maxi-
mum creditum fuisse referunt . Varro
lib. 4. de Lingua Latina Principes Deos
statuit Coelum , & Terram , qui Dei sunt in Ægypto Sera-
pis , & Isis . Tot ferè nomina sortitus est ille , quot numina
finxit vana veterum superstitio ; eundem enim creditum
fuisse & Jovem , & Ammonem , & Solem , & Æsculapium ,
Tom. I. A & Di-

Romanum Museum.

& Ditem, & Nilum, & Osirim, & Bacchum testantur Macrobius Saturn. lib. 1. cap. 17. Herodotus in Euterp. Cornelius Tacitus lib. 4. histor. Plutarchus in Opusculo de Iside, & Osiride, Athenæus lib. 5. & Diodorus Siculus lib. 1. cap. 2. Communis tamen sententia fuit Ægyptiorum, quam deinde secutus est Thales, qui principium, & ortum rerum omnium posuit aquam, Osiridem esse omniæ principium facultate humectandi præditum, utpotè causam ortus, & substantiam seminis, & sic humidæ dominus naturæ vocabatur, ideòque ante sacra in pompa semper præcedebat vas aquarium in ejus honorem. Auctor est Plutarchus loco citato. Repræsentatur autem hic Deus denso capillitio, barbâ hirsutâ, cum modio, sive calathio in capite. Calathus à verbo Græco καλός, quod lignum significat, derivatus est; describitur ab Isidoro lib. 19. Orig. cap. 29. leve gestamen ex ligno, vel canna, aut junco factum, in quo vel pensa ponuntur, vel flores leguntur. Modius etiam capiti Serapidis superpositus fecunditatem, & abundantiam denotat: *Vel quia* (ut scribit Ruffinus lib. 2. histor. Eccles. cap. 23.) *cum mensura, modoque cuncta docet moderari, vel vitam mortalibus frugum liberalitate præberi*. Nunc de fictitiis ad historicam transcamus veritatem. Serapis fuit Rex Ægyptiorum, qui cum varias artes eos docuisset, illisque ostendisset cultum vitium, & aratrum; unâ cum sorore, & conjuge Iside divinos honores meruit. Scribit D. Augustinus lib. 18. de Civit. Dei cap. 5. Apim, quemdam Argivorum Regem in Ægyptum navibus transvectum, cum ipi mortuus fuisset, factum esse Serapidem maximum Ægyptiorum Deum; fuisse autem Apim tertium eorumdem Regem testatur Eusebius in Chron. Inventâ ab hoc sapientissimo Principe vide apud Tibullum lib. 1. cap. 7.

TABULA II.

Serapidis & sororem, & conjugem fuisse Isidem, unâque cum fratre, & marito divinos honores obtinuisse apud Ægyptios satis constat, & diximus: sed quot nominibus invocata fuerit hæc Dea, quot ritibus consecrata, discere ex Apulejo lib. 11. Metam. Isidem sic loquentem intröducente:
En

Sectio I. Gemmæ antiquæ .

3

En assium tuis commota, Luci, precibus, rerum natura parens, elementorum omnium domina, sæculorum progenies initialis, summa numinum, Regina Manium, prima Cælitum; Deorum, Dearumque facies uniformis, quæ cæli luminosa culmina, maris salubria flumina, inferorum deplorata silentia nutibus meis dispenſo: cujus numen unicum multiformi specie, ritu vario, nomine multijugo totus veneratur Orbis. Me primigenii Phryges Pessunthicam nominant Deum Matrem; hinc Autochthonæ Attici Cecropiam Minervam: illinc fluctuantes Cyprii Paphiam Venerem: Cretes sagittiferi Dictynnæ Dianam: Siculi trilingues Stygiam Proserpinam: Eleusini vetustam Deam Cererem: Junonem alii: Bellonam alii: Hecatē isti: Rhamnusiā illi: & qui nascentis Dei Solis inchoantibus radiis illustrantur. Æthyopes, Ariique, præcæque doctrinâ polentes Ægyptii cæremoniis me prorsus propriis percolentes appellant vero nomine Reginam Isidem. Pingitur hæc Dea cum coma torta, & reflexa, gestans in capite aliquando modium abundantiae symbolum, aliquando perseam typum silentii, & veritatis, ei de stirpibus Ægyptiis maximè consecratam, teste Plutarcho lib. de Isid. & Osir. Ὅτι καρδία ἡδὲ καὶ τὸς εὐτὺς, γλῶσση δὲ τὸ φύλλον ἔχει. Quod ejus fructus cordis, solum linguae speciem refert. Et quæ duo simul juncta componunt veritatem. Lotus eidem sacer erat, cujus flos in se, ut docet Teophrastus lib. 4. & aperiendo, & claudendo Solis motum sequitur ab ortu ad occasum.

TABULA III.

I Sis juncta religione cum Serapide, sive Sole plerumque habebatur pro terra, vel natura rerum subjacente Soli, si fides Macrobio Saturn. lib. 1. cap. 20. Sistrum gestat, de quo Servius ad lib. 8. Æneid. *Isis est genius Ægypti, qui per Sistrum motum, quod gerit in dextra, Nili accessus significat.* Apulejus lib. 11. Metamorph. describit ejus vestimentum stellis dispersis corruscans, quod in hac tertia gemma faberrimè videtur expressum aliquam Ægypti Reginam unionibus exornato collo, & crinibus reflexis sub Isidis imagine forsandrepræsentante. Velo ejus capiti imposito noctis tenebræ inuaniunt, quas Isis, seu Luna nocturno suo splendore illu-

Tom. I.

A 2

mi.

minat, Noctiluca enim dicta est: stellis verò benefici astorum influxus in hæc inferiora indicantur. Hæc Dea navigatoribus prodesse credebatur, teste Luciano, unde servati ex naufragio pictas tabulas in illius Templo ponebant. Velificia ferebatur etiam primum invenisse, dum amissum filium, Harpocratem nave quæreretur. *Certus dies habetur in fastis* (ait Lactantius lib. 1. cap. 11.) *quo Isidis navigium celebratur*. Existimabant veteres Isidem ferire perjuros, & illos maximè non servantes fidem per eam juratam. Ovid. in Ponto:

Vidi ego linigeræ numen violasse fatentem

Isidis, Isiacos ante sedere focos.

Alter ob huic similem privatus lumine culpam

Clamabat mediâ se meruisse viâ.

Et Juvenalis Sat. 13.

Decernat, quodcumque volet de corpore nostro

Isis, & irato feriat mea lumina fistro:

Dummodo vel cæcus teneam, quos abnego, nummos.

Isis filia fuit Inachi Argivorum Regis, quæ de Græcia veniens Ægyptios litteras, leges, & instituta docuit, terrasque colere instituit, unde Terra nominata est, ut scribit Isidorus lib. 8. Orig. cap. 11. Asserit Varro lib. 4. de Lingua Latina Ægyptios ab Iside prima rudimenta scientiarum accepisse, quod verisimile est, si quidem ætate Mosis litteræ apud illos jam florebant.

T A B U L A IV.

Ammon sic dictus à græco vocabulo ἀμμων, quod arenam significat, sub arietis forma in desertis Libyæ colebatur, cui Bacchus Templum miræ magnitudinis in arena constituit, eo quod ipsi in Indiam proficiscenti apparuerit ille cum cornibus arietinis, & vestimento laneo, fontisque undam sitienti ejus exercitui monstraverit. Putant alii hoc nomen ductum à quodam Ammone Ægypti Rege galeam gestante, cujus insigne caput erat arietinum, unde κερατοφόρος, idest, corniger vocabatur. Ovidius lib. 5. Metamorph.

Sed grave Heroidum numen, sed corniger Ammon.

Solebant enim Reges, virique illustres capita ferarum in armis

Sectio I. Gemmæ antiquæ.

5

mis sculpta gerere ad terrorem hostibus incutiendum . Statius lib. 3. *Ferarum ricibus horrificant galeas* . Meminit Eusebius lib. 3. de præp. Evang. cap. 3. Ammonis simulacri cærulei coloris caput arietinum habentis , quod in Elephantinopoli Urbe colebatur , cuius explicationem refert his verbis : *Ἀνὰ τὴν ἀπὸ τοῦ τοῦ κριὸς σὺν τοῖς ἰσχυρίαι καὶ αἰγῶν κέρατα, τὴν δὲ Κριὸς σὺν τοῖς ἡλίου ἐς Σελήνης . τὸ δὲ οὕτως χρῶμα, ὅτι ὑδραγωγὸς ἐστὶν οὐδὲν ἐς Σελήνην* . *Arietina igitur facies, caprinaque cornua conjunctionem Solis, & Lunæ in ariete significant; cæruleus verò color ei attribuitur, quia Luna in ea conjunctione humidior est* . Eundem enim esse Ammonem, atque Solem docet Macrobius Satur. lib. 1. cap. 21. *Nec solus Leo (inquit) sed signa quoque universa Zodiaci ad naturam Solis iure referuntur* . Et ut ab ariete incipiam, magna illi concordia est . Nam & is per sex menses hyemales sinistro incubat lateri, ab æquinoctio verno supra dextrum latus; sicut & Sol ab eodem tempore dextrum hemisphærium, reliquo ambit sinistram . Ideo & Ammonem, quem Deum Solem occidentem Libyes existimant, arietinis cornibus fingunt, quibus maximè id animal valet, sicut Sol radiis . Narrat Plinius lib. 2. cap. 103. Jovis Ammonis fontem in Ilyriis interdium frigidum noctibus fervere . Plura vide apud Hyginum in fabul. Martianum Capellam lib. 2. de nupt. Herodotum in Euterpe, Pausaniam in Messan. & Lil. Gyrallum de histor. Deor. syntagm. 2.

T A B U L A V.

Minerva, sive Pallas providentiam significat intellectualem; ut docet Cælius Rhodiginus lib. 14. lect. ant. cap. 18. diciturque virgo, sive quia numquam confescescit prudentia, nec ullâ inficitur labe, sive, ut vult Diodorus lib. 1. cap. 2. quia eadem existimatur ær, qui non corrumpitur . Scribit D. Augustinus lib. 7. de Civit. Dei cap. 16. eam vel summum æthera, vel Lunam creditam fuisse; quam sententiam confirmat Porphyrius apud Eusebium lib. 3. cap. 3. his verbis : *Ὅπερ δὲ Ἀπόλλων ἐν ἡλίῳ, τὸ τοῦ Ἀθηνᾶ ἐν Σελήνῃ . ἔστι γὰρ τῆς φρονήσεως σύμβολον Ἀθηνᾶς οὕσα .* *Quod autem in Sole Apollo est, hoc ipsum Minerva in Luna; est enim prudentiæ symbolum in star cuiusdam Minervæ* . Præclarus hic varius lapis extans in Mu-

Museo nostro commendabilis est propter industriam artificis, qui varios ejus colores mirabiliter in hoc opere distinxit, faciei, & colli albedinem expressit candidissimam; armaturam, galeamque auream; capillos verò sparsos ad usum. Puellarum Spartanarum, & flavos, ut apud Ovidium lib. 6. Fastor.

Nunc ades, ô, cæptis, flava Minerva meis.

Hæc Dea non artibus tantum, sed & armis dicebatur præfesse, unde militaris, armifera, & bellatrix dicta est, armataque sæpissimè repræsentatur. Gorgona ei ponitur in thorace vel tamquam favorabile amuletum, quod eam faciebat invictam, vel quasi terroris imago, ut vir sapiens terrorem contra adversarios gestet in pectore, ut interpretatur Fulgentius lib. 2. Mythol.

TABULA VI.

IN adducta gemma Minervæ galea pilis equinis adornatur, at in præsentī anguis videtur ei superpositus in signum salutis, & prudentiæ: alæ conveniunt etiam huic Deæ, vel quia eadem censetur aër, vel propter *acrem minimèque retrahendum ad res impetum*, vel quod *ad depellendam injuriam, atque opem ferendam satis est instructa*, unde *Victoria est appellata*. Si fides Phornuto, & à Græcis Νίκη Παλλάς dicta.

TABULA VII.

Tertiam ejusdem Minervæ exhibemus imaginem extantem pariter in gemma exquisitissimi artificii, quæ penes Abbatem Robertum Harpeur Anglum Romæ olim asservabatur. Ferè similis gemma vulgata fuit à Baudelotio, & Gronovio, demum à Cl. Philippo Barone de Stofsch in suis gemmis sculptorum nominibus insignitis, quod forsitan in nostra gemma, quæ eadem est, incuria est prætermisum. Imago huic ferè similis è nobilissimo Rondaninio Museo gemmarum antiquarum elapso sæculo ditissimo desumpta visitur in Iconographia Caninii sub Aspasie nomine, sed verisimilius est illam ad Minervam referri, nisi ve-

velimus dicere Aspasiam sub ejus imagine repræsentari. Etenim quatuor symbola super ejus galeam posita Minervæ ascripta fuisse constat. Noctuam in signum sapientiæ ei consecratam scribit Fulgentius lib. 2. *In hujus etiam tutelam noctuam volunt, quod sapientia etiam in tenebris proprium fulgorem possideat.* De Sphinge loquitur Pausanias in Attic. describens hujus Deæ simulacrum. *Αὐτὰ δὲ ἔτε ἑλκέντος τὸ ἄγαλμα καὶ χρυσῷ πεποιήται. μέσσω δὲ οὗ ἐπὶ τῇ κεφαλῇ Σφίγγος ἀκνῶν.* Deæ signum ex auro, & ebore factum, in galeæ cono Sphinx eminet. Pegasus Minervæ attribuitur, vel ut sapientiæ, famæque symbolum, vel quia illa Pegasus à se domitum fræno illi imposito Bellerophonti tradidisse fertur, unde Frænatrix dicta est, cui Corinthios Templum extruxisse narrat idem Pausanias in Corinth. Quadrigas ei convenire scribit Cicero lib. 3. de natura Deor. quinque Minervas recensens, inter quas unam Jove, & Coriphe Oceani filiâ natam, quam Arcades Coriam nominabant, & quadrigarum ferebant inventricem.

TABULA VIII.

IN hac eximia sculptura exhibetur Apollo laureatus, juvenili formâ, citharam tenens: imberbis quidem repræsentatur, quia, ut docet Fulgentius lib. 1. Mithol. Sol, qui idem est cum Apolline, *occidendo, & renascendo, semper est juvenior, sive quod numquam in sua virtute deficiat, ut Luna, quæ crescit, & minuitur.* Crinitus pingitur, & ob promissos capillos dicitur intonsus. Horatius car. lib. 1. od. 21.

Dianam teneræ dicite virgines,

Intonsum pueri dicite Cynthia.

Acersecomes vocatur ab Homero hymn. in Apoll. *ᾠβὸν ἀκέρσεκός μιν*, velut intonsus, & liber ab omni perturbatione. Pausanias in Eliac. pr. & Diodorus lib. 4. Apollinem citharæ primum fuisse inventorem referunt: sed quare illius simulacrum manibus citharam tenens fingatur, rationem hanc reddit Suidas, quod Apollinis simulacrum ut Sol intelligatur, & dicatur esse universitatis hujus harmonia, cum cæteris enim stellis commixtus animalia gignit. Fulgentius verò lib. 1. scribit Apollinem idè cum decachorda pingi cithara, ipsum

ipsumque novem Musis decimum adjici, quod humanæ vocis decem sint modulamina. Credebant veteres Apollinem eundem esse atque Solem, sive oculum Mundi, & cum omnia facile videret, illum ideò finxerunt divinationibus præfesse, caputque illius laureâ coronâ cinxerunt. Etenim laurus vaticinationis erat symbolum, & ex ejus crepitu, dum ardebat, observabantur rerum eventa; nam, si in ignem injecta strepitum ederet, felicissimum erat signum. Tibullus lib. 2. el. 6.

At laurus bona signa dedit, gaudete coloni.

Contrà, si tacite conflagrasset, sinistrum omen reputabatur. Propertius lib. 2. el. 16.

Et tacita extincto laurus adusta foco.

Scribit Fulgentius lib. 1. laurum pulvinari subjectam verasomnia ostendere, & Alciatus.

Præcia venturi laurus fert signa salutis,

Subdita pulvillo somnia vera facit.

Sic & vaticinaturi laurum comedebant. Idem Tibullus lib. 2. el. 6.

*..... sic usque sacras innoxia lauros
Vescar.*

Hæc arbor utpotè saluberrima tribuebatur etiam Apollini indicandæ medicinæ causâ, cujus præses hic Deus habebatur. Laurus enim, si fides Galeno simpl. med. lib. 6. defliccat, calefacit, attenuat, aperit, provocat, incidit, emollit, digerit, & flatus pellit. Illa etiam in aqua madefacta eandem aquam salubrem facit, teste Constantino Cæsare lib. 2. de agricultura cap. 6.

T A B U L A I X.

FErunt scriptores Æsculapium ex Apolline, & Coronide natum medendi artibus præfuisse, tantâque illarum peritiâ excelluisse, ut nonnullis defunctis vitam restituerit, eâque de causa fulmine à Jove percussum, ab eodem immortalitatis deinde factum fuisse participem, ut narrat Lucianus in Dialog. Pindarus verò poeta Lyricus citatus à Tertulliano in Apolog. cap. 14. canit Æsculapium ob avaritiam, quâ medicinam nocenter exercebat, fulmine vindicatum. Barbatus exhi-

Sectio I. Gemmæ antiquæ. 9

exhibetur hic Deus, etſi ſemper adoleſcentis Apollinis filius, unde ſcribit Arnob. lib. 6. adv. Gent. in ancipiti relinqui, uter eorum ſit pater, uter filius, imò an ſint generis, & cognationis unius. Æſculapii ſimulacris baculum in manu attribuitur, quaſi ægrotantium ſuſtentaculum: ſerpens verò baculo circumvolutus, quod hi, qui medicina utuntur, renoventur ut ſerpentes, & quaſi ſenectutem exuant. Ovid. lib. 3. de arte am.

Anguibꝯ exuitur tenui cum pelle ſenectus.

Refert Plinius lib. 29. cap. 24. ſerpenti multa ineſſe remedia, ideòque Æſculapio dicatum fuiſſe: eidem etiam tribuitur corona lauri, quòd ei juſ divinationis adjungitur, eundem enim eſſe atque Apollinem docet Macrobius Saturn. lib. 1. cap. 20. & Apollodorus ab eo citatus tradit in libris, quibus titulus eſt *περὶ ῥαίων*, Æſculapium ea de cauſa divinationibus, & auguriis præeſſe, quòd medicus commoda, & incommoda in corpore futura prænoſcere debet, juxta illud Hippocratis oportere medicum dicere de ægro *τὰ τε παρόντα, καὶ τὰ μελλοντά, καὶ τὰ μέλλοντα ἴσθαι*, ideſt: *Quæ ſint, quæ fuerint, quæ mox ventura ſequentur*. Scribit Cælius Rhodiginus lib. 27. lect. ant. cap. 15. in templo Æſculapii, quod in Epidaurο erat, ægrotos cubare ſolitos, ut per ſomnium bonam valetudinem à Diis offenſam conjectare poſſent; quod Jamblichus de Myſteriis ſect. 3. cap. 3. his verbis confirmat: *Εν Ασκληπιῷ μὲν τὰ νοσήματα τοῖς ῥαίοις ὁμήροις πάντας διδόντι τὴν τάξιν τῶν νύκτας ὑπαιφανῶν, ἡ ἱατρικὴ τέχνη συνέστη ἀπὸ τῶν ἱερῶν ἀναράτων*. In Æſculapii Templo per ſomnia divina morbi ſanantur; ipſaque medendi ars conſtitutis obſervationibus nocturnarum apparitionum in divinis ſomniis comparata eſt. De hoc ritu meminit etiam Plautus in Curcul. act. 1. ſc. 1.

... quia hic Leno ægrotus incubat.

In Æſculapii Fano.

T A B U L A X.

Hygiæam ſinxerunt veteres Æſculapii filiam, eamque ut ſalutis Deam venerati ſunt: ſalus enim gignitur ex aëre puro, Æſculapius autem plerumque habebatur pro

Tom. I.

B

aëre,

aëre, unde Pausanias in Achaic. scribit : Ασκληπιὸς μὲν ἄερα
 καὶ τὸ αὐτοῦ πᾶν ἔχει ἐκ πάντων ὁμοίως ζωὴς ἑπταήμερος πρὸς ὑγίαν Ἀπολλωνα
 δὲ Ἥλιον, ὃ ἀντὶ τοῦ ὁρθότατα Ασκληπιὸς πατέρα ἐπονομάζεσθαι, ὅτι ἐς τὸ
 ἀρμόζον ταῖς ὥραις ποιῶμενος ὁ Ἥλιος τὸν δρόμον μεταδίδωσι τῷ ἄερι ὑγείας.

Æsculapium aliud nihil quam aerem esse, ex quo bona valetudo, quam Græci Hygiæam appellant, tam homini, quam cunctis aliis animantibus existeret: Apollinem, qui Sol ipse est, jure patrem Æsculapii perhiberi, quod anniverfarias vicissitudines cursu conficiens suo aeri salubritatem impertiat. Serpentis Æsculapio, & Saluti dicati meminit Macrobius Saturn. lib. 1. cap. 20. docens ideò simulacris eorum jungi dracones, quòd hì ad Solis, & Lunæ naturam referuntur. Est, inquit, Æsculapius vis salubris de substantia Solis subveniens animis, corporibusque mortalium. Salus autem naturæ Lunaris effectus est, quo animantium corpora juvantur salutifero firmata temperamento. Ideò ergò simulacris eorum junguntur figuræ draconum, quia præstant, ut humana corpora velut infirmitatis pelle deposita ad pristinum revivescant vigorem, ut revivescunt dracones per annos singulos pelle senectutis exuta. Tibullus lib. 1. el. 4. Serpens novus exiit annos. Salutis augurium apud Romanos celebrabatur, quod intermissum, renovavit Augustus, teste Svetonio in ejus vita cap. 31. Symbolum autem prosperitatis fuisse apud Ægyptios liquet ex historia Antiochi Soteris, qui adversus Galatas pugnaturus, hoc signo vexillis imposito, datoque militibus pro tessera, de quo faciendo se per somnium ab Alexandro Magno monitum fuisse simulavit, insignem retulit victoriam, cujus rei signum in quibusdam Antiochi numismatibus apparet. Est autem triangulus triplex invicem insertus, constans ex quinque lineis, in quibus ΥΓΙΕΙΑ inscribitur. Narrat Cælius Rhodiginus lib. 22. lect. ant. cap. 2. mulieres apud Sicyonios Hygiæ simulacro capillos dicare solitas, quos in ejus honorem sibi rescindebant.



T A B U L A X I.

NOtissima est Sileni effigies, fuit enim simus, & calvus; garrulum, & nugacem, sive loquacem describit illum Sui-

Sectio I. Gemmæ antiquæ. 11

Suidas, Silenumque à verbo *συλαίνω* *garrio*, *nugor*, dictum asserit. Bacchi nutricium, magistrumque fuisse docet Diodorus lib. 4. cap. 1. plurimumque ad virtutem, & gloriam, resque bellicas ei præsuisse scribit. Philosophiæ quoque illum operam dedisse innuit Ælianus lib. 3. sermonem ejus ad Midam Phrygem habitum referens. Accipimus ex Athenæo Deipnosoph. lib. 4. Silenum fistulæ multis compactæ calamis inventorem fuisse, illius verò, quæ cerâ conjungitur, Marsyam: sed utrumque cum Apolline contendisse notat Pausanias in Corinth. Hedera, quâ Silenus in hac gemma coronatus exhibetur, fuit Baccho sacra, illius frondes adversus dolorem, & gravitatem capitis à vini potu molestam prodesse credebant veteres, eaque de causa hederaceis præcipuè coronis caput cingebant. Ex Athenæo Deipnosoph. lib. 15. Silenum in gratiam Bacchi Aratus inter sidera translatum dicit.

T A B U L A XII.

Bacchæ fuerunt Liberi patris comites, quæ, teste Suida, ferebantur quodam afflatu divino repletæ. Bacchum apud Indos bellantem secutæ sunt, foeminæ, ut verbis D. Augustini utar, non tam virtute nobiles, quàm furore. Dictæ sunt Bacchæ à verbo *bacchari*, quod idem est ac furere; etenim orgia Liberi patris velut per furorem magnis clamoribus celebrabant, pampineisque, & hederaceis utebantur coronis. Scribit Eusebius lib. 2. cap. 5. Bacchas in orgiis celebrandis Evam conclamare solitas, quæ vox Hebraicè cum aspiratione graviore foeminei sexus serpentem significat, ideòque hanc vocem clamare, quia sæpe in dictis orgiis erant coronatæ serpentibus.

T A B U L A XIII.

Quatuor Bacchas sorores recenset Fulgentius lib. 2. Mythol. quarum proprietates eruditè describit his verbis: *Quatuor sunt ebrietatis genera, idest, prima vinolentia, secunda rerum oblivio, tertia libido, quarta insania, unde*

et nomina hæc quatuor Bacchæ acceperunt. Bacchæ dictæ sunt quasi vino vacantes; prima Ino, Ἰνὸς Græcè, Latine vinum dicimus: secunda Autonoe, quasi αὐτονοῖα, idest, seipsam non cognoscens: tertia Semele, quasi σπουδαῖον, quod nos Latine corpus solutum dicimus, unde et ipsa genuisse Liberum patrem dicitur, idest, de libidine nata ebrietas: quarta Agave, quæ idèd insanie comparatur, quòd caput filii violenter abscidit. Dicta confirmat S. Petrus Chrysologus serm. 27. de vitanda ebrietate illius furores describens. Ebrietas, inquit, cædis mater, parens litium, furoris genitrix, petulantie deformiter est magistra: hanc qui habet, se non habet: hanc qui habet, homo non est: hanc qui habet, non peccatum facit, sed est ipse peccatum: ebrietas est Dæmon blandus, venenum dulce, rabies voluntaria, invitatus hostis, illecebra honestatis, et pudoris injuria.

TABULA XIV.

Africam Græci Libyam appellavere (inquit Plin. in proem. lib. 5.) quâ mare ante eam Libycum incipiens Ægyptio finitur. Hanc tertiam Orbis partem ab uno Abrahæ posterorum, cui nomen erat Afer, denominatam fuisse credit Josephus: alii verò ab ἀφρивα, & Græco vocabulo φρίκη, quod frigoris horrorem significat, sic dictam autumant. Nutrit hæc regio Dracones, Elephantes, Capreas, Bubalos, Leones, Pardales, Camelopardales, & alia diversa ferarum, monstrorumque genera, ut colligitur ex Strabone. Narrat Ælianus lib. 3. Anim. cap. 31. in Africa multos gigni Basiliscos, eosque Galli cantu terrore percussos emori. Reperiuntur etiam ibidem insensissima Scorpionum genera, de quibus latissime Plinius lib. 11. cap. 25. qui scribit lib. 8. cap. 11. Elephantes perpetuò cum Draconibus bellantes in Africa reperiri. Hanc regionem Leonibus, & Elephantibus abundare tradit Manilius lib. 4.

Et vastos Elephantas habet, sævosque Leones

In pænas secunda suas parit horrida tellus.

Unde non mirum est, si in multis Hadriani, Antonini, & Severi numismatibus repræsentetur Africa sub figura muliebri cum proboscide in capite; & similiter in moneta aurea Cæsaræ

Sectio I. Gemmæ antiquæ . 13

stia gentis, & in argentea familiæ Hippia, in quibus facies muliebris exhibetur, ut in hac gemma, gestans pro calantica exuvias capitis elephantini cum eadem probolice. Constat enim veteres hoc symbolo semper Africam denotasse, utpotè Elephantium feracem, unde pedites Mauri pellibus animalium hujusmodi pro clypeis utebantur.

TABULA XV.

Solon patriâ Salaminus fuit unus ex septem Græciæ Sapientibus, Atheniensis Philosophus, & Legislator, cujus dictum erat, *Nosce te ipsum*. Vixit Athenis Olymp. XLVII. vel, ut aliis placet, LVI. Tempore Pisistrati Tyranni insidiis petitus in Ciliciam spontè secessit, ibique urbem de suo nomine Solensem denominatam condidit. Dicunt alii civitatem hanc in Cypro condidisse, in qua deinde annorum LXXX. decessit. Sed quantâ discendi cupiditate flagraverit, colligitur ex Valerio Maximo lib. 8. cap. 7. supremum illius vitæ diem referente his verbis: *Quum assidentibus amicis, & quadam de re sermonem inter se conferentibus, satis jam pressum caput erigeret, interrogatus, quapropter id fecisset, respondit; ut cum istud, quidquid est, de quo jam disputatis, percepero, moriar. Migrasset profecto ex hominibus inertia, si eo animo vitam ingrederemur, quo eam Solon egressus est*. Illius supra cæteros Græciæ sapientes præstantiæ meminit Ausonius in Sapient.

De more Græco prodeo in scenam Solon,

Septem Sapientum fama cui palmam dedit.

Multa de illo Plutarchus, & Diogenes Laërtius.

TABULA XVI.

Socrates Sophronisci statuarii, & Phanaretæ obstetricis filius natus est Athenis Olympiade LXXVII. tempore belli Peloponnesiaci. Simum, & calvum, Silenoque similem describit illum Suidas. Philosophiæ partem illam, quæ de moribus agit, moralisque propterea dicitur, præcipuè coluit. *Socrates philosophiam primus devocavit à Cælo* (ait Tullius lib. 5. Tuscul.) *& in urbibus collocavit, & in domos etiam intro-*
du-

duxit, & coegit de vita, & moribus, rebusque bonis, & malis quærere. Apollinis oraculo judicatus fuit sapientissimus; refert enim Coelius Rhodiginus lib. 13. lect. ant. cap. 1. Chærophonti cuidam Socratis perfamiliari Pythiam respondisse, hæc verba: Sapiens quidem Sophocles, sapientior vero Euripides, & omnium sapientissimus Socrates. Æqualem semper vultum sive in prosperis, sive in adversis rebus servavit, unde Plinius, Ferunt (inquit) Socratem clarum sapientiâ eodem semper visum vultu, nec aut hilari magis, aut turbato. Duas habuit uxores Xanthippem, ex qua natus est Lamprocles, & Myrtodem Aristidis iusti filiam, ex qua filios suscepit Sophroniscum, & Menedemum, vel Menexenum. Audivit magistros philosophiæ Anaxagoram, Clazomenium, Damonem, & Archelaum. Plurimos habuit discipulos diverfarum sectarum institutores, inter quos primum tenet locum Plato Academiæ Princeps, à quo Socratis dissertationes commemorantur, illum enim nihil umquam scripisse constat. Tandem ab Anyto, & Melito accusatus, quòd novam religionem vellet introducere, in vinculis diù fuit, cumque ad mortem condemnatus esset, fortique animo (ut scribit Valerius Maximus lib. 7. cap. 2.) & constanti vultu potionem veneni è manu carnificis accepisset; admoto jam labris poculo, uxori Xanthippæ inter fletum, & lamentationem vociferanti innocentem eum periri. Quid ergo? inquit, nocenti mihi mori satius esse duxisti? O immensam illam sapientiam, quæ ne in ipso quidem vitæ excessu oblivisci sui potuit. Tanta fuit deinde Atheniensibus de morte Socratis poenitentia, ut paullò post omnia gymnasia facerent claudere, illius accusatores Melitum morte, Anytum exilio punirent, ipsique statuam æream Lysippi opus dedicarent.

T A B U L A XVII.

Magistrum sequitur discipulus, sapientissimum videlicet Socratem divinus Plato Academiæ Princeps natus Athenis patre Aristone anno secundo Olympiadis LXXX. Aristocles prius vocabatur, deinde ob latos humeros Platonis nomen sortitum fuisse narrat Suidas. Περὶ σοφιστικῆς καὶ φιλοσοφίας.

Sectio I. Gemmæ antiquæ . 15

κλῆς· ὅς ἐστι τὸ πλατὺς ἢ τὸ στενόν, πλατὺν ἰσχυρομένον. ἄλλοι δὲ ὡς πλατὺν ἐν λόγοις, Πλάτωνα κληθῆναι. *Aristocles primò est dictus; sed ob latitudinem pectoris Plato est cognominatus; alii ob amplitudinem orationis Platonem dictum ajunt.* Etenim Platonis infantis ore apes confederunt, singularem prædulcis eloquii portendentes suavitatem, si fides Plinio lib. 11. cap. 17. & Valerio Maximo lib. 1. cap. 6. Tantâ eum facundiâ instructum fuisse scribit idem Valerius Max. lib. 8. cap. 7. *Ut si ipse Jupiter cælo descendisset, nec elegantiore, nec beatiore facundiâ usus videretur.* Caput ejus comatum, & barbatum exhibetur in hac gemma, prout illum habuisse docet Ælianus referens primam inter Platonem, & Aristotelem dissensionem ex barba, & capillis ortam, cum Aristoteles contra Platonis morem radi, & tonderi solitus fuerit. Octogenario major decessit teste eodem Maximo loco citato. *Altero etiam & octogesimo anno decedens sub capite Sophronis mimos habuisse fertur: sic ne extrema quidem ejus hora agitatione studii vacua fuit.* Platonis imagines annulis insculptas gestabant Academici, ut & Zenonis, & Aristotelis Stoici, & Peripatetici. Audiamus Epiphanium de Carpocratianis, Gnosticis, & Basilidis sectatoribus hæresi 27. *Philosophorum imagines, ab illis, adoratas esse scribentem. Habent depictas coloribus imagines, quidam etiam aureas, aut argenteas, vel ex alia materia factas, quas esse Jesu effigies affirmant, easdemque à Pontio Pilato ad Christi similitudinem effictas, quo tempore inter homines degebat. Sed ejusmodi imagines occultas habent, necnon & Philosophorum quorundam, ut Pythagoræ, Platonis, Aristotelis, aliorumque, quibus eas, quas dixi, Christi effigies miscent, & erectas simul omnes adorant, ad easque Gentilium ritus instituunt.*

TABULA XVIII.

Pulcherrimas Alexandri Magni, ejusque matris Olympiadis imagines. Cameus exquisitissimi artificii nobis exhibet. Ille hic est, qui olim in celeberrima Mantuæ Ducum gaza cum plurimis propemodum antiquæ, & modernæ magnificentiæ monumentis, asservabatur, at illa superioribus annis in miserabili urbis excidio direpta multorum dein-
de

de Principum cimelia exornavit; iste verò cameus clarissimæ memoriæ Reginæ Christinæ thesauro accessit, in quo etiam rarissima ex quovis metallo, moduloque numismata, gemmæ pretiosissimæ, eximiæ Græcorum, Romanorumque Sculptorum statuæ, bibliotheca selectissima, plurimæ celeberrimorum Pictorum tabulæ, ditissimaque peristromata omnium oculos mirum in modum etiam nunc alliciunt. Alexandri Magni res gestas Plutarchus, Q. Curtius, alique scripsere. Is Jovis Ammonis filius perhibebatur, à quo in draconem commutato Olympias ejus mater compressa fuerat; ideòque serpentis imaginem & galeæ, & pectori insculptam exhibet hæc gemma, ut & Ammonis caput humero, quod historiam à Plutarcho allatam mirificè confirmat, *Falsidio Philippi* (Alexander, ait Valerius Maximus lib. 9. cap. 5.) *Jovem Ammonem patrem ascrivit*. Imagines Alexandri Magni sive in numismatibus, sive in gemmis, ut favorabilia amuleta, gestabant veteres, de quibus mentionem facit Trebellius Pollio in Macrianis. *Alexandrum Magnum Macedonem* (inquit viri in auro, & in argento; mulieres & in reticulis, & dextrocheriis, & in annulis, & in omni ornamentorum genere, exsculptum semper habuerunt: eò usque, ut tunicæ, & limbi, & penulæ matronales in familia ejus bodieque sunt, quæ Alexandri effigiem delitiis variantibus monstrant. Hanc superstitionem redarguit Jo. Chrysostomus homil. 25. ad populum Antiochenum his verbis. *Quid verò diceret aliquis de his, qui carminibus, & ligaturis utuntur, & de circumligantibus aurea Alexandri Macedonis numismata capiti, vel pedibus? Dic mihi, istane sunt spes nostræ, ut post crucem, & mortem Domini gentilis Regis imagine spem salutis habeamus.*

TABULA XIX.

Lysimachus filius Agathoclis fuit unus ex successoribus Alexandri Magni, & forsàn ob tanti Principis memoriam cornua & ille gestat arietina. In sacris litteris cornu est symbolum supremæ potentiæ, & vox, *Keren*, significat tam illud, quàm coronam. Ferunt Lysimachum ab Alexandro Leoni objectum, quòd venenum Callistheni propinasset, ma-

Sectio I. Gemmæ antiquæ. 17

manum quodam amiculo convolutam in os leonis intulisse, illiusque linguam abripuisse. Fuit deinde ut prius Alexandro dilectus, & post illius mortem Pergamo præfuit.

T A B U L A X X.

I Mago C. Coelii Caldi in sarda gemma pulcherrima, & artificiosè elaborata, ut puto, efficta est. Consul fuit anno U. C. DCLIX. quam dignitatem tamquam novus homo, ut scribit Cicero de petitione consulatus, eloquentiâ suâ adeptus est. In perduellionis iudicio tabellam exhibuit cum duabus litteris L. D. hoc est, *Libero, & Damno*; quæ signatæ sunt in illius argenteo nummo à filio, vel nepote in ejus memoriam percussio.

T A B U L A X X I.

Præclara Pompeji Magni facta ignota esse nemini satis constat; unde aliqua de illius effigie, pauca de rebus ab eo gestis hic referam. Vellejus lib. 2. scribit Pompejum Magnum fuisse *formâ excellentem, non eâ, quâ flos commendatur ætatis, sed ex dignitate constanti*. Plutarchus in ejus vita postquam de illius ortu, & natalibus quædam retulit, subjungit eum ab adolescentia tanto decore vultus extitisse, ut Alexandro Magno similis vulgò crederetur, & à quibusdam Alexander appellatus fuerit. Vultus tamen juvenilis Pompeji cum Alexandro conformitas ex hac gemma elici non potest, cum in ea Pompejus ætate jam provectus repræsentetur, tùm etiam quòd de illa perfecta similitudine Plutarchus omnino non conveniat: sed capillitium paulatim assurgens, quod prætulisse Pompejum narrat idem Plutarchus, cum imagine in hac gemma efficta planè concordat. Valerius Maximus lib. 8. cap. 15. pauca de præclaris ejus gestis, sed memorabilia narrat his verbis: *Eques Romanus pro Consule in Hispaniam adversus Sertorium pari imperio cum Pio Metello Principe civitatis missus est: nondum ullum honorem auspicatus bis triumphavit: initia Magistratuum à summo Imperio cepit: tertium Consulatum decreto Senatus solus gessit: de Mithridate, & Tigra-*

ne, de multis præterea Regibus, gentibus, plurimisque civitatibus, & prædonibus, unum duxit triumphum. Ejusdem laudes, & res gestas paucis etiam perstrictas, refert Plinius lib. 7. cap. 26.

T A B U L A X X I I .

I Mago M. Tullii Ciceronis eloquentiæ Romanæ facilitè Principis hic exhibetur, cujus linguam dictam fuisse divitem scribit Cœlius Rhodiginus lib. 25. lect. ant. cap. 3. Post detectam Catilinæ conjurationem patris patriæ nomen ei à Senatu concessum fuit, quod nullo umquam, si Camillum excipiamus, quem Livius narrat à militibus in triumpho, sed non ex decreto Senatus, patrem patriæ appellatum fuisse. De hoc illustri titulo Ciceroni concessio mentionem facit Juvenalis sat. 8.

..... sed Roma parentem.

Roma patrem patriæ Ciceronem libera dixit.

Egregium illius elogium vide apud Plinium lib. 7. cap. 30.

T A B U L A X X I I I .

D Brutus ab A. Postumio Albino adoptatus hujus prænomen secundum morem adoptionum retinuit. Fuit unus ex percussoribus Cæsaris, qui eum in testamento suo secundum hæredem scripserat. Consul designatus fuit in annum DCCXI. quem tamen lege Pedia damnatus non iniit. Ultimus Romanorum dictus est, teste Cælio Rhodiginio lib. 17. lect. ant. cap. 8. Plura vide apud Vellejum lib. 11.

T A B U L A X X I V .

C N. Domitius Ahenobarbus, cujus effigies in cameo sculpta extat in Museo nostro, fuit Neronis Imperatoris proavus, & unus ex conjuratis Cæsaris. Præfuit classi, quâ mare Jonium aliquando tenuit; eam deinde M. Antonio tradidit ejus partes post Philippense bellum secutus, si fides Dioni lib. 48. & Svetonio in Nerone cap. 3.

Sectio I. Gemmæ antiquæ. 19

TABULA XXV.

Veneranda C. Julii Cæsaris hic exhibetur imago, Principis non fortitudine modò, sed & eloquentiâ, præclarisque animi dotibus commendabilis. Vidit illum Gallia expugnatorem, Germania, & Britannia debellatorem; Pharsalici campi victorem, Ægyptus vindicem, & ultorem, Africa, Syria, Pontus, & Hispania invictum semper, Roma clementissimum experta est, conspexitque quinquies triumphantem, teste Svetonio. Dignus sanè videretur clarissimus Princeps potito Imperio, si patriæ libertati imperium non repugnasset.

TABULA XXVI.

Tiberius Liviae Augustæ filius, extinctis Cajo, & Lucio Cæsaribus, Juliam eorum matrem sibi ab Augusto in uxorem traditam accepit, ab eoque adoptatus, ejus in Imperio successor fuit. Primis Imperii mensibus vitiorum suorum dissimulationi studuit, seque erga singulos humanissimum, & adversus convitia patientem præbuit dicens in civitate libera linguam, mentemque liberas esse debere. Speciem quamdam libertatis induxit, multaue statuit ad Urbis, & Reipublicæ utilitatem; sed tandem vitia matè diù dissimulata profudit, omnique libidinis, avaritiæ, & crudelitatis genere contaminatus, obiit in Villa Luculliana anno Imperii XXIII. ætatis verò LXXVIII. Auctor est Svetonius.

TABULA XXVII.

Hæc præclara Lucii Veri effigies ex carneola pulcherrima, & faberrimè sculpta desumpta est, quæ olim exstabat in selectissima bonæ memoriæ Cardinalis Maximi Bibliotheca. Lucius Verus à M. Aurelio adoptatus Lucillæ ejus filiâ in uxorem illi traditâ Imperii ab eodem consors factus est. Bellum Parthicum per Legatos suos confecit, partumque est ipsi nomen Armeniaci, Parthici, & Medici, ut scribit Julius Capitolinus. Princeps mollis, & voluptatibus deditus anno Imperii XI. improvisâ morte occubuit.

TABULA XXVIII.

Optimo patri M. Aurelio successit pessimus filius Commodus nomine, sed factis Populo Romano maximè incommodus, impurissimus, & crudelissimus Imperator Carnifex Senatus vulgò appellatus, teste Lampridio. *Fuit eâ dementiâ (inquit Capitolinus) ut Urbem Romam Coloniam Commodianam vocari volueris.* Etenim se in nummis Herculem Romæ Conditorē declarat. Multa cognomina sibi sumpsit, sed præsertim Hercules, de quo scribit idem Lampridius: *Accepit statuas in Herculis habitu, eique immolatum est ut Deo.* Tandem omnibus ob crudelitatem exosus facta in eum conspiratione, consciâ ejus concubinâ Marcîâ, anno Imperii XIII. strangulatus est. Egregia hæc sculptura in berillo, vel aqua marina, ut vulgò vocatur, custodiebatur in celeberrima gaza Cardinalis Carpinei, qui nobilissimum suum ingenium ostendebat in amore, & studio eruditæ antiquitatis. Possidebat Princeps Eminentissimus museum rebus præsertim sacris refertissimum, nummosque cujusvis formæ, & metalli rarissimos, inter quos centum & amplius maximi moduli inspicere mihi licuit (quæ omnia modo à Benedicto XIV. in Bibliothecam Vaticanam translata adservantur) conciliatore Raphaële Fabretto Alexandri Papæ VIII. à Secretis, viro summæ doctrinæ, & in omni scientiarum genere versatissimo, qui & ipse suam in re antiquaria peritiâ tribus de Aquis, & Aquæductibus veteris Romæ dissertationibus, Columnæ Trajanæ expositione, aliisque suis eruditissimis operibus exhibuit. Plurimæ quoque statuæ nobilissimas ejusdem Cardinalis ædes exornabant, sed maximè Annii Veri fratris Commodi natu minoris caput marmoreum; cujus etiam Principis pulcherrima, & à temporis diuturnitate nil quidquam detrimenti passa effigies pariter marmorea extabat penès Illust. Abbatem Isidorum Huart, virum comitate, & urbanitate commendabilem, veterisque memoriæ studiosissimum; quippe qui seriem numismatum lectissimam, variaque antiquitatis monumenta in suo cimetio asservabat.

Sectio I. Gemmæ antiquæ . 21

TABULA XXIX.

R Ara esse Didii Juliani ex quovis metallo numismata norunt omnes, qui ea tractant; at gemmæ illius vultum repræsentantes eximiæ sunt raritatis; unde hanc imaginem in pulcherrima carneola sculptam extantem in Museo nostro hic exhibemus. Interfecto à militibus Pertinace Julianus Imperium à Prætorianis nundinatus Tribuniciam potestatem accepit: auditâ deinde, in Syria C. Pescennii, & in Pannonia Septimii Severi electione, ab omnibus destitutus tertio Imperii mense occisus est.

TABULA XXX.

Septimius Severus Imperator ab exercitu Pannonico salutatus, Romæ Juliano, Pescennio in Oriente, & Albino in Gallia interemptis solus Imperio potitus est. Filios Caracallam, & Getam Imperatores moriens declaravit. Eboraci in Anglia morte sibi medicorum ope accelerata, Caracalla, ut creditur, instigante obiit anno Imperii xvii.

TABULA XXXI.

E Legabalus Mæfæ artibus ad Imperium evehctus se Caracallæ filium publicavit, unde Antoninus à militibus appellatus est. Pessimus Imperator ad omnem lasciviæ, & crudelitatis speciem progressus cum Soëmia matre post annum Imperii tertium trucidatus est.

TABULA XXXII.

Sabina Trajani neptis, Matidiæ filia, Hadriani uxor, morosa foemina paullò ante mariti obitum extincta est. Illius imaginem non ob raritatem, sed propter insolitum capitis ornatum, variosque capillorum implexus hic apposuimus, de quibus jucundissimè more suo Juvenalis sat. 6.

*Tot premit ordinibus, tot adhuc compagibus altum
Ædificat caput.*

Ter-

Tertullianus lib. de cultu fœm. cap. 7. mulierum vanitatem in disponendis crinibus, alienisque comparandis describit, & arguit his verbis : *Quid enim tanta ornanda capitis onerositas salutem subministrat? Quid crinibus vestris quiescere non licet, modo substrictis, modo relaxatis, modo suscitatis, modo elisis? aliæ gestiant in cincinnis coercere, aliæ ut vagi, & volucres elabantur, non bonâ simplicitate. Affigitis præterea nescio quas enormitates sutilium, atque textilium capillamentorum, nunc in galeri modum quasi vaginam capitis, & operculum verticis, nunc in cervicem retrò suggestum, &c. (& mox) Si non pudeat enormitatis, pudeat inquinamenti: ne exuvias alieni capitis forsitan immundi, forsitan nocentis, & gehennæ destinati sancto, & christiano capiti suppare. Comam non ut ornamentum, sed tamquam indicium velaminis esse debere mulieri docet D. Ambrosius epist. 1. ad Corinth. cap. 11. Mulier (inquit) si comam habuerit, gloria est illi, quoniam coma pro velamine data est ei. Multa de ornatricibus apud Laur. Pignorium in lib. de servis fol. 191.*

TABULA XXXIII.

ISis, teste Macrobio, Saturn. lib. 1. cap. 20. terra est, vel rerum natura subjacens Soli: Loto insidet, cujus flos ad Solis præsentiam extra undas emergens ejus motum sequitur ab ortu ad occasum, ut docet Theophr. lib. 4. ad indicandum generationem rerum omnium virtute Solaris Genii ex humido emergere. Perseam capiti habet impositam typum silentii, & veritatis, ut monstret sapientiæ, & arcanorum majestatem profanorum auribus supprimenda, sacraque mysteria solo silentio veneranda. Vestimento reticulato induta est rerum omnium connexionem denotante, sine qua mundus perfectus esse nequit, ut loquitur Trismegistus in Asclepio. Flagellum, seu scuticam manu tenet ad contrarios Dæmones, malosque, & nocivos Genios domandos, & expellendos; sic apud veteres Avernunci Dii dicebantur illi, qui mala imminencia aliò avertebant, & pingebantur scuticas, seu baculos manibus gestantes. De Deo super lotum sedente hæc scribit Jamblichus de Mysteriis sect. 7. cap. 2. Συμμαρτυρεῖ δὲ τὸ ἔξω σύμβολον. τὸ ᾧ ἐπὶ λαβῇ καθέζεσθαι, ὡς ἐροῦσιν τε
 ἔ τήν

Sectio I. Gemmæ antiquæ.

23

Ἐ τὴν ἰχθὺν αἰνίσσεται μὴ φανῶσαν μηδαμῶς τῆς ἰλύθῃ. καὶ ἡγεμονίαν νοσεῖν καὶ ἐμπύριον ἐπιδείκνυσι. κυκλοτερεῖ γὰρ πάντα ὁράει τὰ τῶ λωτῶ, καὶ τὰ ἐν τοῖς φύλλοις ἰδὼν, ἔ τὰ ἐν τοῖς καρποῖς φαινομένα ἥσπερ δὴ μὴ κινήσῃ τῶ κατὰ κύκλῳ γὰρ ἐνέργειά ἐστι ζυλισσῆς, τὸ κατὰ τὰ αὐτὰ καὶ ὡσαύτως καὶ ἐν μιᾷ τάξει καὶ καθ' ἑἷνα λόγον ἐμφαίνουσα. αὐτὸς δὲ δὴ ὁ θεὸς ἰδρυταὶ καθ' ἑαυτὸν, καὶ ὑπὲρ τῆν τοιαυτὴν ἡγεμονίαν καὶ ἐνέργειαν σεμνὸς καὶ ἐνισθῇ ὑπερηπαισμένη καὶ μέγαν ἐν ἑαυτῷ, ὥσπερ δὲ τὸ καθιέζεσθαι βέβηλε σημαίνειν. *Confirmat hæc etiam sequens symbolum, quod enim super lotum Deus sedeat, hoc obscure significat ejus eminentiam, & potentiam, quæ ne quidem tangat lutum; etiam & præfidentiam ejus intellectualem denotat, & plane empyriam; omnia enim in loto circularia sunt, tum folia, tum fructus, cui sola mentis operatio (ut quæ circulariter moveatur) respondet, per eadem videlicet & eodem patello, ordine, ratione se semper habens. Deus autem ipse per se solus sedet expansus super hoc imperium, & operationem, venerabilis, sanctus, in seipso penitus quiescens, quod quidem sedendo significatur.*

TABULA XXXIV.

EXhibetur in hac gemma eadem Isis inter quatuor elementa, per Salamandram, Aquilam, Delphinum, & Leonem significata, quorum ipsa uti rerum natura parens se dominam vocat apud Apulejum lib. 11. Metamorph. Omnia enim componuntur ex quatuor elementis igne, aëre, aqua, & terra, teste Cicerone lib. 2. de nat. Deor. & in eandem resolvuntur. Multimammia pingitur hæc Dea, prout describitur à Macrobio lib. 1. Saturn. cap. 20. *Isis cuncta religione celebratur, quæ est vel terra, vel natura rerum subjacens Soli. Hinc est, quod continuatis uberibus corpus Deæ omne densetur: quia vel terræ, vel rerum naturæ balitu nutritur universitas.*

TABULA XXXV.

CYbele Leone vecta, tympanum gestans, exhibetur in nummis Septimii Severi, & Caracallæ. Constat matrem Deum eandem creditam esse, atque tellurem, tympanumque, quod habet, significari esse orbem terræ, ut docet

D. Au-

D. Augustinus lib. 7. de Civit. Dei cap. 24. Tympanis in sacris hujus Deæ Sacerdotes utebantur. Ovidius lib. 4. Fastor.

Cymbala pro galeis, pro scutis tympana pulsant.

Hæc Dea Leonibus vebitur (inquit Macrobius Saturn. lib. 1. cap. 21.) *validis impetu, atque fervore animalibus, quæ natura cæli est, cujus ambitu aer continetur, qui vebit terram.* Scribit verò D. Augustinus loco cit. Leonem adjungi solum, ac mansuetum, ad indicandum nullum esse genus terræ tam remotum, ac vehementer ferum, quod non subigi, colique conveniat. In summo positus est Sol omnia calore suo vivificans, ex adverso Luna nocturno suo humore Solis calorem temperans, unde justa oritur conjunctio calidi, & humidi, terræ fecunditas, rerumque omnium procreatio. Carthaginenses Junonem Tyriam à Leone vectam colebant, illamque Deam coelestem vocabant.

TABULA XXXVI.

Apollo repræsentatur in hac gemma laureatus, columnæ innixus arcum tenens, ad cujus pedes lyra. Illius simulacrum huic ferè simile describitur à Luciano in opusc. de Gymn. Solonem sic Anacharfi respondentem introducente. Ο μὲν χῶρε' αὐτός, ὃ Ἀναχάρσι, γυμνάσιον ὑφ' ἡμῶν ὀνομαζέται, ἐν τῇ ἱερῇ Ἀπόλλωνος τῇ λυκίᾳ. Ἐπὶ τὸ ἄγαλμα δὲ αὐτῷ ὄρας, τοῦ ἐπὶ τῇ στήλῃ κεκλιμένον, τῇ ἀριστερᾷ μὲν τὸ τυζόν ἔχοντα· ἣ δὲξιᾷ δὲ ὑπὲρ τῆ κεφαλῆς ἀνακεκλασμέν, ὥσπερ ὃν καμάτῳ μακρῷ ἀναπαυοῦντον δείκνυσιν τὸν θεόν. *Locus ille, Anacharfi, à nobis vocatur Gymnasium, & est Lycii Apollinis Templum: cujus vides simulacrum, eum, qui est super columna reclinatus, qui quidem manu sinistra arcum tenet: cujus verò dextra super capite reflexa, Deum tamquam ex longo labore quiescentem ostendit. Arcus, & sagittæ Solis radiorum jactus innuunt. Lauream Apollini, & Libero sacratam esse scribit Tertullianus lib. de Corona Milit. cap. 12. Illi ut Deo Telorum, huic ut Deo Triumphorum. Lyra verò chordarum. septem tot coelestium sphaerarum motus designat.*

TABULA XXXVII.

Hæc præclara sculptura in achate, extans in Museo nostro, Solem exhibet stantem in curru, dextrâ scuticam, lævâ

Sectio I. Gemmæ antiquæ . 25

lævâ Quadrigarum velocissimè currentium habenas tenentem : circa marginem disposita sunt duodecim signa coelestia , quæ Zodiacum constituunt . De Sole , illiusque Quadrigis hæc scribit Fulgentius lib. 1. Mythol. *Sol dicitur , aut ex eo quod solus sit , aut quod solitè per dies surgat , & occidat : huic quoque Quadrigam adscribunt illam ob causam , quod aut quadripartitis temporum varietatibus anni circulum peragat , aut quod quadriduo limite diei metiatur spatium , unde & ipsius equis condigna sic nomina posuerunt , id est , Eritreus , Acteon , Lampos , Philogeus . Eritreus Græcè rubens dicitur , quod à matutino Sol lumine rubicundus exurgat : Acteon splendens dicitur , quod tertiæ horæ momentis webemens infissetur , lucidior fulgeat : Lampos verò cum ad umbilicum diei centratum conscenderit circulum : Philogeus Græcè terram amans dicitur , quod horâ nonâ proclivior vergens occasibus pronus incumbat . Quadrigas convenire Soli docet Tertullianus lib. de Spectaculis cap. 9. De jugo verò Quadrigas Soli , Bigas Lunæ sanxerunt . Sic etiam Prudentius lib. 1. contra Symmachum .*

Hoc fidus currum , rapidasque agitare Quadrigas

Commenti , & capitis radios , & verbera dextræ .

Macrobius in somnium Scip. lib. 2. cap. 10. Zodiacum vocat viam Solis , hujusque nominis etymologiam sic explicat lib. 1. cap. 21. *Et quia signa Græco nomine ζῳδια nuncupantur , circum ipsum , Zodiacum , quasi signiferum , vocarunt .* De signorum Zodiaci ordine , & cur illa diversorum numinum assignata sint potestati , diffusè scribit idem Macrobius loco citato . Hæc rara , & erudita gemma videtur fuisse amuletum cujusdam Priscillianæ hæresis sectatoris ; obscoenus enim , & impius ille Priscillianus supersticiosâ de signis coelestibus doctrinâ imbutus , homines inter se quodam fatalium stellarum nexu colligari ausus fuit asserere , ipsumque corpus humanum secundum duodecim Zodiaci signa compositum esse , singula singulis corporis partibus , necnon eadem duodecim Patriarcharum nominibus attribuens : cujus hæresis singula capita Leo Magnus epistolâ ad B. Turibium Astoricensem Episcopum confutavit . Damnaati fuere Priscillianistarum errores in multis Conciliis , & maximè in Bracharensi secundo sub Joanne III. anno reparatæ salutis DLXIII. hortatu Theodo-

miri, seu Ariamiri Suevorum Regis ab errore, & impietate Ariana ad fidem Catholicam converſi anno tertio ejus regni celebrato, cujus canonem decimum, in quantum ad præſentem gemmam facit, hic refero. *Si qui duodecim ſigna, quæ Mathematici obſervare ſolent, per ſingula animæ, vel corporis membra diſpoſita credunt, & nominibus Patriarcharum adſcripta dicunt, ſicut Priſcillianus dixit, anathema ſit. Virtutes hujus typi in lapide ſcalpti refert Camillus Leonardus lib. 3. de Lapidib. cap. 12. his verbis. Solis figura diverſimodè reperitur, &c. ſi ab equis quadrigis vebatur, & aliquando circa currum ſint ſigna Zodiaci: virtus hujus figuræ, ſi in aliquo lapide invenitur, eſt geſtantiem reddere potentem, ac imperantem, & venationibus delectantem: ſubſtantiam quoque acquirere facit.*

TABULA XXXVIII.

AD Canonem ejuſdem Concilii nonum videtur referri ſequens gemma, quæ ſeptem Planetas exhibet, ſuitque & illa cujuſdam Priſcilliani ſectatoris amuletum, omnia ſtellarum poteſtati, & influxibus ſubjicientis. Verba Concilii hæc ſunt. *Si quis animas, & corpora humana fatalibus ſtellis credit adſtringi, ſicut Pagani, & Priſcillianus dixerunt, anathema ſit.*

TABULA XXXIX.

Diana Lucifera ſic dicta eſt, quòd ſplendorem ſuum emittat, & circumfuſum aërem ſuo lumine quodammodo illuſtret, maximè in plenilunio: facem accenſam tenet, ad cujus exemplar mulieres in hujus Deæ ſacris, quæ *Artemia* vocabantur, in luco Aricino Idibus Auguſti celebrari ſolit ſaces geſtabant ardentes, ut de ſua Cynthia canit Propertius lib. 2. el. 32.

Cum videt accenſis devotam currere tedis

In nemus, & Triviæ lumina ferre Deæ.

Inflatum habet velum ob celerem illius motum, & velocitatem, quippe quæ viginti octo propè diebus totius Zodiaci ambitum conficit. Narrat Pauſanias in Attic. extitiſſe apud Phlyenſes, & Myrrhinuſios Dianæ Luciferæ aras.

T A

TABULA XL.

Veneris Verticordæ simulacrum in hac gemma effictum putamus. Veneris Hericinæ Templum extra portam Collinam magna mole constructum ferunt Urbis Topographi, cum Porticu insigni, quod devicta Sicilia Marcellus fundasse dicitur, ne libido invalesceret: Utque luxuria è matribus familias abesset procul, ideo ab Urbe semotum extra pomærium locavere. Ad hanc Ædem si quando Circus Maximus Tyberis alluvione inundaret, ludos Apollinæres sæpe celebratos comperimus; in quam Virgines ætate adolefcente Veneri pupas, velut puerilia rudimenta offerre tradunt. In ea quoque intereursu temporum Veneris Verticordæ simulacrum, quod homines ab effusa libidine averteret, dedicatum fuit. In nostra Gemma Venus Amorem filium cogit ad comburenda arma humano generi propemodum innoxia, ideo Veneri Verticordæ adtribuimus.

TABULA XLI.

Venus Pelagia, seu marina è scopulo surgens, ignem in gemma nostra potius abhorret, quam ambiat. Lemnii cum Vulcanum colant, quod apud eos enutritus foret, Venerem, quod Marti se miscuisset, velut adulteram adeo contempserunt, ut nemo illi sacrum faceret. Veneri *Pelagiæ* nomen inditum apparet ex Inscriptione XCIII. Classis I. apud Rhinesium, quam vir doctissimus *Anadyomenen* interpretatur; quamquam Artemidorus lib. 2. cap. 42. disertis verbis *Venerem Πελαγίαν*, & *Αναδομήν* distinguat, illamque scribat in somnis visam naucleris, gubernatoribus, & omnibus navigantibus, itemque peregrinari volentibus bonam esse; hanc vero navigantibus multam tempestatem, & naufragium significare; sed nihilominus servare, καὶ τὴν ἀπελπισμένην τῶν πραγμάτων perficere. *Marinam Venerem* celebrat Horatius, quod recte simplex epithetum Deæ mari ortæ eruditi faciunt, qui etiam arbitrantur Græcos eam *Pelagiam*, & *Pontiam* propterea appellare. ΘΕΟΙΣ. ΣΤΗΝΝΟΙΣ. ΚΑΙ. ΣΤΗΜΒΩΜΟΙΣ. Ita enim legendum esse recte monuit eruditissimus Sponius, in vetusto lapide ad Venerem Pelagiam pertinentem.

TABULA XLII.

Romani Venerem victricem summâ religione colebant ,
 cujus ædem Onuphrius Panvinus fuisse ait in nona ur-
 bis regione . Cæsar omnes suas victorias Veneri sui generis
 auctori acceptas referens in campis Pharsalicis Venerem vi-
 ctricem pro tessera militibus suis dedit , ut narrat Appianus
 de Bello civ. lib.2. Pompejus verò Herculem invictum . Hæc
 Dea scuto innititur , cujus ferebatur inventrix , teste Colutho
 de raptu Helenæ Venerem scutorum Reginam appellante ;
 lævâ hastam gerit , dextrâ verò Martis gladium tamquam
 ejus victrix ; hanc etiam ob causam Cupido galeam matri
 porrigit , etenim scutum , hasta , gladius , & galea solita Mar-
 tis insignia sunt , & cum illis Venus victrix in nummis sæpif-
 simè repræsentatur . Illa autem *nuda , & aperta dipingitur* (in-
 quit Arnobius lib.6.) *ac si dicas illam publicare , ac divendere*
meritorii corporis formam . Sive (ut ait Fulgentius lib. 2. My-
 thol.) *quod nudos sibi affectatores dimittat ; sive quod libidinis cri-*
men nunquam celatum sit ; sive quod nunquam nisi nudis conve-
niant . Pulcherrimum Veneris Cnidix Praxitelis simulacrum ,
 ut in hac gemma , nudum describit Lucianus in Amor .
 Η μὲν γὰρ θεὸς , ἐν μέσῳ καθιδρυται . παρὰ δὲ λίθῳ , δαίδαλμα κάλλιστον
 ὑπερέσται , καὶ σσεῖρεται γέλωτι μικρὸν ὑπομεμιώσα . πᾶν δὲ τὸ κάλλος
 αὐτῆς ἀκάλυπτον , ὅδε μὲν ἰσθμὸς ἀμπεχέσσης γυμνῶνται , πλὴν ὅσα τῇ
 ἐτέρᾳ χερὶ τῇ αἰδῷ λεληθότως ἐπικρυπνῶσι . In medio igitur (templi)
 Dea posita est , ex Pario marmore , opus sanè pulcherrimum , & di-
 ducto ore paulum subridens . Tota autem ejus pulchritudo detecta ,
 nullâ veste ipsam tegente , nuda conspicitur , nisi quod oblita sui alte-
 râ manu pudenda abscondit . (Et deinde) Ἡγάκλεις , ὅση μὲν τῶν
 μεταφρεῖων θρυμμία , πῶς δ' ἀμφιλαφῆς αἰλαγονὸς , ἀγκάλισμα χερσὶ πλῆθους
 ὡς δ' ὁ περὶ γατρῶν αἰσάρκης ἐπικρυπνῶνται , μὴτ' ἄρα ἑλλει-
 πῆς , αὐτοῖς ὅς ἐστις περὶ σσεῖρεται , μὴτε εἰς ὑπὲρ γυμνὸς οὐκ ἐχρημύται πύκτη .

TABULA XLIII.

Egregia hæc sculptura in calcedonio jam extans penès
 Marcum Antonium Sabatinum Venerem marinam
 exhibet à Tritone vestam dextrâ clypeum tenentem , in quo
 Gor-

Sectio I. Gemmæ antiquæ. 29

Gorgona. Hæc Dea ex maris spuma genita perhibetur, quod spumosa sint animantium femina, teste Clemente Alexandr. lib. 1. Pædag. Illius enim beneficio animantia propagantur, unde Lucretius in principio poematis philosophici sic eam alloquitur.

*Aeneadum genitrix, Hominum, Divumque voluptas,
Alma Venus, per te quoniam genus omne animantium
Concipitur, visitque exortum lumina Solis.*

Phornutus hæc de illa scribit. Vocatur & cælestis, & vulgaris, & omnium causa, quod nempe Veneris potentia, & vis, & in cælo, & in mari cernatur. De illius ortu mentionem facit Aufonius epig. 33.

Orta solo, suscepta solo, patre edita Cælo,

Aeneadum genitrix, hic habito alma Venus.

Audiamus etiam Arnobium de hac Voluptatis Dea sic loquentem. Numquid à nobis dicitur ex pelagi spuma, & ex Cæli genitalibus amputatis Cythereæ Veneris concretum coaluisse candorem. Anadyomene vocatur à Plinio lib. 35. cap. 10. tabulam Veneris exeuntis è mari ab Augusto in Templo D. Julii dicatam describente. Venerem exeuntem è mari Divus Augustus dedicavit in delubro patris Cæsaris, quæ Anadyomene vocatur. Pelagia, & Aphrodite ab antiquis etiam dicta est, ut & maris domina, Museus de Herone, & Leandro

Ἀνιάσας ὅτι Κύπρις ἀπὸ σπορῆς ὅς τι θαλάσσης,

καὶ κρατεῖς ποταμοῖς.

Ignoras quod Venus nata est è mari,

Et dominatur ponto.

Unde non mirum, si à Tritone super fluctus marinos vehitur, siquidem Triton Neptuni, & Salaciæ Nymphæ marinæ filius est, & inter Deos humidi elementi numeratur, Ovidius lib. 2. Metam.

Ceruleos habet unda Deos, Tritona canorum.

Sed quid Veneri cum Gorgona, non bene video; clypeum forsân gerit, quod illa clypeos cudere docuerit, ut canit Homerus hymn. ad Vener. & Gorgona in eo sculpta est ornamenti tantum causâ, vel potius ad indicandam ejus nativitatem ex Phorco, & Ceto marina bellua, vel denique tamquam favorable amuletum.

T A.

TABULA XLIV.

Bacchus in hac gemma repræsentatur seminudus, juvenili vultu, dextrâ thyrsûm gestans, sedens in curru, quem vehunt Centauri duo mas, & foemina, ille duplicem inflans fistulam, hæc cymbala utraque manû collidens in sacris Liberi usurpari solita, teste Ovidio hujus Dei festa describente lib. 3. Metam.

*Liber adest, festisque fremunt ululatibus agri.
Turba ruunt; mistæque viris matresque, nurusque,
Vulgusque, Procereque ignota ad sacra feruntur.
Quis furor, anguigenæ, proles Mævortia, vestras
Attonuit mentes? Penibæus ait. Ærane tantum
Ære repulsa valent? Et adunco tibia cornu.*

Erant enim cymbala ærea, & cava, ansas in extima convexitate habentia, quibus apprehendebantur, & insimul concussa tinnitum edebant. Idem Ovidius lib. 3. de arte am.

*Disce etiam duplici genitalia nabilia palmâ
Vertere.*

Quo versu indicat utrâque manu ad cymbala opus esse. Ea labiis assimilat Fulgentius lib. 1. Mythol. *Duo labia velut cymbala verborum commoda modulantia, lingua ut plectrum.* Varia symphoniacorum instrumenta recenset Petrus Chrysologus serm. 93. inter quæ & fistulas, & cymbala. *Organi planctus dat clamorem, citharam per suspiria longa modulatur, gemitus aptat in fistulam, & dum pectus ipsam conscientiam arguens sæpè percutit, facit placitura Deo cymbala personare.* Centauri Liberi patris curru subjunguntur, sive quod insignes vini potatores fuerint, & ad bacchicum furorem maximè proclives, sive ad significandum, quòd effratae mentes vino facillè mulcentur, ut docet Fulgentius lib. 2. Mythol. unde Bacchus dictus est Lyæus, quasi lenitatem præstans. Quare autem nudus vulgò pingatur, rationem reddit Phornutus his verbis. *Simulacra Bacchi nuda fiebant, ut vini naturam ostenderent, quæ secreta revelat.* De thyrsô infra.

T A B U L A XLV.

Mulier in bigis exhibetur in hoc cameo, fortè illa Belistiche foeminâ è maritima Macedoniæ ora, quæ bigarum palmam tulit Olympiade CXXVIII. Si fides Pausaniæ in Eliac. pr. Veteres bigas Lunæ consecrarunt teste Tertulliano lib. de Spectaculis cap. 9. Tibullus verò lib. 2. el. 1. currum, & bigas nocti tribuit.

*Ludite : jam mox jungit equos , currumque sequuntur
Matris lascivo fidera fulva choro .*

T A B U L A XLVI.

PRæclarum, & eruditum amuletum visitur in hac gemma, caput videlicet Palladis, seu Minervæ galeatum corpori noctuæ impositum, cum scuto, & hasta, ad cujus pedes ramus olivæ, cui videtur insistere Gorgonam conculcans: retrò columna cum pharetra ad illam appensa, vase eidem columnæ superposito. Minerva consideratur ut Dea sapientiæ, cui noctuam ea de causa dicatam scribit Fulgentius lib. 2. Mythol. quod sapientia etiam in tenebris proprium fulgorem possideat. Galeata est, inquit Georgius Codinus de orig. Constantin. *ὅτι τὸ εἶναι τῆς σοφίας τὸ ἀκρότατον εἶδος.* Propterea quod sapientiæ culmen sub aspectum non cadit. Clypeo innuitur omnes insidias sapientiâ repelli. Hasta ei tribuitur ad significandam ejus fortitudinem; similiter & pharetra cum sagittis, quòd sapientia verbo percutiat. Olea sive ob naturæ puritatem, sive quia pacis tempore studia, & artes florent. Gorgona propter mentis celeritatem, vel tamquam favorable amuletum, cui credebant veteres inesse vim aliquam abigendi pericula, & præstandæ securitatis, ut narrat Lucianus in dialogo, qui inscribitur ΦΙΛΟΠΑΤΡΙΣ. Columna indicat hujus Dæ constantiam, vel potiùs constantiâ sapientiam acquiri. Sed quid de vase columnæ superposito dicendum? fateor me prorsus ignorare: nisi conjectare liceat hoc amuletum pro consequendo in poetis, aliisve ludis, & certaminibus præmio gestatum, etenim

etenim Pallas ingeniis præesse credebatur , Ovidius Fast. lib. 3.

*Pallada nunc pueri , teneræque ornate puellæ ,
Qui bene placuerit Pallada , doctus erit .*

TABULA XLVII.

Optimè sociatur Mercurius cum Fortuna, siquidem ille marsupium gestans præses habetur mercaturæ, cuius eventus pendet è fortuna: pingitur enim hæc Dea cum cornucopiæ, & gubernaculo, quasi opes ipsa tribuat, & humanarum rerum regimen obtineat, ut scribit Lactantius lib. 3. cap. 29. Caduceus Mercurio tribuitur pacis causâ, cum illa mercibus acquirendis maximè opportuna sit: caducei meminit Fulgentius lib. 1. Mythol. his verbis. *Virgam verò serpentibus nexam ob hoc adjiciunt, quod Mercatoribus det aliquando regnum ut sceptrum: & vulnus ut serpentium.* De utriusque numinis attributis diffusius Sectione II.

TABULA XLVIII.

Sequitur idem Mercurius dextrâ caduceum gestans, sinistrâ Minervam amplexam tenens. Ille præesse credebatur eloquentiæ, hæc doctrinæ, unde apud veteres commune utrique sacrum fiebat. Sæpius etiam utrumque numen conjunctum repræsentabatur, quod Græci *Εἰμαδύτης* vocabant, de quo signo hæc scribit Tull. ad T. Pomponium Atticum lib. 1. ep. 3. *Quod ad me de Hermaibena scribis, mihi pergratum est ornamentum Academiae proprium meæ: quod & Hermes commune omnium, & Minerva singulare est ejus Gymnasii. Quare velim, ut scribis, cæteris quoque rebus quamplurimis eum locum ornes.*

TABULA XLIX.

IN hac eximia sculptura Hercules dextrâ pateram tenens super aram ignitam, sinistrâ extensâ globum, cui victoriola imposita est; pellem leoninam brachio sustinet; ad ejus pedes

Sectio I. Gemmæ antiquæ. 33

pedes victima, præfericulum, & clava. De leonino Herculis indumento hæc refert Albricus. *Secunda victoria Herculis notabilis fuit, quia ipse pugnasse cum Leone, ipsumque clavâ maclassse, & interempto pellem abstulisse dicitur, quo deinde spolio incesit semper indutus, signum victoriæ perceptæ: in quo etiam ostentatur animi fortitudo, contra quam nulla vis corporea prævaleret, quæ semper spoliū Leonis, idest, vim virtutis desert.*

T A B U L A L.

Ficus ruminalis, Lupa Romuli, & Remi nutrix, Roma, & Faustulus in hac gemma repræsentantur. Infantes lupino lacte nutritos fuisse ea de causâ existimabant veteres; teste D. Augustino lib. 28. de Civit. Dei cap. 21. quod hoc genus belluæ ad Martem putabatur pertinere; ideoque Lupa credebatur admovisse ubera parvulis, quia filios domini sui Martis agnoverat: alii verò eisdem Accæ Faustuli uxoris mamillas suxisse putant, quæ propter rapacitatem, & nimiam libidinem Lupa vocabatur. De Faustulo loquitur Ovidius Fastor. lib. 3.

Non ego te, tantæ nutrix Larrentia gentis,

Nec taceam vestras, Faustule pauper, opes.

Ficus Ruminalis meminit idem Ovidius Fast. lib. 2.

Arbor erat, remanent vestigia, quæque vocatur

Rumina nunc ficus, Romula ficus erat.

Hæc arbor in Comitio Romæ colebatur sacra fulguribus ibi conditis, Ruminalis à ruminando dicta, vel quod sub ea pecudes æstivo tempore nimium caloris ardorem fugientes, umbramque captantes herbas ruminare consueverint, vel quod sub ea Romulus, & Remus Lupæ rumen, idest, mammam fugientes inventi sint, ut ait Plinius lib. 15. cap. 18. & Plutarchus in Romulo. *Ἡ δὲ πλησίον ἱερὸς, ὃν Ῥωμαίων ἱερόλου Ἐνταῦθα δὲ τοῖς βρέφασιν καμύνοις τὴν τε λύκωνος ἰσοροῦσι θηλαζομένην. Erat juxta ficus, quam Ruminalem dicebant Ad pueros ibi jacentes Lupam tradunt lactantem cursum flexisse. Romuli, & Remi originem narrat Livius lib. 1. Dec. 1. Tenet fama, inquit, cum fluitantem alveum, quo expositi erant pueri, tenuis in sicco aqua destituisset, Lupam sitientem ex montibus, qui*

Tom. I.

E

circa

circà sunt, ad puerilem vagitum cursum flexisse: eam summissas infantibus adeò mitem præbuisse mammas, ut linguâ lambentem pueros magister regii pecoris invenerit. Lupa cum puerulis sua ubera fugentibus Urbis Romæ symbolum fuit, cujus simulacrum Q. Ogulnius, & Cn. Ogulnius Aediles Curules in Urbe posuerunt, teste eodem Livio lib. 10. Dec. 1. Ad ficum Ruminalem simulacra infantium conditorum Urbis sub uberibus Lupæ posuerunt. Illos in clypeo Æneæ signatos describit Virgilius lib. 8. Æneid.

*Illic res Italas, Romanorumque triumphos,
Haud vatum ignarus; venturique incius ævi
Fecerat ignipotens: illic genus omne futuræ
Stirpis ab Ascanio, pugnatæque in ordine bella
Fecerat, & viridi sætam Marvortis in antro
Procubuisse Lupam: geminos huic ubera circum
Ludere pendentes pueros, & lambere matrem
Impavidos: illam tereti cervice reflexam
Mulcere alternos, & corpora fingere linguâ.*

Non solum Urbis symbolum fuit Lupa cum puerulis, sed & Romanarum Coloniæ infigne, quarum plurimæ illius simulacrum in nummis cælarunt, ut videre liquet in Antiochenis Pisidiæ, Carthaginensibus Africæ, Coellutanis Numidiæ, Damascenis, Deultenis, Germanis Gallatiæ, Hipponensibus, Neapolitanis, Patrensis, Philippensibus, & Troadensibus, de quibus diffusè, & cruditè loquitur Joannes Foy Vaillantius in libro, quem de numismatibus æreis in Coloniis percussis edidit. Populum Romanum originem à Pastoribus duxisse scribit Varro. *Quis* (inquit) *Faustulum nescit pastorem fuisse nutritum, qui Romulum, & Remum educavit? Non ipsos fuisse pastores obtinebit? Sed quantum crevit ex tenuissimis primordiis Romanorum potestas, miratur & ipse Propertius lib. 4. el. 1.*

*Optima nutricum nostris Lupa martia rebus,
Qualia creverunt mania lacte tuo!*

Affidet Genius Romæ; siquidem in memoriam illius fundationis sculptam fuisse hanc gemmam verisimile est.

Sectio I. Gemmæ antiquæ.

35

T A B U L A L I.

Cupidine Centaurum manus post terga vinctas habentem domante designatur Amoris potentia, quæ nec hominibus, nec animantibus scit parcere Tibullus lib.2.el.1.

Ipse quoque inter agros, interque armenta Cupido

Natus, & indomitas dicitur inter aquas.

Nihil sine amore jucundum scribit Plautus in Casin. act. 2. sc. 3. Etenim perversæ naturæ vitia corrigit; avaros facit liberales, crudeles mansuetos, &c.

Neque falsum, neque suave esse potest quicquam, ubi amor non admiscetur.

Fel, quod amarum est, id mel faciet; hominem ex tristi lepidum, & lenem.

Renitentibus verò immitem se ostendit: Centauri reluctantis ambas revinxit manus, puer est, nil ratio suffragatur, unde idem Tibullus lib.1. el.8.

..... *Deus crudelius urit;*

Quos videt invitos succubuisse sibi.

Amor Deorum fortissimus dicitur à Menandro, quod illius causâ per cæteros Deos pejerant amantes. Clemens Alexandrinus lib. 6. strom.

Ἐρωτα ὃ τὸν ἄβρῶν

Μέλπομαι βρῶντα μῆτραις.

Πολυαυτίμοις αἰνῶν.

Οὐδὲ καὶ θεῶν θυράνης,

Οὐδὲ καὶ βροτῶς δαμάσσει

Cupidinem tenellum

Vitis cano revinctum:

Tyrannus hic Deorum est,

Hominesque subdit unus.

Sic etiam canit Euripides apud eundem loco citato.

Ἐρως ὃ δ' ἄνδρας ὑμότους ἐπύρχειται,

Οὐδ' ἂν γυναικας ἀλλὰ ἔ θεῶν ἄνω

φυῶς ταραύσσει, καὶ πῖνόντος ἔρχεται.

Cupido solos quippe non domat viros,

Et seminarum secla, sed calum petit,

Divosque turbat, & profunda Nerei.

Dicta confirmat Lactantius triumphalem hujus Dei pompam

pam describens lib. i. de fal. rel. cap. i i. his verbis *Non insulse quidem poeta triumphum Cupidinis scripsit ; quo in libro non modo potentissimum Deorum Cupidinem , sed etiam victorem facit : enumeratis enim amoribus singulorum ; qui in potestatem Cupidinis , ditionemque venissent , instruit pompam , in qua Jupiter cum cæteris Diis ante currum triumphantis ducitur catenatus ; eleganter id quidem à poeta figuratum ; sed tamen non multum distat à vero : qui enim virtutis est expers ; qui cupiditatibus , ac libidini-bus malis vincitur , non Cupidini (ut ille finxit) sed morti subje-ctus est sempiternæ . Eadem ferè Tibullus lib. i. el. 8. scribit de Matre , quæ nos de filio locuti sumus .*

Ipsa Venus magico religatum brachia nodo

Perdocuit multis non sine verberibus .

Sed istis diutiùs immorati sumus , ad alia progrediamur .

T A B U L A L I I .

Centaurus hic capite galeato ad Chironem aliqui refe-runt , alii vero ad Centaurum Cœlestem , nos vero in-decisum relinquimus . Pignoni in Hist. Aug. Taur. p. 96. inscriptione refert

CHIRONI . SATVR . F . HYPOCENT

TI . CLAVD . LVDIS . SAECVL

Spuriam putatur Cl. Muratorius Inscr. p. 226. to. i. quod Chironi ut videtur , Saturni filio inscripta sit . De ejus ge-nuitate nos tamen vix dubitamus . Ad eos etenim ludos re-ferri posse videtur , quos dum sæcularia Claudius ageret , in Serptis , in quibus Chironis cum Achille , Panis , & Olympi pictæ tabulæ , ut ex Plinio lib. 16. cap. 40. conspicieban-tur , Romano Populo exhibuerat .

Ad Centaurum in gemma scalptum redeundo , hasta , quam Centaurus habet præ manibus ex illis est ab Oppiano in Cyneget. lib. i. ver. 152. *Θυρσόδονχα* , lato capite appellatæ , tam à Bacchi adscelis , quam à venatoribus in usu positæ ; ideoque Higinus eam ad Cœlestem Centaurum adtribuit , ve-natorem eum constituens . Proclus hanc eandem hastam ap-pellat *Τυρσόδονχα* : ex hac potissimum causâ putamus ortum Prolæmei , ac Atrati errorem hanc astam *Tyrsum* appellan-tes :

Sectio I. Gemmæ antiquæ. 37

tes : Compertum tamen nobis est , aliquos adeste qui putarunt etiam Cœlestem Centaurum ex Bacchico Chædro fuisse ex aliquibus Manilii versibus lib. 1. ver. 408. sed mihi videtur potius contrarium erui posse. Quid vero vas, & columnæ in nostra gemma significant mihi in incomperto est, nisi ad ludos, præmiumque referri velimus.

TABULA LIII.

Solem sub Mithræ nomine à Persis adoratum fuisse testantur multi authores, & maximè Strabo lib. 15. *τιμῶσι δὲ καὶ Ἡλίον, ὃν καλεῖται Μῆτραν. Περσὲ (inquit) colunt Solem, quem Mithram vocant.* Sic etiam Suidas in voce ΜΙΘΡΟΣ. *Μῆτραν νομίζουσιν οἱ Πέρσαι εἶναι τὸν Ἡλίον, ἐν ταῖς θύραις πολλὰς θυσιὰς Περσὲ Μιθραμ putant esse Solem; eique multas victimas immolant.* Exhibetur hic Deus in hac gemma altari superpositus: adest Sacerdos Persicus primitias fructuum ei offerens, more Romanorum, qui primos fructus ex agro perceptos offerebant Deo, ut refert Plinius lib. 18. cap. 2. *Ac ne degustabant quidem novas fruges, aut vina, antequam Sacerdotes primitias libassent.* Tibullus lib. 1. el. 5.

*Illa Deo sciet agricolæ pro vitibus uvam,
Pro segete spicas, pro grege ferre dapem.*

TABULA LIV.

Formosissimus puer Ganymedes Trois Phrygiæ Regis filius repræsentatur in hac gemma faxis infidens, pileum phrygium capite gestans, vas porrigens aquilæ, seu potius Jovi in aquilam mutato, ut ipsum sibi pocula ministraturum raperet. Ovidius lib. 10. Metam.

*Rex superum Phrygii quondam Ganymedis amore
Arsit: et inventum est aliquid, quod Jupiter esse,
Quam quod erat, mallet: nullâ tamen alite verti
Dignatur; nisi quæ possit sua fulmina ferre.
Nec mora: percussu mendacibus aere pennis
Abripit Iliaden; qui nunc quoque pocula misceat,
Invisâque Jovi nectar Junone ministrat.*

Idest,

Idest, juxta Lactantii interpretationem lib. 2. de fal. rel. cap. 11. Jupiter Catamitum aut per Legionem rapuit, cujus insignis aquila erat; aut navis, in qua illum imposuit, tutelam habuit in aquila figuratam, sicut & taurum illa, in qua transvexit Europam. Scribit Xenophon in Symposio Ganymedem non propter corpus, sed ob præclaras animi dotes à Jove raptum. Illum autem mutatum fuisse in signum illud, quod Aquarium vocatur, tradit Higinus in Astrom. Poët.

TABULA LV.

GAnymedem Jovis Catamitum comitatur Antinous Hadriani Amasius, puer eximiæ pulchritudinis Urbe Bythinio natus, ab eodem Hadriano post mortem in Deorum numerum relatus. τὸ δὲ ἰσὸς κατασκευάσας τοῦτο. Scribit Pausanias lib. 8. pag. 409. *Antinoi religio est divinis honoribus sancita.* Habuit enim statuas, aras, templa, & Sacerdotes. Formosissimus puer in pulcherrima, & exquisitissimi artificii gemma vulgò *Corniola* sub Mercurii imagine exhibetur lævâ Caduceum, dextræ manus indice ori admoto ad instar Harpocratis, qualiter à Smyrnæis, & Nicomediensibus venerabatur, & in rarissimis numismatibus occurrit.

TABULA LVI.

Mænades à furore sic dictæ, quòd Liberum patrem instar infanientium magnis ululatibus inclamarent, sparsisque incederent crinibus, jactantes caput, & inconditos edentes motus, de quibus Juvenalis Sat. 6.

..... Et cornu pariter, vinoque feruntur

Attonitæ, crinemque rotant.

Tacitus lib. 11. Annalium Messalinam Imperatoris Claudii uxorem describit, qualis Bacchans in hac gemma repræsentatur. *At Messalina non aliàs solutior luxu, adulto autumno, simulacrum vindemiæ per domum celebrabat: urgeri præla, fluere lacus, & fæminæ pellibus accinctæ assultabant, ut sacrificantes, vel infanientes Bacchæ. Ipsa crine fluxu thyrsum*
qua-

Sectio I. Gemmæ antiquæ . 39

*quatiens , juxtaque Silius bedera vinclis , gerere coturnos , jace-
re caput , strepente circum procaci choro . Thyrsus Bacchantibus
datus est , teste Phornuto , quod ebriorum pedes suum of-
ficium difficiliter peragant : sive , ut refert Lil. Gyraldus
syntagm. 8. quod raro sine rixa computationes finiantur .
Eximia hæc sculptura in achate exquisitissimi artificii exta-
bat penes Em. Card. de Gesvres jam Archiepisc. Bituricen-
sem , qui natalium altitudini summam benignitatem , & do-
ctrinam , variasque , ac præclaras nobilissimi sui ingenii do-
tes conjunxit .*

T A B U L A L V I I .

G Orgonis faciem nemo sane meo judicio melius descrip-
sit quam Virgilius quatuor illis carminibus lib.vi.

*Gorgonis in medio immane portentum Medusæ
Viperæ circum ora comæ cui Sibila torquent
Insanæque rigent oculi , mentoque sub imo
Serpentum extremis nodantur vincula caudis .*

Tradidit Nimphodorus lib. 3. Histor. & Theopompus lib.
xvii. Gorgones à nonnullis designatæ non squammosarum
anguium , spiris capita habuisse cincta , sed ipsa capita Dra-
conum extitisse dentibus aprinis . Ceterum Natalis Comes
in cap. xi. lib. vii. suæ Mytologiæ Medusam satis abunde
describit . Horrendum crinibus anguiferis Medusæ vultum
videre est apud Bonarrotum in præfat. ad nummos Carpi-
neos . Cl. Gorius in suo Museo Etrusco Tom. i. tab. 28. sta-
tuam profert Minervæ in cujus Thorace caput cernitur Me-
dusæ serpentinis crinibus ; & apud Dempsterum de Etru-
ria Regali Tom. i. tab. 8. caput quoque Medusæ inspicitur
crinibus anguiferis . In pretiosa illa signorum veterum con-
gerie Cardinalis Alexandri Albani à Clemente XII. paucis
ab hinc annis Capitolio donata in M. Aurelii præclaræ illius
integræque statux Thorace , inter plura Medusarum , Gorgo-
numque capita , quæ ornamento sunt , duo linguam exerunt ,
ad exprimendam violentam mortem recisi capitis , ligamen
enim quod sub mento Gorgonis extat , & serpentinis confu-
tum caudis esse reor .

T A-

T A B U L A LVIII.

PRæclara hæc gemma olim apud Car. Ant. Gallianum, & in museo D. Crozat Parisiis, Silenum, & Satyros exhibet orgia celebrantes: ille humi jacens, ac plenus vini dextrâ vasculum tenet, lævâ pellem hircinam, à tergo Satyrus eundem brachiis sustinet, ac tentat sublevare. Adfunt quatuor alii Satyri, quorum unus buccinam seu cornu inflat, alius tibiam, alius mysticam gerit cistam, ultimus cornucopiæ. Cupido sedens dextrâ faciem gestat, sinistrâ uvam, quam è proxima vite decerptam edit: puer iste in bacchanalibus non infimum locum obtinet, si quidem vinum maximum est incitamentum libidinis. Ovidius lib. 1. de ar. am.

Et Venus in vinis, ignis in igne fuit.

Afinus, & Hircus pompam comitantur, ille ebrium Senem dorso vecturus, hic Libero Patri forsan mastrandus in pœnam, quod vites arrodit, ut docet Varro lib. 1. de R. R. cap. 2. Sic etiam Martialis lib. 3. ep. 24.

Vite nocens rosea stabat moriturus ad aras

Hircus, Bacche tuis victima grata sacris.

Notabilem in Bacchanalibus Tibiarum, & Cornuum usum arguit Juvenalis Sat. 6. vers. 313.

Nota Bonæ secreta Deæ cum Tibia lumbos

Incitat, & cornu pariter, vinoque feruntur

Attonitæ, crinemque rotant, ululantque Priapi

Manades

Duo Papiliones Cupidinem, & Satyrum cistam mysticam gestantem circumvolitant, homines edocendo, quòd nulla res plus confert ad animi, & corporis imbecillitatem, cujus simbola sunt hæc animacula teste Valeriano lib. 26. quàm Veneris, & Bacchi consortium. Cista floribus referta prope fistulam ad pedes Sileni projectam visitur: fistulæ multis compactæ calamis Pan ferebatur inventor, unde illa *wardya* dicta est ab Hircipedibus sonari solita, si fides Martiano Capellæ: eandem vero tribuit Sileno Athenæus lib. 5. Deipnosoph. sic referente Euphorione hexametrorum Scriptore. Coronæ in conviviis usurpari consueverant, quæ capiti impostæ dolores ex immoderato vini potu provenientes arce-

re

Sectio I. Gemmæ antiquæ . 41

re credebantur : conficiebantur autem ex hedera , & apio ; demum inoleſcente luxu flores adhibiti ſunt ; & maximè roſæ , quæ gravitatem capitis ſedare , & æſtuantes potione refrigerare putabantur . Narciffus quoque , myrthus , nardus , aliaque florum , & plantarum genera uſurpata fuere , rejeſtis violis , lauro , amaraco , cæterisque graviorem odorem ſpirantibus . Auctor eſt Athenæus lib. 15. qui de hiſce coronis diffuſè agit & Paſchalius . Earumdem meminit Martialis lib. 5. ep. 65.

Pingueſcat nimio madidus mihi crinis amomo ,

Laſſenturque roſis tempora ſutilibus .

Pocula quoque , & calices coronari ſolitos , docet Tibullus lib. 2. cl. 6.

Aut è veſte ſacris tendent umbracula ſertis

Vincta : coronatus ſtabit & ipſe calix

Et Virgilius lib. 1. Æneid.

Crateras magnas ſtatuunt , & vina coronant .

T A B U L A L I X.

I Ngens cupido animos ſtimulavit illorum qui rerum naturæ originem , & cauſas diligenti æſtimatione ſcrutati ſunt , quod Orbis hujus , quem incolimus immenſi , & inexpli- cabilis , totiusque naturæ rerum , cujus æternam vertiginem , & irrequietum ambitum videmus , principium , & origo ſit ; quod equidem immenſæ quæſtionis fuit . Tales ille Mileſius inter ſeptem præcipue celebratus , cum quo Sacerdotes Ægyptii , & vates Pindarus ex humore per Delphinum expreſſo omnia conſtare dixerunt . Anaximenes ex aere à Columna indita : Eraclytus Ephēſius , Stoici , & Parmenidas ignem , à copiarum fructuum terræ oppleto , oſtenſum . Anaximander vero Mileſius infinitatem , Pythagoras numeros , Empedocles Agrigentinus quatuor elementa . Plato Deum , & *Hylem* , unde elementa derivantur . Xenophanes aquam ſimul , & terram rerum originem principiumque duxerunt , cui ſententiæ maxime arridet noſtra gemma . Epicurus autem , Leucippus , & Democritus Abderites , ex Atomis ſive ex parvis minutisque corporibus temere concurrentibus in unum confuſis , & condenſatis , omnium elementorum vim ,

atque substantiam, rerumque formas, ac figuras oriri dicunt. Indi, & Brachmanes præter quatuor elementa, quintam naturam ex qua Coelum & sidera constarent, effinxerunt; hancque rerum machinam, & hunc terræ globum quem incolimus quandoque indigestum, & confusum nullo rerum discrimine, aut ordine olim unum Chaos extitisse: Postea divino consilio, & delecta sive ex parvis hujusmodi corporibus, & sempiterna illa incurfione Atomorum, sive quia graviora in profundum, leviora vero coelesti labefactata motu, & ancipiti contentione distracta, natura volente, in altum evolavere, hanc rerum faciem, & hunc quem haurimus aërem, istamque quam incolimus terram, mutuo licet contrario sultam nexu, ex illa illuvione, & turbulenta confusione emerfisse ab antiquis creditum est.

TABULA LX.

VAs istud ex materia ahati simillima pulcherrimum, & artificiosissimè elaboratum hac imagine duplo circiter grandius visitur in celeberrima Bibliotheca Barberina. Mirabilia in hoc thesauro custodiuntur: illic infinitæ propemodum gemmæ à clarissimis artificibus sculptæ asservantur: numismata ex quovis metallo, moduloque tum raritate, tum integritate conspicua olim ab eruditissimo Cardinale Francisco Barberino summo delectu, summisque expensis congesta longas Imperatorum, Augustarum, Cæsarum, aliorumque Principum, & Virorum illustrium series constituunt. Plurima de statuis, tabulis, aliisque superbissimis ornamentis forent dicenda: sed quis nescit Ædes Barberinas architecturâ, marmoribus, picturis, ditissimisque suppellectilibus sumptuosissimas esse? Illæ adeò in longinquis regionibus cognitæ sunt, ut extranei, cum primum Romam Urbis invensendæ causâ appellunt, priùs de Prænestinorum Principum Palatio, quàm de cæteris ejusdem Urbis magnificentissimis conquirant. Exhibetur in hoc vase sculpturâ elevatâ, & extante (si fides communi opinioni) Jovis Ammonis cum Olympiade congressus, ex quo natus perhibetur Alexander Magnus. Hæc Regina in anteriori vasis parte humi desidet draconem sinu fovens,
ma-

Sectio I. Gemmæ antiquæ. 43

manumque juveni fortè Genio porrigit : Cupido volumen dextrâ gerens, arcum sinistrâ Olympiadi supervolat : adest senex Ammonem, ut creditur, repræsentans.

T A B U L A L X I.

IN posteriori parte tres figuræ saxis insident, quarum media paullulum reclinata dextram super caput habet reflexam, brachioque sinistro innixa accensam facem inversam tenet. Quid si Musæ exprimantur ?

Alio modo Græci, ac Latini, alio Etrusci Musas expresserunt, ut videre est in rarissimo vasculo Græci, (sicut optime observat, Cl. Gorius Etruscarum antiquitatum Choriphæus in suo Museo Etrusco p.1.tab.70. pag.160.) artificii in ipso Barberino Museo adservato, in quo etiam Musa observatur comptis crinibus, ac more virginum revinctis, totoque corpore splendida palla amicta : Etrusci vero non stantes, sed in aere apparentes, passis capillis, coronatoque capite, duplici veste laxioribus cum manicis amictas, & cum alis additis, non capiti, sed humeris, exhibuere. Quæ in hoc vasculo espressa est, & putat Cl. Gorius *Calliopem* esse, musarum omnium antiquissimam, Teste Aristarcho, atque earum principem, ut tradit Apollodorus. Quum enim juxta Platonicos singulis orbibus coelestibus sua præsit Musa, quæ eos cantu temperet, & moderetur, immo etiam animet (nihil cum aliud esse Musas Philosophi putarunt, quam coelestium orbium animas, atque mentes) Calliopem universo tribuunt, quæ molem hanc mundi regit, & infuso spiritu moveat, quasi Calliope sit omnium aliarum complexa virtutes : quare aliis hanc solam poeticæ studiis, reliquas Musas aliis præsidere disciplinis adfirmant. Quia vero Calliope à Poetis invocari præ ceteris solebat, dum carmina, & hymni in honorem Deorum canerentur, ideo expressa est cum lyra adparens, favensque præsentia sua Poetæ, vel Hymnologo, qui pictus est in altera parte ejusdem vasis, atque ex gestu aliquid canere, vel eloqui videtur duplici tali tunica sine manicis indutus, & quidem non laxa, sed satis angusta, qualis hodie Monachis, virisque Deo sacris & religiosis in usu est.

TABULA LXII.

Insculpta verò subtus juvenilis effigies thiarâ parthicâ insignis, qualiter Atys vulgò repræsentatur.



Hunc elegantis gemmæ typum olim mihi benignè communicavit Joannes Ciampinus vir summæ eruditionis, ac doctrinæ, qui eam ad superbos Aquæ Virginis ductus columnis, ejusdemque Virginis statuâ ornatos censuit referendam. Virginem Aquam à M. Agrippa in Urbem adductam narrat Frontinus lib. 1. de Aquæduct. Rom. ejusque originem describit his verbis. *Idem (Agrippa) cum jam tertium Cof. fuisset, C. Sentio, & Sp. Lucretio Coss. post annum XIII. quàm Juliam deduxerat, Virginem in agro quoque Lucullano collectam Romam perduxit. Dies, quo primum in Urbem responderit, v. Iduum Junii invenitur. Virgo appellata est, quod quærentibus aquam militibus puella virguncula quasdam venas monstravit, quas secuti, qui foderunt, ingeniem aquæ modum invenerunt. Adicula fonti apposita, hanc Virginem pictura ostendit. Concipitur ergo viâ Collatinâ ad miliarium VIII. palustribus locis, signino circumjecto continendarum scaturiginum causâ. Adjuvatur ex compluribus aliis acquisitionibus, venit per longitudinem passuum XIII. millium CV. Ex eo rivo subterraneo pass. XI. millium DCCCLXV. Supra terram per pass. MCCXL. Ex eo substructione rivorum locis compluribus pass. DXL. Opere arcuato pass. DCC. Acquisitionum ductus rivi subterranei efficiunt pass. MCCCv. Hujus Aquæ ductus statuis, & columnis ab eodem M. Agrippa ornatos fuisse, docet Plinius lib. 36. cap. 15. cujus verba, quoniam ad istius gemmæ explicationem mirè faciunt, hic refero. Agrippa verò (inquit) in ædilitate sua, adjecit Virgine Aquâ, cæteris corrivatis, atque emendatis lacus DCC. fecit: præterea salientes CV. Castella CXXX. complura*

Sectio I. Gemmæ antiquæ. 45

plura etiam cultu magnifica . Operibus iis signa CCC. ærea, aut marmorea imposuit , columnas ex marmore CCCC. eaque omnia annuo spatio . Hæc Aqua minus abundanter fluebat, quàm Anio novus, sed aliis omnibus Appiâ videlicet, Aniene vetere , Martiâ, Tepulâ, Juliâ, Alfietinâ, quæ eadem vocabatur Augusta, & Claudiâ copiosior erat : cujus major pars in Urbem dividebatur, minor verò extra Urbem exibat, teste Frontino lib. 2. qui de Virginis Aquæ divisione sic loquitur . Exhibant extra Urbem quinariæ CC. Reliquæ quinariæ MMCCCIII. intra Urbem dividebantur per regiones VII. VIII. XIII. In Castella XXVI. Ex quibus nomine Cæsaris quinariæ DXLIX. Privatis quinariæ CCCXXXVIII. Usibus publicis MCCCXVII. Ex eo muneribus duobus quinariæ XXVI. Lacubus vigintiquinque quinariæ LXI. Operibus publicis sexdecim quinariæ MCCCLXXX. In quibus per se Euripo, cui ipsa nomen dedit, quinariæ CCCCLX. Exhibentur in hac gemma duæ mulieres manibus elevatis Virgini vota facientes . Nymphis, Fontiumque Geniis vota sæpè à Veteribus repensâ liquet ex antiquis marmoribus à Grutero vulgatis, ut & à Sponio plurimas inscriptiones in suis Miscellaneis referente, quarum unam ad præsentis gemmæ dilucidationem hic refero .

Romæ
In Via Appia .
GENIO
FONTIS
SAR.
C. IVLIVS
PROPOSTVS
D. D.

Ibidem etiam Vir Eruditus duo marmora protulit ; alterum quidem exhibens tres aquarum Nymphas, sive Najades cum vase aquam effundente , folioque cujusdam herbæ aquaticæ , à dextra parte serpentem erectum Nymphis fortè sacrum , à sinistra Augustalem Augustorum libertum Nympharum numini sacrificantem : basi insculpta sunt hæc verba .

NVMINI . NYMPHARVM . AQVAR.
AVGVSTALIS . AVG. G. LIB.

Alterum verò sex figuras referens, Dianam videlicet, Nymphas tres, Silvanum, & Herculem cum sequenti inscriptione .

TI.

TI. CLAUDIVS ASCLEPIADES

ET CAECILIVS ASCLEPIADES

EX VOTO NYMFABVS D. D.

Non solum Najades, Fontiumque Genios colebant veteres, fed & urbium, populorum, & civium, quos effingebant turritos, eisque sacra faciebant, existimantes illos rerum omnium gignendarum vim obtinere, populosque, & urbes in eorum præsidio, ac tutela esse, unde Prudentius lib. 2. contra Symmachum.

..... Sic urbibus adfert

Hora diesque suum, cum primum mœnia surgunt,

Aut Fatum, aut Genium, cujus moderamine regnent.

Suum etiam unusquisque privatum, & particularem habebat, ut docet Plinius lib. 2. cap. 7. *Quamobrem* (inquit) *major cœlitum populus etiam, quàm hominum intelligi potest: cum singuli ex semetipsis totidem Deos faciant, Junones, Geniosque adoptando sibi.* Sic Augusti Genio Templum dicatum fuisse, scribit Suetonius in ejus vita cap. 60. *Reges amici, atque socii, & singuli in suo quisque regno, Cæsareas urbes condiderunt, & cuncti simul ædem Jovis Olympici Athenis antiquitùs inchoatam perficere communi sumptu destinaverunt, Genioque ejus dedicare.* Arcus, seu Viginis ædiculæ fornicis appensa est lucerna: illas antiquitùs antearas, Deorumque imagines tam in templis, quàm alibi cultus, honorisque gratiâ positas fuisse nemo nescit: sic aurea illa Callimachi apud Athenienses in æde Minervæ collocata fuit, quæ sine ullius novi fomitis adjectione toto integro anno splendebat, ut narrat Pausanias in Atticis, & de qua scribit Hieronymus Cardanus lib. 1. de subtil. & lib. 10. de variet. cap. 40. mirabilis hujus artificii causam tentans explicare. Sic illa inextinguibilis in Phano Veneris sub dio sic ardens, ut eam nullus imber, nullave tempestas extingueret, teste D. Augustino lib. 21. de Civit. Dei cap. 6. Sic illa in Britannicæ Minervæ delubro, si fides Julio Solino Polihistori, qui ait cap. 24. Britannicæ fontibus præsul esse Minervæ numen, in cujus æde perpetuus ignis procul dubio in lampadibus, lucernisve ardebat. Sic illa Jovi Ammoni dicata, quæ in ejus Templo citra omnem novi fomitis adjectionem nisi exacto anno extinguebatur, ut refert Plutarchus in Opusculo de Ora-

Sectio I. Gemmæ antiquæ. 47

Oraculorum defectu. Sic illa, de qua loquitur Strabo lib. 9. in Munychia urbe Atheniensium ad Pyreum sita vetustum Minervæ delubrum perpetuo inextinctæ lucis lychno illuminans. Plures aliæ possent recenseri, sed istæ ad gemmæ nostræ dilucidationem sufficiunt.

TABULA LXIII.

T Res gemmæ, quæ sequuntur, unâ cum aliis pretiosissimis eruditæ antiquitatis monumentis asservabantur in museo Marii de Picolomineis, qui harum ectypa in ære affabrè incisa pro solita sua benignitate meo Thesauro largitus est. Serapis, qui in prima exhibetur, idem reputabatur cum Plutone, & Jove teste Apollinis Oraculo apud Julianum Imperatorem, de quo infra. In nummo argenteo Diocletiani repræsentatur Jovis stantis figura dextrâ globum, cui victoriola imposita est, sinistrâ hastam, pro pedibus Aquila cum epig. JOVI TUTORI AUGC. Tutor animarum Justorum dicendus Pluto juxta mentem Platonis, & in hac imagine hastam vice bifurcati sceptri gerit, quod ipse non horribilis, ut fabulæ illum describunt, sed mitis & benignus sit, sub aspectu minimè cadens, & intelligentiâ constans, sublimes Justorum animas ad se evehens; de reis verò illas aliis corporibus affigendo pœnas exposcens: unde Plato eundem non absurdè prudentem. Deum esse dixit, & hoc nomine vocatur ab Homero Il. 1. vers. 489. *μυτιέτης Ζεύς*. Modius, & Cerberus Serapidis, & Plutonis simbola: Canis triceps inferorum Custos credebatur. Virgilius lib. 6. *Æneid.*

Cerberus hæc ingens latratu regna trisauci

Personat, adverso recubans immanis in antro.

Serapis Deorum maximus habebatur apud Ægyptios, qui ejus simulacro tricipitis animantis signum adjungebant referente Macrobio Sat. lib. 1. cap. 20. Ipsum autem & Maximum, & Jovi æqualem declarat inscriptio Gemmæ incisa. *CAΡΑΠΙC ΜΕΡΙCΤΟC ΙCΟC ΖΕΥC*. Seu eundem Isiacum Jovem vocandum asserit. *ΙCΙΑΚΟC ΖΕΥC*. quæ interpretatio melius

melius forsan appropriata videbitur Serapidi , qui idem credebatur cum Jove , ut supra dictum est .

T A B U L A L X I V .

E Legans Sapientiæ simulacrum , fortè amuletum honores statuens in Achate varia incisum hîc exhibetur . Dea stolata dextrâ globum , hastam lævâ , cui serpens involutus , columnæ innititur : ad pedes clypeus , in quo facies muliebris , fortè Gorgona . Pausanias describens Minervæ simulacrum meminit Serpentis hastæ involuti prudentiæ , sapientiæque hieroglyphici . *Esote prudentes sicut Serpentes* . Ait Dominus apud Matth. 10. 16. De aliis simbo- lis abundè alias dictum est .


T A B U L A L X V .

S Equitur Idolum falcatâ Lunâ , aliisque notis Ifidi propriis insigne in gemma Italicè *Prasma* insculptum , cujus hieroglyphica tenebris obvoluta feliciori OEdipo meæ in conjiciendo tenuitatis conscius interpretanda relinquo .


Hæc sunt , studiose Lector , quæ de gemmis antiquis in hac Sectione contentis habebamus dicenda : illæ pretiosiorum thesauri partem conficiunt , paucæ sunt re verâ , si quantitatem attendis , si qualitatem , & raritatem plurimarum loco tibi esse poterunt .

Selectam nostrarum gemmarum antiquarum seriem annotationibus illustratam anno sæculi proximè præteriti ultimo vulgavimus , quam consulere poterunt , qui illarum pretio , raritate , & artificio tenentur .















IVPITER-AMMON

4




In gemma.



















APOLLO


8




Opti in vultu et in Corpore Maxima
In Carneola

S. 1













CONFIDENTIAL - SECURITY INFORMATION





BACCHA



Da Leodis

Sc.


















16
SOCRATES



Apud Lucam Cersiv.
In Calcedonio.

S. 1.






PLATO



*In Carneola
Apud Authorem*

S. 1.






ALEXANDER
EIVSQVE.MA:

MAGNVS.
TER.OLYMPIAS



Ex Achate. antiqua in Toros. & Christina Auguste






LYSIMACHVS

19





F. Tassius Barberino
In gemma fulga Presma.























CN. DOMITIVS. AHENOBAREVS


24




*Apud C. A. Galliarum
In C. A. Galliarum*


SI






















M.DID. SEVER. IVLIANVS

29



*Apud Authorem
In C. r. n. c. l. a.*






L. SEPT. SEVERVS

30



Apud Marcum deo Tabernum
In Onge






ELAGABALVS



*Olim Apud Lucam Corsi
In gemma Vulgo Prasina*






32
IVLIA SABINA




Apud Augustum
In gemma Valgo Circato






93
ISIS LOTO INSIDENS



*E. Thesauro Barberino.
In gemma.*

P. S. B. Sculp.





34
ISIS INTER QVATVOR ELEMENTA



Ex studio Jo Petri Bellorij
In gemma



35


CYBELE




Apud P.S. Bartolom.
In Gemma

P.S.B. sculp.










SOLIS QVADRIGÆ

37




P.S.B. Sculp. Apud Authorem.
In Niccolo





SEPT TEM PLANETÆ



Ex. Sebastiani la Favi Bellary
In gemma





DIANA LVCIFERA



E Thesauro Barberino

P. S. R. Sculp.

In gemma

1817








In Achate Varicolori ap Marium Piccolom⁸¹.

G. Frenza scul.






VENVS PELAGIA



In Corneola ap: Marium Piccolomin ^{S.1.}

G. Evans Schul.






VENVS VICTRIX




*Apud Authorem
In Vitro*

P. S. B. Sculp.






VENVS ATRITONE VECTA




Apud Mare Ant. Sababnum
In Galeodomo






BACCHVS A CENTAVRIS VECTVS



Apud Lucam Corsi
In Cameo






BIGÆ



Apud D. H. H. H. H.
In Camer






AMVLETVM



Apud Aethiopes
in Heliothropio





17
MERCVRIVS ET FORTVNA



Ex Schedis Lo. Borei Bellori
In gemma

84






47
MERCVRIVS ET MINERVA



Ex Schædia Jo Petri Bellung
In gemma





HERCVLES

49




E Thesaurò Barberino
In gomma

P. S. B. 1754

S. 1754






50
FICVS RVMINALIS



Prosauro Barberino
In Carniola

P.S.E. sculp







AMOR et CENTAURVS

51








In Corneola ap. Marium Piccolomineum S^a

Antonio Frasci






52
SACERDOS PERSICVS



Apud Io. Petrum Bellorum
In Calcedonia






GANYMEDES



Ex Fide die Jo. Pat. Bellary
In gentina






ANTINOVS

55



Apud M. A. Delafosse in Carniola S. 1.





MENAS

56




Apud II^m A. De Gesuros P.A.
P.S.B. sculp In Acharo

S. 1











58
SILENVS et SATYRI



*Præ apud G. A. Gallianum.
Nunc apud D. Crois Parisys.*









In Corneola Nigricante ap Marium Piccolomin










VASIS EXACHATE. PARS POSTERIOR.



In Terauro Barberino

S. 1.





VASIS PARS INFERIOR.




Ex Achate in Thesauro Barberino

P.S. Bernini sculpsit

S. 1.





SERAPIS

63



IN GEMMA VVLGO PLASMA

Apud Dominum Marium Piccolomineum Romae

52.

Arnoldus Van Westerkoot fecit.



*image
not
available*

SAPIENTIA

64




ΣΟΦΙΑ
ΣΟΥΕΜΕ
ΕΛΛΑΥΝ
ΕΙΣΕΤΙ
ΜΑΝ

IN ACHATE VARIA

Roma apud Dominum Marium Piccolomineum

S/4





IDOLVM

65




IN CAMEO EX GEMMAVVLGO PLASMA
Seruatur Romæ in Museo Piccolomineo.

S.1.

Arnoldus Van Westerhout fecit.







ROMANUM MUSEUM

SIVE

THESAURUS

ERUDITÆ ANTIQUITATIS.

SECTIO SECUNDA

Deorum Simulacra, Idola, aliæque
Imagines æreæ, ac marmoreæ.

TABULA PRIMA.



UPPITER sinistro lateri fulmen tenet ,
isque est , quem veteres *Milichium* , &
Icesum , idest placabilem , & supplicitus
præsidem dixerunt . Aristoteles , seu quis
fuit auctor libri de Mundo , inter multa
Jovis cognomina , illa etiam enumerat :
& hoc nomine illi è candido marmore Po-
licleti celeberrimi statuarii opus Argis in Templo Apolli-
nis Lycii dicatum erat Paus. in Chorint. lib.20. p.19. Rursus
ara trans Cephisum amnem consecrata , ad quam Theseus
à Phitali posterus de cæde purgatus dicitur ; demum plu-

Tom.I.

G

res

res veteres nummi inter quos argenteus Neronis ille in quo legitur *Jupiter Custos*. Oris habitum, faciemque eleganter descripsit Homerus Iliad.A.

Nempe nigris superciliis innuit Jupiter

Ambrosi vero pili vibrati sunt Regio

Capite ab immortal.

Ex quibus versibus Jovis etiam Olympii statuæ formam accepisse confessus est Phidias. Hastam vero puram ut plurimum gerit Juppiter, & veste tegitur caput, quæ immutabilem ejus soliditatem exprimunt, cujusque virtute cœlestibus tantum, ac intellectualibus partibus patentem, infernis contentis, ut indicaretur oculari nobis mortalibus humi degentibus, uti ex Eusebio advertit Fabrettus ad Colum. Trajan. pag. 319.

TABULA II.

Serapis, qui etiam Ditis, Juppiter, seu Pluto est. Julianus Imperator Orat. x.

Unus Jupiter, unus Pluto, unus est Serapis.

Reverendum illud Ægyptiorum numen Serapis in nummis interdum barbatus, & senex, interdum juvenis atque imberbis conspicitur; quod forte factum, quia ille erat vetustissimus Ægyptiorum, alter advena, adventitius, atque ex Ponto, ac Sinopensium urbe Ptolemæo vel Lagi filio, vel Philadelpho, vel Evergete procurante, advectus Deus, qui, teste Tacito lib. 4. Hist. cap. 83. Regi per quietem oblatu^s decore eximio, & majore quam humana specie JUVENIS cum monuit, ut fidiſſimus amicorum in Pontum missus effigiem suam acciret. Si tamen quis est qui hanc conjecturam existimet admittendam non esse; ego facile illis assentiar, qui judicabunt Serapim, modo ut juvenem, modo ut senem effingi, quia sol etiam existimabant esse, vel quia parum sibi Gentiles in effigendis numinibus suis constabant.

Sectio II. Deorum Simulacra, &c. 51

T A B U L A III.

Roma gentium domina, & per excellentiam Urbs dicta tamquam Dea summo cultu ab antiquis venerata est, Templaque habuit tam apud Romanos, quàm apud externos. *Alabandenses* (inquit Livius lib. 35. cap. 6.) *Templum Urbis Romæ se fecisse commemoraverunt* (in Senatu) *ludosque anniversarios ei Divæ instituisse*. Alabanda fuit Cariæ oppidum, quæ regio est minoris Asiæ. Cæsar Octavianus Templum Urbi Romæ, patrique Cæsari, quem Heroa Julium nominavit, Ephesi, & Nicææ clarissimis Asiæ, & Bithyniæ Civitatibus fieri permisit, ut narrat Dio Cassius lib. 51. & sic in Græcis veteribus nummis ΘΕΑ ΡΩΜΗ sæpiùs inscribitur. In ipsa quoque Urbe plura ei Tempia ædificata sunt, inter quæ superbissimum fuit illud ab Antonino Pio erectum, cujus occurrit typus in nummis ejusdem Imperatoris cum epigraphe, ROMÆ AETERNAE. Repræsentatur autem hæc Dea cum galea cristata nudam habens mammam dextram Heroinæ instar eo planè modo, quo exhibetur in hac imagine, & describitur à Corippo lib. 1. de laudib. Justini.

*Addidit antiquam tendentem brachia Romam,
Exserto & nudam gestantem pectore mammam,
Altricem Imperii, libertatisque parentem.*

Cicero in Catil. Orat. 4. Romam vocat *lucem orbis terrarum, atque arcem omnium gentium*. Tibull. lib. 2. el. 5. immortalitatis nomen ei tribuit.

*Romulus æternæ nondum formaverat Urbis
Mœnia.*

Martialis ep. 8. lib. 12.

*Terrarum Dea, gentiumque Roma,
Cui par est nihil, & nihil secundum.*

Isidorus lib. 8. Orig. cap. 6. *Roma sola Urbs, cætera Oppida*. Sed non soli authores profani Urbem Romam his sublimibus titulis decorarunt; ipsum etiam audiamus Hieronymum lib. 2. contra Jovin. de illa sic loquentem. *Urbs potens, Urbs Orbis domina, Urbs Apostoli voce laudata, interpretare vocabulum tuum, Roma, aut fortitudini nomen est apud Græcos, aut sublimitatis juxta Hebræos.*

T A B U L A IV.

Bacchus hic repræsentatur facie juvenili & muliebri, prout ab Albrico depingitur, teneroque ac delicato vultu, crinibus more puellarum collectis & pendentibus. Ovidius lib. 4. Metam.

..... *Tibi enim inconsumpta juventus
Tu puer æternus, Tu formosissimus alio
Conspiceris cælo; tibi, cum sine cornibus adstas,
Virgineum caput est.*

Vitium frondibus, & uvis coronatus exhibetur juxta ejusdem Ovidii descriptionem lib. 3. Metam.

Ipse racemiferis frontem circumdatus uvis.

Harum enim ferebatur inventor; cui tamen opinioni refragatur Tertullianus in Apolog. cap. 11. Bacchum non inventorem vitis, seu vini usus, sed tantum demonstratorem fuisse scribens. Caput Dei mitrâ vincitur solito ejus ornamento. Propertius lib. 4. el. 2.

Cinge caput mitrâ, speciem furabor Jacchi.

Sed quare vinculo caput alligare solitus fuerit, declarat Diodorus apud Eusebium lib. 2. Præp. Ev. cap. 2. πρὸς δὲ τὰς ὁκτὼ πλεονάζοντες οἶνου κεφαλῆς, ἀπαδέσας τὴν κεφαλὴν μίτρα. Porro (inquit) mitrâ quidem revinctum illum caput habuisse ferunt, adversus acutos capitis dolores, quos ex immoderato vini haustu pateretur. Flores quidam rosas similes mitræ annexi sunt adversus ebrietatem, ut docet Athenæus, valentissimis, quibus veteres non convivarum frontes tantummodo, sed & calices torosque solebant adornare. Horatius lib. 1. Carm. od. 36. Neude sint epulis rosæ. Et Tibullus lib. 2. el. 6.

Aut è veste sacris tendent umbracula fertis

Vincta: coronatus stabit & ipse calix.

Bacchum diversa nomina sortitum fuisse, refert Ausonius ep. 30.

Oxygia me Bacchum vocat.

Osirin Ægyptius putat.

Myfi Phanacen nominant.

Seçtio II. Deorum Simulacra, &c. 53

Dionysion Indi existimant .

Romana sacra Liberum .

Dictus est Liber à liberando , quod vinum à curis mentem liberet , tristitiæque mederi videatur : non autem ob licentiam linguæ . Auctor est Seneca lib. de tranq. vitæ . Huic imagini ab una parte subjicitur patera , seu Bacchi poculum , quod & scyphus , & cantharus vocatur : ab altera phallum , cujus pompam Melampus in Græciam primus introduxit , teste Herodoto in Euterp. Plutarchus lib. de cupid. opum describens sacram Bacchi pompam , amphoram vini cum palmite , hinc hircum quem trahebat aliquis , post cistam nucum , & phallum recenset . Plura vide apud Euseb. lib. 2. Præp. Ev. cap. 1. Arnobium lib. 5. adv. gent. Diodorum lib. 1. cap. 2. Augustinum lib. 7. Civit. Dei cap. 21. & 24. & Æliam Cretensem .

T A B U L A V.

Sequitur alia statua pariter elegans, sed argentea, & raritate conspicua extans in celebri Patrum Carthusianorum Museo antiquarum supellectilium , ac præcipuè nummorum cujusvis metalli, & moduli jam refertissimo. Hanc quidem Floram asserunt . Bacchum alii floribus coronatum . Facies virilis est muliebritatem spirans , & juveni Baccho valdè conveniens , qui nonnumquam cum crinibus more puellarum collectis , teneroque , ac delicato vultu juxta suam duplicem naturam repræsentatur . De Coronis egimus in Sec. 1. Qui plura volet , consulat Athenæum lib. 15. Deipnos. In omni fere sacrificiorum genere frequens fuit coronarum usus ; maxime tamen coronis usi sunt in sacris Bacchi . Auctor enim est Plinius lib. 16. Hist. cap. 4. *Primum omnium Liberum Patrem , sive Bacchum imposuisse capiti suo coronam ex hederæ ; postea Deorum honori sacrificantes sumpsisse victimis simul coronatis .* Alioquin Bacchi coronam hederaceam , & lauream fuisse ex Tertulliano de coron. mil. cap. 7. intelligimus . Nil vulgarius est corona Bacchi pampinea . Sed & legimus apud Euripidem in Bacchis ver. 702. Bacchantes sibi imposuisse coronas hederaceas , & quernas , & smilace florida composi-
tas ,

tas, imo & coronæ myrtæ in sacris Bacchi meminerunt. Aristophanes, ejusdemque Scholiaſtes.

TABLE VI.

VIdemus equidem hic omnium pulcherrimum ſimulacrum, ſcalpro depromptum ex marmore, molliſſimum ſimul, ac robuſtiſſimum, nudato corpore, viro dormienti ſimile, dextrum brachium hederacea corona redimito capiti ſupponens ad occipitium, tam inſigniter omni ex parte elaboratum, ut univerſi, qua pingendi, qua ſculpendi celeberrimos Artiſces in ejus admirationem convolantes unanimi conſenſione, extiment, laudatiſſimo id ſæculo, ac celeberrima Antiquitatis manu efformatum; nec præ illo quot quot in Urbe ſtatux viſuntur majorem exhibere artis præſtantiam, aut documenta meliora; adeo ut illi nihil ad opus undique abſolutiſſimum ipſa ab arte addi poſſit. Porro vivum in eo, ſpirantemque primo intuitu ex primariis Diis aliquem credas expreſſum; at Seminum eſt, appellaturque Faunus, quales ſunt Cornigeri, Corniger & ipſe, ut Poeta Ovidius in Oenon. teſtatur

Cornigerumque caput pinu præcinctus acuta

Faunus, in immenſis qua tumet Ida jugis.

Faunum Pici filium vetuſtiſſimum Latinorum Regem, Faunorum, Satyrorumque Patrem faciunt Mythologi, vereor tamen an recte; ille etenim qui rudioribus hominibus fortis melioris auctor primus, eos ab agreſti, & cyclopeâ vitæ ratione ad placidiorem diſciplinam, cultumque revocaverit, & omnis religionis, & ſacrorum fundamina jecerit, inter beneficos potius, mitesque Deos foret enumerandus: Quum è contra nemo ignoret Faunos ex genere Satyrorum eſſe, & Dæmonum chorum implere, quique homines attonitos reddere credebantur, & atra munia ſubire; hinc ſacili quidem negotio tales terrificos, infeſtoſque Deos per vaſtos camporum tractus, & lucos, ſylvasque rudis ſibi finxit popellus; ibi enim & panicos timores muliercularum noſtrarum non raro adhuc agnoſcere poſſumus. Ceterum qui adſerunt Faunum eundem eſſe cum Græcorum Pane veritatem magis acutet-

Sectio II. Deorum Simulacra, &c. 55

tetigerunt. Ex his igitur aliisque probare contendit Bochartus Faunum alium in Latio regnasse, meras esse nugas, ab iis confictas, quos latebat Faunum esse Panem Arcadem.

TABULA VII.

F Aunum sequitur Satyra, five Fauna caprinis auribus, & erectis in fronte cornibus insignis, cincta est pelle animalis per ungues ante pectus adstrictâ more Satyrorum, Bacchantium, Nebridum, aliorumque Liberi patris sequacium, qui solebant se vestire variis Caprorum, Cervorum, Leonum, & Tigrium pellibus, juxta Claudiani descriptionem lib. 1. de rap. Proserp.

..... Lenisque simul procedit *Jacchus*
Crinali florens bedera, quem parthica velat
Tigris, & auratos in nodum colligit ungues.

TABULA VIII.

D Epingitur Bacchus ab Herodoto lib. 7. cap. 74. lævâ thyrsum gestans, dextra schyphum, cujus pedibus affidet Pantheriscus. Baccho ejusque sequacibus thyrsum ideò datum esse scribit Phornutus, quòd ebriorum pedes suum officium difficiliter peragant, five, ut docet Lil. Giraldus syn- tag. 8. quòd rarò sine rixa comotationes finiantur. Caput habet cinctum mitrà more veterum, qui capitis vinculum adversus ebrietatem subsidium continere putabant. Scyphum seu cantharum tenet, quòd usus vini repertor crederetur. Fauno, vel Sileno quasi ebrius innititur, hos Bacchi sequaces fuisse narrat Suidas. Panthera ei comes tribuitur, teste Philostrato Imag. lib. *παρθάλις τῷ θεῷ σύμβολον. Panthe- ra Bacchi symbolum.* Ea de causa inquit Oppianus lib. 4. de Venat. quòd illa vino gaudeat.

παρθάλλιας ἐ δῶρα Διονύσοιο δέμασται.

Pantheras etiam dona Bacchi capiunt.

Vel ad indicandum efferatas mentes temperato vini usu mulceri, Bacchus enim Lyæus dictus est, quasi lenitatem præstans, si Fulgentio fides lib. 2. Mythol. Sic etiam Tibullus lib. 3. el. 6.

Ille

*Ille facit dites animos Deus , ille ferocem
Contudit , & dominæ misit in arbitrium .
Armenias tigres , & fulvas ille leonas
Vicit , & indomitis mollia corda dedit .*

T A B U L A IX.

IN hac Tabula spectanda est Bacchantium cohors. Duæ Bacchæ sunt veste eadem videlicet talari , & brevi tunica , pallam quoque seu pallium variis flexibus corpori , ut Plautina utamur voce *centuplicatum* habent : Pedes nudi , comæ nodo colliguntur ceterum effusæ . Jactatio capitis festivæ lætitiæ modum non excedit , facie tantisper ad comites a tergo sequentes reflexa , qui gestus cymbalis ludentium proprius est . Multa porro musices instrumenta , ne dicam penè omnia Liberi , & Cereris sacra lætiora , & augustiora reddebant , veluti tympana , sistræ , tibix , crotola , & alia id genus , inter quæ Cymbala videntur fuisse hisce festis peculiariora .

Vocamus cum Pitisco cymbala , non ut aliqui , crotala duo rotunda , & concava vasa ærea , quæ inter palmas tenent , & magno simul impetu collidebant , ita ut labrum labro , idest concavi unius orbis peripheria alterius peripheriæ responderet , ingentemque crepitum ederet . Hujuscemodi instrumenta inter manus Bacchantium multa penes Montfauconium aliosque videre est . Fuisse hæc Bacchi propria poetarum etiam non unus ostendit locus . *Æra rotunda Cybeles* vocat Propertius lib. 4. eleg. 7. vers. 61. *Cava cymbala recrepantia* Catullus de Beren. & Ati , *gemina anea* Statius VIII. Thebaid. , de illis fortasse Ovidius Fast. IV.

Æraque tinnitus ære repulsa dabant .

Qui igitur ea pulsabant , alteram ex hisce æreis cuppis læva tenebant , ita ut concava superficies Cœlum aspiceret , alteram dextra concava parte terram versus atque a sinistro latere cervice tantisper in dexteram partem flexa . Qui corporis gestus , & incessus in nostro marmore optime observantur . Cymbalistrias itaque has esse foeminas quisque facile censebit .

Sectio II. Deorum Simulacra, &c. 57

TABULA X.

Bacchica pompa in hoc elegantissimo marmore inspicitur; præcipue nobis sese offerunt quamplurimæ Satyrorum imagines, ut & in superiori marmore. Omnibus notum Satyros fuisse Bacchi comites, & ministros. *Ἄνδρες δὲ Σάτυροι*, dicit Lucianus *περὶ ὀρχήσεως*. Atque Strabo lib. x. Geogr. in Bacchi ministris numerat *Silenos, Satyros, Bacchas, Lenas, Thyas, Mimallonas, Najades, Nymphas, Tityros*. Eorum varium habitum formamque describit Nonnius in Dionys. lib. xiv. vers. 130. & seq. Satyrorum etiam fuisse varia genera jam annotavit Jul. Cæs. Scaliger lib. 1. Poetic. cap. 17. Vides vero in hoc marmore Satyros capripedes, uti Lucretius lib. 4. vers. 584. ait:

*Hæc loca capripedes Satyros, Nymphasque tenere
Finitimi fingunt, & Faunos esse loquuntur.*

Hinc & Græcis dicebantur *αἰγίποδες*, sive *τετραπόδες*. Vides tam Satyros, quam Satyras cornutos. Sic enim Satyri a Luciano in Concilio Deorum dicebantur *κερατοί*, idest *cornigeri*: qualia fere recens natis *bœdis* nascuntur *cornua*. Quo ad Bacchicum chorum pertinet, atque ad Orgia audiamus Ulpianum Rhetor. in Schol. ad Demost. Orat. adversus Midiam. Qui Bacchi festum celebrabant, imitatione comitatus ejus id celebrabant: alii Satyrorum, alii Bacchantium, alii Silenorum habitum imitantes, primitias uvarum fructuumque offerentes. Plutarchus indicat Bacchanalibus homines aliquando *personatos* incesisse.

Observatur etiam in præclarissimo marmore Caprum sacrificio Bacchi destinatum prope Silenum stantem. Quamvis vero utique ordinarium Bacchi sacrificium fuit hircus; invenimus tamen, eidem aliquando & oves, & tauros fuisse immolatos. Id quod docet Nonnius in Dionys. lib. 47. circa finem. Atque Herodotus in Euterpe commemorat, in *honorem Bacchi, die solemnitate Dorpiæ, Ægyptios singulos ante fores ædium suarum sues jugulasse*.

*image
not
available*

Seçtio II. Deorum Simulacra, &c. 59

set in sacris Bacchi, & Cybeles non semper vivos adhibitos fuisse serpentes; sed *flagella*, quæ & manibus tenuerunt, & quibus capita & corpora sua incinxerunt quod anguino ritu è loro crinibusque essent contexta, & ipsa quoque *angues* appellata fuisse.

T A B U L A XII.

CYbele uxor Saturni vulgò repræsentatur cum corona turrita; quia ipsissima Terra habetur, quæ urbibus exulta est, ut notat Servius ad lib. 10. *Æneid.* Pedem finistrum rostro navis imponit, fortè ut denotet globum terrestrem ex aqua & terra compositum esse, terræque extremitates maritimis undis allui. Varia hujus Deæ nomina recenset Strabo lib. 10. eamque nominatam scribit Berecynthiam à Phrygibus, Rheam à Troibus Idam accolentibus, Matrem Deorum, & Agdestin, & Phrygiam, Magnam Deam, à locis autem Idæam, Dindimenen, Pylenen, & Pessinuntiam. Fuit etiam dicta Ops, quòd terræ ope vita hominum sustentetur; Vesta, sive quòd terra rebus omnibus vestiatur, seu quia vi sua stat, ut docet Ovidius lib. 6. *Fastor.* Mater alma ab alendo; & Pales, quòd sit pabulorum Dea; Bellonam quoque, Deam Syriam, & Isidem illam vocat Apulejus lib. 8. *Metamorph.*

T A B U L A XIII.

SEquitur Ceres Saturni & Opis filia dextra facem gerens. Cererem ea de causa inter Deas relata scribit Plinius lib. 7. cap. 56. quòd docuerit molere frumentum, panemque ex illo conficere, cum antea homines glande vescerentur. Ovidius lib. 5. *Metam.*

Prima Ceres unco glebam dimovit aratro,

Prima dedit fruges, alimentaue mitia terris.

Unde Frugifera nominata est, habuitque cum Baccho vini potus inventore conjuncta sacra; idem Ovidius lib. 3. *Fastor.*

Ipse suos ludos uvæ commentor habebas,

Quos cum Tedifera nunc habet ille Dea.

Tediferae nomen sortita est, quòd filiam Proserpinam

à Plutone raptam investigando tedis in Ætna monte accensis universum terrarum Orbem iustraverit, ut notat Appollodorus lib. 1. Biblioth. Sic etiam canit Statius lib. 12. Theb.

*Qualis ab Ætnæis accensa lampade saxi
Orba Ceres magnæ variabat imagine flammæ
Ausonium, Siculumque latus.*

Eadem legum inventrix credebatur, unde à Græcis Θεσμοφόρος, & à Latinis Legifera dicta est.

TABULA XIV.

Neptunus maris Deus hic exhibetur palustribus juncis coronatus, cum capillo, & barba tortis, ac prolixis, more Deorum fluviatilium, sinistrâ elevatâ fortè tridentem gerens, quo triplex aquarum virtus innuitur, liquida nempe, fœcunda, & potabilis, juxta Fulgentii interpretationem lib. 1. Mythol. dextrâ extensâ fluctus marinos compescens, planè ut describitur à Virgilio lib. 1. Æneid. Cùm hoc Simulacrum temporis injuriâ ambabus mutilatum sit manibus, quid illis gestaverit, conjectandum; fortasse delphinum tenebat; siquidem tam delphinus, quàm tridens Neptuni sunt insignia. *Qui Neptuno simulacrum faciunt*, inquit Hyginus lib. 2. Astronom. *Delphinum aut in manu, aut sub pede constituere videmus; quod Neptuno gratissimum esse arbitrantur.* Hic Deus dictus est à Græcis Περσείδῳ, quod pedibus terram quatit; ut & Εννοσίγαιος, ἀπὸ τῆς ἐνοσῆς, concussio, & γαῖα, terra. Similiter etiam Σεισίθων motor terræ, à verbo σείω, quatio, concutio, & χθών, terra solum. Unde scribit Ammian. Marcel. lib. 17. Poëtæ veteres, & Theologos Neptunum humentis substantiæ potestatem Ennosigæum, & Sifichthona nuncupasse.

TABULA XV.

Mercurium dixerunt veteres quasi mercium curam; omnem enim negotiatorem dici posse Mercurium docet Fulgentius lib. 6. Mythol. De marsupio, quod gerit, hæc Georgius Codinus de orig. Constant. Τῶ κέρδοις αἰτίον λέγουσι, ἐς ἐμπόριον τὸν Εὐμήν. ὅθεν πρὸ ἀρχαῖα αὐτῷ ἰσῶσι βασιλεῖς ἡ μάστιγι ποιοῦν.

Mer-

Sectio II. Deorum Simulacra, &c. 61

Mercurium lueri auctorem perhibent, & præsidem mercaturæ; quocirca simulacrum ejus marsupium gestare faciunt. Aristophanes etiam statuit eum ἑμπολαίον; unde apud Ovid. Mercator hunc Deum alloquens ait lib. 5. Fast.

Da modo lucra mihi, da factō gaudia lucro;

Et fac ut emptori verba dedisse juret.

Et apud Plautum in Sticho act. 3. sc. 1.

Cum benè re gesta salvos convertor domum;

Neptuno grates habeo, & tempestatibus,

Simul Mercurio, qui me in mercimoniis

Jurvit, lucrisque quadruplicavit rem meam.

Etenim Mercurii duo sunt munera, nuncium Deorum agere, & lucrum afferre Mercatoribus. Bonis nunciis (inquit C. Cæsar lib. 3. de bel. civ.) afficit homines Mercurius, & nunciis præst. Utrumque autem munus ipsemet declarat expressè apud Plautum in prolog. Amphit.

Nam vos quidem id jam scitis concessum, & datum

Mibi esse ab aliis Diis; nunciis præsim, & lucro.

Hic Deus apud Græcos λόγιος dictus est, quasi studiorum, litterarum, & eloquentiæ præses juxta Budæi interpretationem in Comm. Illum Jovis & Majæ filium finxerunt veteres, idest, mentis & prudentiæ, ut docet Georgius Codinus, cujus verba hic refero. Τὸν Ερμῆν οἱ Ἕλληνες καὶ οἱ λοιποὶ τῶν ἀρχαίων Ῥωμαίων, κατὰ τὴν αὐτῶν πεπλανημένην μυθολογίαν, αἶν Διὸς λέγουσι ὁ Μαίας, οἷον τῷ γὰρ καὶ τῆς φρονήσεως. Ὁ γὰρ τοῦ γὰρ καὶ φρονήσεως ὁ λόγος ῥηταί. Ὁ γὰρ τῷ δὲ πλεωτόν αὐτὸν ποιοῦσι, ὡς ταχύν. σάδεν γὰρ λόγου ταχύτερον, ὁ Ομηρος, ἔπειτα πλερέετα. Græci & Romani veteres secundum falsam eorum mythologiam dicunt Mercurium Jovis & Majæ filium esse, idest, mentis & prudentiæ, nam ex mente & prudentia oritur oratio. Propterea etiam alatum fingunt, quia sermone nihil est velocius, unde Homerus verba vocat alata. Caduceum, quem sinistrâ manu tenet, apertæ orationis rectitudinem significare scribit Cælius Rhodiginus lib. 21. cap. 6. Serpentes verò implicitos dissidentes orationis virtute conciliari voluntates. De caduceo meminit Isidorus lib. 8. Orig. cap. 11. Mercurius (inquit) virgam tenet, quæ serpentes dividit, idest, venena; nam bellantes & dissidentes interpretum oratione sedantur. Unde vocatur hic Deus à Macrobio lib. 1. Saturn. cap. 12.

vocis & sermonis potens. Refert Jamblichus sect. 1. de Myst. cap. 1. Ægyptios scriptores Mercurio veluti omnium inventori suos libros scribere solitos fuisse, eumque præesse sapientiæ, & eloquio. Proclus etiam lib. de Anim. & Dæm. mentionem de illo facit his verbis. *Mercurius ut Jovis nuncius paternam animis explicat voluntatem, atque ita nobis exhibet disciplinam; atque iterum, ut inquisitionis est auctor, inventionem suis præstat alumnis.* Scribit Pausanias in Arcad. Mercurium mandata Jovis præferre, animasque mortuorum ad inferos deducere: eadem leguntur apud Petronium Satyr. cap. 100. & Virgilium lib. 4. Æneid.

Tum virgam capit: hac animas ille evocat orco

Pallentes, alias sub tristia tartara mittit;

Dat somnos, adimitque, & lumina morte resignat.

Caduceus erat apud Græcos signum pacis, & Caduceatores vocabantur, qui ad pacem mittebantur legati, ut innuit Amm. Marcell. lib. 21. *Caduceatoribus missis ex more.* His injuriam intulisse maximum habebatur nefas, teste Cælio Rhodigino lib. 21. cap. 6. Mercurium Ausonius furem vocat Technopag.

Inter virtutes quod nomen Mercurio? fur.

Etenim Tiresiæ fertur subripuisse boves, tridentem Neptuno, Marti gladium, sceptrum Jovi, Apollini arcum & sagittas, forcipem Vulcano, & Veneri cestum. Possidebat olim le Feure aurifex Gallus elegantem æream Mercurii statuam, aliasque imagunculas rei antiquariæ studiosorum inspectione non indignas.

T A B U L A XVI.

Hoc elegantissimum Minervæ simulacrum in thesauro Christinæ Augustæ asservabatur, cujus ferè similis imago sub istius Dææ vel Aspasix nomine inter gemmas exhibita est. Galeam habet illa quadrigis, pegaso, & sphinge ornatam, quæ omnia propria sunt Minervæ symbola, & quæ Sect. 1. pro ingenii nostri modulo explicavimus. Gorgona ei ponitur in thorace ut favorabile amuletum, cui credebant veteres inesse vim quamdam præstandæ securitatis, & abigendi pericula.

T A-

Sectio II. Deorum Simulacra, &c. 63

TABULA XVII.

Sequitur aliud pulcherrimum ejusdem Minervæ signum habitu currentis, dextrâ forte hastam, lævâ gorgonam pectori affixam tenentis : cassidi super impositæ sunt Sphingis, & Pegasorum imagines, de quibus alibi. Currit hæc Dea vel propter *acrem minimèque retrahendum ad res impetum,* si fides Phornuto, vel quod *ad depellendam injuriam, atque opem ferendam satis est instructa, unde Victoria est appellata.*

TABULA XVIII.

Pingitur Diana Ephesia cum multis mammis, velut alma mater, quæ uberibus suis alit genus humanum. De illa mentionem facit D. Hieronymus in Epist. ad Ephes. *Erat Ephefi Templum Dianæ, & ejusdem in ipso Multimammia, idest, multarum mammarum effigies, quia cultores ejus decepti putabant eam omnium viventium nutricem.* Celeberrimum hoc Templum in nummis imperialibus occurrit : in eo centum viginti septem columnæ fuerunt sexaginta pedum altitudine, singulæ à singulis regibus factæ, ex quibus trigintasex mirabili artificio cælatae, quales fortè sunt Trajanæ & Antoninianæ Romæ etiam nunc extantes. Elegantem hujus Templi descriptionem, vide apud Philonem lib. de vii. Orbis Miraculis, Plinium lib. 17. cap. 40. & Vitruvium lib. 2. de Architect. cap. 9. & lib. 3. cap. 1. qui de Jonica ejus exædificatione, ambitu, & Architectis plura referunt, & nuper Cl. Marchio Polenus in Diss. Acad. Corton. Scribit Plutarchus in Opusculo de vitando ære alieno debitores ad hoc Templum confugientes tutos à creditoribus, & intactos remanere. Hæc Dea coronam turritam gerit in capite, quia eadem credebatur Isis, Ceres, & Cybele sive Terra, quæ urbibus exculta est. *Et quoniam* (inquit Codinus de Orig. Constant.) *cujusque urbis sedes terra est, fingitur turrita, quasi urbes gestaret.* Καὶ ἡντιῶν ἐδὲ παύσις πόλεως ἢ γὰρ ἔστιν, ὡς βασιλεύουσα πᾶσι πόλεις, κατέχευται πύργους. Audiamus etiam Macrob. lib. 1. Saturn. cap. 20. *Isidem ad instar Dianæ Ephesiæ describentem. Isis cuncta religione celebratur, quæ est vel terra, vel natura rerum subjacens Soli.* Hinc est, quod continuatis uberibus corpus Deæ omne densetur: quia
vel

vel terræ, vel rerum naturæ balitu nutritur universitas. Sic Apulejus lib. 11. Metam. Isidem, Deū. n. Matrem, Minervam, Venerem, Dianam, Proserpinam, Cererem, Junonem, Bellonam, Hecaten, Rhamusiam unam & eandem esse docet, *eius numen unicum multiformi specie, ritu vario, nomine multijugo totus veneratur Orbis*. Etenim tot numinum attributa in hoc Simulacro conjuncta repræsentantur: muralis nempe Phrygiæ Cybeles corona, noctiluca Isidis velum, Cancer Lunæ, Ephesiæ Dianæ Victoriæ & mammæ, ejusdem Sicilia Cervi & Apes, Magnæ Matris Leones, Cereris Eleusinae Boves & Dracones, Minervæ Sphinx, Telluris denique glans & fructus. Vir præclari nominis, doctrinæque præstantissimus Jo. Petrus Bellorius quondam Claudii Menetreji cœmeliothecæ Barberinæ Præfecti de Symbolica Dianæ Ephesiæ statua librum in lucem restituit, suisque eruditissimis notis illustravit, & adauxit, quem consulere poterit, qui ulteriorem hujus simulacri expositionem desiderabit.

TABULA XIX.

Similem Dianæ Luciferæ imaginem exhibuimus inter gemmas, & explicavimus. Hæc ab illa tantummodo differt, quod Orbi insitat, quem lumine suo tamquam ardenti face conspicuum, lucidumque reddit. Scribit Firmicus Mathef 2, & 4. eandem terræ imperium ex vicinitate sortitam cuncta animantia corpora concepta procreare, & generata dissolvere, ideoque omnem corporis humani substantiam ad potestatem lunaris numinis spectare. Dicta confirmat D. Ambrosius in 4. Hexam. docens Lunam id in se induere ministerium, in quod & frater ejus, ut illuminet tenebras, foveat semina, augeat fructus. Hæc Dea partibus quoque mulierum favere credebatur. *In partu* (inquit Tertullianus lib. de Anima cap. 39.) *Lucina & Diana ejulatur*. Ea de causâ teste Macrobio lib. 7. Saturn. cap. 16. *Quia proprium ejus munus est distendere rimas corporis, & meatibus viam dare, quod accelerando partui salutare est*. Unde dux nascentium, mortalium corporum auctor, & conditrix vocatur ab eodem Macrobio lib. 1. in somn. Scip. cap. 11. Audiendus etiam Por-

Sectio II. Deorum Simulacra, &c. 65

Porphyrus apud Eusebium lib. 3. præp. Ev. cap. 3. de illa sic loquens. Λογία τὰ ἰ Ἀρτεμῖς, ἢ πέρ, ὅσα παρθένος, ἐπὶ ὃ τὴς θεῶν διὰ τὴν ἀρετὴν αἰς τὸ τίτλων. *Ac parui quidem tamen si virgo Diana præest, quod novilunio vis quædam insit, quæ pariendi facultatem afferat.* Ideòque facem ardentem manu gerit; quâ veteres novilunii virtutem significabant, teste eodem Eusebio loco citato. De Velo differuimus Sect. I.

T A B U L A XX.

Petrus Abbas Seguinus in selectis suis numismatibus nummum æreum Philippi junioris ab Antiochenis percussus protulit, in cujus averfa parte stantes exhibentur tres figuræ muliebres obversis tergis junctæ, modiis capitibus impositis, huic nostræ imagini (nunc munificentia Benedicti XIV. in Museo Capitolino) ferè similes; etenim illarum mediâ facem utrâque manu gerit; dexterior Serpentem, dextrâ, lævâ clavem antiquæ formæ; sinisterior verò dextrâ stimulum, vel gladium, lævâ flagellum; pedibus illarum ab utraque parte Canis assistit. Vir eruditissimus insolitum hunc typum ad Furias putavit referendum, quibus divini honores à Romanis, Græcisque tributi fuere, ut narrant Pausanias in Arcad. & Corinth. & Cicero lib. 3. de natura Deorum, qui eas Fanum Athenis, Romæ Lucum habuisse scribit. Spanhemius in lib. de Cæs. Imp. Jul. fol. 54. Gordiani Pii nummum æreum maximi Moduli in Thesauo Regio asseratum describit, cujus averfa pars similem typum exhibet, quem & ipse doctrinâ præstantissimus ad Furias credit pertinere. Summis viris in re antiquaria facîle Principibus vix audeo refragari; sed quia in obscuris versamur, quorum interpretationes possunt diversimodè conjectari, mihi quoque licebit aliquam de hac imagine sententiam proferre. Hoc igitur simulacrum ad Hecaten referendum censeo, quam Minutius Felix Triviam nominat trinis capitibus, & multis manibus horrificam. Quid autem horribilius tedis, funibus, Serpentibus, & stimulis? Quid proprius infernorum Deæ? Canes ipsi in Seguini nummo expressi Hecatæ immolabantur, quam veteres Equum, Taurum, Leænam, & Canem

nominabant : auctor est Porphyry. lib.4. de abstin. τὴν δ' Ἐκάτην ἴωσαν ταῦτον δὲ λαίαναι κύνη. Luna, Diana, Hecate idem credebatur numen, si fides Phornuto; unde harum trium figurarum prima Lunæ crescenti veluti diademate coronata exhibetur, cui persea imposita est, Isidi, quæ eadem cum Luna habebatur, consecrata, ut docet Plutarchus in lib. de Is. & Os. Facem ardentem utrâque manu gerit, quâ novilunii virtus significabatur.

T A B U L A XXI.

Secunda caput habet coronâ radiatâ ornatum, Reginæ Manium Insigni, virtutem Solarem frugum productioni necessariam forsan indicante : dextrâ gladium sive stimulum tenet, lævâ Serpentem. Pausanias in Arcad. describit simulacrum Dianæ, alterâ manu lampadem, alterâ duos Dracones gestantis, fortasse quia Proserpina, quæ eadem & Diana, pro segetibus accipiebatur, segetes autem ventis agitatae Serpentum meatus imitantur; forsan etiam Dracones isti ad iter Lunæ fluxuosum iisdem meatibus simile referuntur, ut & ad viperea flagra, quæ Prudentius ad Hecaten, pertinere docet.

..... Putatur
Agmina vipereo superis inducere flagro.

Audiamus, quid de stimulo, & Dracone sentiat Eusebius lib. 2. Præp. Ev. cap. 5. Κὴ μὲν ἡ Δημήτηρ, ἀναφέρεται δὲ ἡ κόρη, μίγνεται δ' αὖθις ὁ γυνήσας ἔτι σοὶ Ζῆλος τῇ φερεφάτῃ, τῇ ἰδίᾳ θυγατρὶ μετὰ τὴν μητέρα, Διὶ δὲ, ὁ Κλαυθόμενος τῷ προτέρου μύθοις, ὃ μίγνεται δράκων γυνήδμος, ὃς ἦν ἐλεγχθεὶς. Σαβαζίων γυνὴν μυσηρίαν σύμβολον τοῖς μυθολογικοῖς ὃ ἦν κόλπου Θεοῦ. Δράκων δὲ ἔτος διολκούμενος τῷ κόλπῳ τῶν τελευτῶν, ἐλεγχος ἀκράστιας Διός. Κὴ καὶ ἡ φερεφάτῃ παῖδα ταυρομορφον ἀμείλα φασὶ τις ποιηταὶς ἐδωλικὸς, Ταῦρος

Πατὴρ Δράκοντος, καὶ πατὴρ Ταύρου Δράκων,
 Ἐν ὅρῳ τὸ κρυφίον Βουκόλος τὸ κέντρον.

*Ceres quidem peperit, puella verò educatur : rursum ecce tibi castus
 Jupiter cum Pherephatta, quam ipse genuerat, post Cererem matrem
 congreditur execrandi flagitii prioris oblitus; & congreditur
 Draconis formâ reclus, sic tamen, ut qui sub ea latet, manifestò
 post-*

Sectio II. Deorum Simulacra, &c. 67

postmodum teneatur: Enim verò Sabaziorum utique mysteriorum iis, qui sacris initiantur, symbolum est, Deus sinum pervadens: Deus autem iste Draco est, qui per medium eorum, quos solemniter ritu initiant, sinum trahitur, certum planè impotentis Jovis libidinis argumentum. Parit etiam Pherephatta filium Taurinâ specie, nimirum ut Idolorum cultor Poeta cecinit,

Taurus Draconem genuit, & Taurum Draco,

In monte occultum Bubulcus stimulum.

Bubulci enim bacchico furore correpti arcana hæc sacra ducentes pastorem stimulum celebrabant.

T A B U L A XXII.

Tertia clavim antiquæ formæ dextrâ gerit, sinistrâ funes. Jano clavis tribuebatur, quem à multis eundem creditum fuisse atque Apollinem, & Dianam, refert Macrobius lib. 1. Saturn. cap. 9. *Apud nos (inquit) Janum omnibus præesse januis nomen ostendit, quod est simile Jovis. Nam & cum clavi, ac virga figuratur, quasi omnium & portarum custos, & rector viarum. Pronunciavit Nigidius Apollinem Janum esse, Dianamque Janam appositâ D litterâ, quæ sæpè I litteræ causâ decoris apponitur. Pausanias verò in El. 1. describit simulacra Plutonis, Proserpinæ, & Nympharum duarum, quarum altera pilam tenet, altera clavem, quæ Plutonis insigne dicitur eâ ratione, quòd ab eo inferorum sedes ita clausa sit, ut inde nemini reditus pateat; sicque innuere videtur Hecates clavem gestans inferorum portas ab ea referari. Funes etiam ad pœnas infernales referuntur, clavemque optimè comitantur, siquidem quod ligatum est & clausum, effugere haud facillè potest. Virgilius lib. 6. Æneid.*

..... Facilis descensus Averni,

Noctes atque dies patet atri janua Ditis:

Sed revocare gradum, superasque evadere ad auras,

Hoc opus, hic labor est.

Laurus autem, quâ coronatum est hoc Simulacrum, convenit Hecataë, sive Lunæ, teste Eusebio lib. 3. cap. 3. quoniam à Sole ignea fit.

TABULA XXIII.

Mithras hic exhibetur indumento Persico amictus, tiarâque redimitus, ut describitur à Luciano in Concilio Deorum. Genu tauro innititur, alterâ manu rostrum bovinum prehensens, alterâ cultrum ejus tergo infigens. Mithram Persæ existimabant esse Solem, teste Suidâ in voce Μίθραν. Sic etiam Strabo lib. 15. Πέρσαι τιμῶσι τὸν ἥλιον, ὃν καλεῖσι Μίθραν. Persæ (inquit) colunt Solem, quem Mithram vocant. Et Hesychius. Μίθρα ὁ ἥλιος παρὰ Πέρσαις. Eundem & Apollinem, & Titanem, & Osirim esse docet Statius lib. 1. Thebaid.

Phæbe parens, &c. (& deinde)

Adfis ô memor hospitii, Junoniaque arva

Dexter ames, seu te roseum Titana vocari

Gentis Achemeniæ ritu, seu præstat Osirim

Frugiferum, seu Persæi sub rupibus antri

Indignata sequi torquentem cornua Mithram.

Bos prostratus symbolum esse terræ; Mithras est Sol calore suo fecundans terram, eamque in signo Tauri cultro, idest, vi suâ penetrans, genitalemque humorem eliciens, ac semina foras protrudens ad rerum omnium procreationem, nutrimentumque animalium, quæ per Canem guttas sanguinis defluentes lambentem indicantur: Canis etiam ut altrum Tauro proximum hic ponitur. Cauda Bovis in spicas deficiens terræ fecunditatem in hoc signo innuit; etenim mense Aprilis spica è folliculo primùm erumpit. Scribit Macrobius lib. 1. Saturn. cap. 21. Cancrum aliquo gressu Solis iter numquam rectum, sed meatibus plenum ostendere, & maximè in illo signo Solem à cursu supero incipere obliquum inferiora petere, sicque virtus Solaris in Tauro invalescens incipit deficere in Cancro, virtusque genitalis paulatim in illo comprimitur. Ægyptii Serpentis naturæ quamdam inesse divinitatem putabant, teste Eusebio lib. 1. cap. 7. & lib. 3. cap. 3. eumque spiritalissimum omnium animal, & igneum, proindeque fecunditatis symbolum, unde per Serpentes & fecunditatem, & in formarum productione varietatem designari docet eruditissimus Kircherius lib. 5. Obel. Pamphil. Aquila propter altissimam volatus velocitatem altitudinem

So-

Sectio II. Deorum Simulacra, &c. 69

Solis ostendens in summo posita est: illa etiam ob maximam pernicitatem Mithræ consecrata fuit, ut & Corvus, & Accipiter, de quibus Porphyrius lib. 4. de Abstin. *Decretum apud primos habetur de animarum in diversa corpora transmigratione, id quod etiam in Mithræ mysteriis videntur significare. Ut enim communionem nobis esse cum cæteris animalibus innuant, per animalium nomina consueverunt nos interstinguere; adeo ut, qui jam initiati participes sunt eorumdem sacrorum, Leones vocent, mulieres Hyenas; famulantes autem Corvos. Itidem in partibus, Aquilæ enim, & Accipitres hi appellantur; & qui leonina assumit, circumponit sibi omnigenas animalium formas. Quorum causam afferens Pallas in iis, quæ de Mithra tradit, communem hominum opinionem esse inquit, ut ad Zodiaci orbis naturam hæc referenda judicentur.*

TABULA XXIV.

PRæclarum Æsculapii signum exhibemus modium gestantis in capite, baculo, cui Serpens involutus, innixi. Ejus imaginem describit Albricus his verbis. *Æsculapius Deus medicinæ putatur cum barba valde prolixa, indutus habitu Medici, cujus manus baculum cum serpente gestabat intorto. Modium fecunditatis, & abundantiae typum habet in capite, dignum sanè hujus Dei symbolum, siquidem absque bona, & perfecta valetudine nil jucundum, nil pretiosum; at cum optima salute ipsemet pauper dives, & felix habetur. Æsculapium à quibusdam eundem cum Osiride creditum fuisse scribit Tacit. lib. 4. Hist. cap. 84. unde non mirum habetur, si modium imponitur capiti. Eidem baculum quasi ægrotantium sustentaculum tribui alibi diximus; Serpens vero additur baculo circumvolutus, juxta Theodoreti mentem serm. 7. quod morborum malignitatem deferant ægrotantes ope Medici, ut suam veterem pellem Serpentes. De hoc simulacro sic Statius Papinius.*

..... *Maximus ægris*
Auxiliator adest, & festinantia sistens
Fata, saluifero mitis Deus incubat Angui.

T A B U L A XXV.

Salus Dea hic repræsentatur dextrâ pateram gerens; cui cibus impositus est, lævâ Serpentem. De Salute, quæ eadem est atque Hygæi, plurima diximus in gemmis. Illa ferebatur Æsculapii filia, amboque precabantur, ut morbos depellerent, & adesse vellent ægrotantibus. Sic apud Terentium in Hecyra act. 3. sc. 2.

*Malè metuo, ne Philumenæ magis morbus adgravescat:
Quod te, Æsculapi, & te, Salus, nequid sit bujus, oro.*

Serpens huic Deæ tribuitur, tum quia revalescentes renouantur, ut Serpentes, & quasi senectutem exuunt, tum quia Serpenti multa insunt remedia saluti & acquirendæ, & conservandæ opportuna, teste Plinio lib. 29. cap. 24. Patera verò, cui cibus impositus est, sive quòd Salus medicamentis acquiratur, sive quòd solâ Deorum ope & adipiscatur, & conservetur. Ædem Salutis C. Junius Bubulcus, quam Cos. bello Samnitum voverat, Censor locavit, Dictator dicavit; hæc à Fabio pictore depicta fuit. P. Victor Templum Salutis in sexta Urbis regione constituit. Salutarem portam, quòd prope ædem Salutis esset, Romæ appellatam scribit Festus.

T A B U L A XXVI.

Vulcanus hic exhibetur pileatus, malleum dextrâ tenens ad similitudinem fabri deformis, & claudi, ut depingitur ab Arnobio lib. 6. advers. Gent. & Albrico de Deorum Imag. cui forceps additur in sinistra, & sic in nummo gentis Aureliæ visitur caput Vulcani barbatum cum pileo, & forcipe pone cervicem. Hunc Deum Jovis, & Junonis filium quidam asserunt; Lucianus verò lib. 1. de Sacrific. illum solius Junonis filium declarat. Ομοια δὲ τοῖς ἐπεὶ τῆς Ἥρας ἔδωσαν, αὐτῷ τὸ πρὸς τοῦ ἀνδρᾶ ὁμιλίας ὑπενέμιον αὐτῇ παιδᾷ ἄρῃσθαι τοὺς Ἥρας, ὃ μάλιστα ὁτύχῃ τοῖς, ἀλλὰ βαναυσον, ἐ χαλκῆα, ἐ πυρίτην, ἐ ἐν καπνῷ τοπᾶν εἶντα, ἐ σπινθήρων ἀναπλεῖν. οἷα δὲ καμινωτῇ, ἐ ὅδε ἄρῃοι τὰ πόδες. χαλεπυθῆναι γὰρ αὐτὸν ἀπὸ τοῦ πύματος, ὅπως ἐξῆλθῃ ἀπὸ τοῦ Διὸς ἐξ ἑσπέρῃ. His autem familia etiam de Junone canunt, nempe hanc citra virilem congressum è subventaneo conceptu gravidam puerum edi-

Sectio II. Deorum Simulacra, &c. 71

edidisse Vulcanum, eum non valde fortunatum; sed fornacarium, & fabrum ærarium, ignipotentem, & in fumo perpetuo viventem, & scintillis oppletum, utpote qui circa caminos versatur: tum etiam ne pedibus quidem integrum, eum enim claudicare à casu, ex quo à Jove de cælo deturbatus est. Ille artem fabrillem in Lemno instituit; Jovi fecit fulgura; uxores duxit Venerem, & Gratiarum unam, teste Homero, Gratiam proprio nomine appellatam. Ponitur aliquando hic Deus pro ipso igne; hinc Mercurius Sossiam alloquens ait apud Plautum in Amphit. act. 1. sc. 1.

Quo ambulas tu, qui Vulcanum in cornu conclusum geris.

Templum habuit Athenis supra Ceramicum, & Porticum, in quo positum erat signum Minervæ, ut refert Pausanias in Attic. dicebatur enim cooperato Minervæ, quòd hæc Dea sit artium etiam illarum, in quibus usus est manuum: ille vero Deus instrumentorum, sine quibus hæ artes non possunt exerceri; unde Plutarchus in opusc. de Aq. & Ig. compar. Τίχρας δὲ πάσας ἐ ἀνθρώπων τὸ πῦρ ἐ σώζει. δι' ἐ τοῦ Ηφαίστου ἀρχηγὸν αὐτῶν ποιεῖ. Ignis reperit omnes, & conservat artes; itaque etiam Vulcanum Principem, ac Ducem artium faciunt.

TABULA XXVII.

Fortuna duplex fuit apud veteres; una cæca, quæ malos fovere, & extollere credebatur; altera videns, quæ Iis erat, bonis omnibus salutaris, eorumque præmiatrix; sic apud Apulejum lib. 11. Metam. Sacerdos Isis eundem Apulejum sacris hujus Deæ initiaturum alloquens. *In tutelam* (inquit) *receptus es Fortunæ sed videntis, quæ suæ lucis splendore cæteros etiam Deos illuminat.* Eadem hæc Dea hic exhibetur dextrâ gubernaculum, sinistrâ cornucopiæ gerens: capitis ejus ornamentum describitur ab Apulejo libro citato his verbis. *Corona multiformis variis floribus sublimem distinxerat verticem, cujus mediâ quidem super frontem plana rotunditas in modum speculi, vel imò argumentum Lunæ candidum lumen emicabat, dextra, lævaque sulcis insurgentium Viperarum cobibita.* Ideoque vocatur à Valerio Flacco lib. 4. Argonaut. *Aspide cinctâ comas.* Isidem creditam fuisse, & Lunam, & Cererem

ne-

nemo nescit ; unde isti viperarum sulci referri possunt ad iter Lunæ fluxuosum meatibus Serpentum simile, ut & ad Cere-rem, quæ Draconibus curruī alligatis cælum, ut ita dicam, fulcavit. Ovidius lib. 4. Fast. de Cerere.

Quò simul ac venit, frænatos curribus Angues

Funxit, & æquoreas sicca pererrat aquas.

Globus Aspidibus circumdatus numinis Solaris vim foecundativam, seu spiritum quemdam igneum universum permeantem significabat apud Phœnices, & Ægyptios, qui, teste Eusebio lib. 1. cap. 7. Draconis, & Serpentis naturam putabant divinam; ut & ipse Tautes apud eundem Eusebium Serpentem spiritualissimum omnium animal, & igneum esse tradens: temperamento autem caloris huiusmodi, & humoris provenientis ex Luna roris largissima iusta oritur conjunctio calidi, & humidi, in qua consistit omnis generatio. De cornucopiæ, & gubernaculo in sequentibus.

TABULA XXVIII.

Bupalus Sculptor primus omnium statuam Fortunæ Smyrnæis fecit polum capite sustinentis, manumque Amalthææ cornu ad declarandum illius bona: clavus eidem tribuitur vel ad significandam illius firmitatem, vel ad exprimendam vim, & potentiam necessitatis, quæ Fortunam sæpissimè comitatur juxta hos versus Horatii lib. 1. Carm. Od. 35. ad eandem.

Te semper anteit sæva necessitas,

Clavos trabaleis, & cuneos manu

Gestans aëna.

Fortunam à fortuitis nomen habere dicunt (inquit Isidorus lib. 8. Orig. cap. ult.) quasi Deam quamdam res humanas variis casibus, & fortuitis illudentem; unde & cæcam appellant, eò quod passim in quoslibet incurrens sine ullo examine meritorum & ad bonos, & ad malos venit. Fortunam duplicem fuisse diximus videntem, & cæcam, seu bonam, & malam: prima vocabatur, ut propitia esset; altera, ut mala imminencia averruncaret; utraque Templâ, & aras habuit Romæ. Plinius lib. 2. cap. 7. vesanos Fortunæ cultores irridens hæc de illa refert, *Toto*
quip-

Sectio II. Deorum Simulacra, &c. 73

quippe mundo, & locis omnibus, omnibusque horis, omnium vocabus Fortuna sola invocatur; una nominatur; una accusatur; una agitur rea; una cogitatur; sola laudatur; sola arguitur; & cum convitiis colitur; volubilis, à plerisque verò & cæca etiam existimata, vaga, inconstans, incerta, varia, indignorum satrix. Unde non mirum, si Juvenalis Sat. 6. illam vocat improbam.

..... stat Fortuna improba noctu

Arridens nudis infantibus.

Scribit Plutarchus in Æmil. Fortunam metuere fortes, ignavos premere. Sic. Ovidius lib. 8. Metam.

..... Ignavis precibus Fortuna repugnat.

Lacedæmones eam admotâ manu invocabant, & fortè clavo, quem tenet, innuitur vim illi afferendam esse, ut fixa, stabilisque reddatur. Existimabant veteres hanc Deam hoc Universum gubernare, Fortunamque reducem in numismatibus sæpe cum clavo depingebant.

T A B U L A XXIX.

Sequitur aliud Fortunæ simulacrum modium habentis in capite abundantiae symbolum, dextrâ navis gubernaculum, cui Delphinus, & Serpens superpositi sunt; sinistrâ cornucopiæ sustinentis. De Fortuna, ejusque attributis loquentem audias Lactantium lib. 3. de fal. Rel. cap. 29. *Is, inquam, planè vulgi, & imperitiorum opinionibus credidit, qui Fortunam putat esse, quæ hominibus tribuat bona, & mala; nam simulacrum ejus cum cornucopia, & gubernaculo fingunt, tamquam hæc & opes tribuat, & humanarum rerum regimen obvineat: cui opinioni & Virgilius assentit, qui Fortunam omnipotentem vocat; & Historicus, qui ait: Sed profecto Fortuna in omni re dominatur. Quid ergo cæteris Diis loci superest? Cur non aut ipsa regnare dicitur, si plus potest; aut sola colitur, si omnia? Vel si tantum mala immitit, aliquid causæ proferant, cur, si Dea sit, hominibus invideat, eosque perditos cupiat, cùm ab iis religiose colatur: cur æquior sit malis, iniquior autem bonis: cur insidietur, affligat, decipiat, & exterminet: quis illam generis hominum vexatricem perpetuam constituerit: cur denique tam malam sortita sit potestatem, ut res cunctas ex libidine magis, quam ex vero celebret, obscuret.*

Tom. I.

K

que.

que. *Hæc, inquam, Philosophos inquirere oportuit potius, quam temerè innocentem accusare Fortunam, quæ etiamsi sit aliqua, nihil tamen afferri ab his potest, cur hominibus tam inimica sit quam putatur.* Serpens gubernaculo superpositus designat prudentiam ad stabilitatem Fortunæ requiri: Delphino vero innuitur eandem navigationi præesse, & utrumque elementum ejus nutu gubernari; unde hominum hera vocatur à Plauto in Mercat. act. 5. sc. 2.

Divum, atque hominum quæ spectatrix, atque hera eadem es hominibus,

Spem speratam quoniam obtulisti hanc mihi, grates ago.

Catullus autem Ep. 64. omnes Deos heros appellat.

Hestia cælestes pacificasset heros.

Quod ad Signa Panthea, quæ sequuntur, referri potest, siquidem omnes ferè Deos conjunctos repræsentant.

TABULA XXX.

Fortunæ succedit Abundantia caput habens herbarum frondibus coronatum, alterâ manu cornucopiæ fructibus refertum, alterâ hydriam tenens. Ab humido elemento tamquam rerum omnium principio, quæcunque terra gignit, emanare juxta Thaletis sententiam existimant Ægyptii, unde Canopum Genium humidi elementi, Deorumque omnium victorem velut hydriæ clausum referebant. Hujus sententiæ meminit Cælius Rhodiginus lib. 27. Lect. antiq. cap. 5. hydriam apud Ægyptios ad Templum summâ religione deferri solitam narrans his verbis. *Quum aquarum infinitæ propemodum utilitates sint, gratissimæque, qui sacerdotia gerunt moribus Ægyptiorum ostendunt res omnes è liquoris potestate consistere. Itaque cum hydria ad Templum castâ religione defertur, tunc in terram procumbentes manibus ad cælum sublevis divinæ gratias agunt bonitati.*

TABULA XXXI.

Elegantissimum exhibemus signum æreum in museo Jo. Petri Bellorii jam asservatum, quod omnes ferè Deos conjunctos refert, eaque de causa Pantheum à Jacobo Spo-

Sectio II. Deorum Simulacra, &c. 75

Sponio in Miscellaneis appellatum est. Etenim capitis ornamentum Ifidem, semicirculus Lunam; radii Solem; pharetra Cupidinem; alæ Victoriā, & Nemefim; Cornucopiæ, cui superposita sunt Ofiridis, & Ifidis capita, Abundantiam ex benignis Solis, & Lunæ influxibus proveniente; Serpens brachio intortus Æsculapium, & Hygiām, sive Salutem, pellis caprina ex humero ante pectus dependens Bacchum; gubernaculum Fortunam; Fulmen denique Jovem indicant. Apud Sponium nihil de radiis, & fulmine.

TABULA XXXII.

HÆc imaguncula plures etiam Deos exhibet. Caput casside armatum Martem, & Palladem; radii Solem; urnula, sive cymbium capiti impositum Ofiridem humidæ naturæ dominum, globus Aspidibus circumdatus Ifidem; alæ Nemefim, & Victoriā; pharetra Cupidinem; Gorgona pectori affixa Minervam; cornucopiæ Cererem, & Abundantiam; Gallus Mercurium, & Æsculapium; caput arietinum Ammonem, Ibis Lunam, gubernaculum Fortunam, significant. Lucianus in opusc. de Dea Syria describit simulacrum à se visum in Syria, quod quidem re verâ esset Juno, alios tamen Deos referret. *Εξ δὲ τῆς Ἀθηνᾶς, ἔς Ἀφροδίτης, ἔς Σεληνῆς, ἔς Πην, ἔς Ἀρτέμιδος, ἔς Νημῆος, ἔς Μορτίου.* Cæterum habet quidpiam & Minervæ, & Veneris, & Lunæ, & Rhecæ, & Dianæ, & Nemefis, & Parcarum. His symbolis diutiùs insistere tædiosum esset; dicam tantummodo ad intelligentiam signorum Pantheorum veteres philosophos unum solum Deum admisisse, sed pro ratione diversorum officiorum variis nominibus appellatum. *Fragilis & laboriosa mortalitas, ait Plinius lib. 2. cap. 7. in partes ista digestit, infirmitatis suæ memor, ut portionibus quisque coleret, quo maxime indigeret. Itaque nomina alia aliis gentibus, & numina in iisdem innumerabilia reperimus. Quod Macrobius etiam confirmat lib. 1. Saturn. cap. 17. his verbis. Sicut Maro, eum de una Jūnone diceret, quo numine læso, ostendit unius Dei effectus varios pro variis censendos esse numinibus.* Scribit D. Hieronymus in divinis neque sexum, neque genus esse spectandum, siquidem parens illa rerum omnium

natura, quam sub tot diversis nominibus colebant veteres, nil aliud est, quam ipsemet Deus, ut doctissimo sermone demonstrat Seneca lib. 4. de Benefic. cap. 7. *Natura*, inquit, *hæc mihi præstat. Non intelligis te; cum hoc dicis, mutare nomen Deo? Quid enim aliud est natura, quam Deus, & divina ratio toti mundo, & partibus ejus inserta? Quoties voles, tibi licet aliter hunc auctorem rerum nostrarum compellare, & Jovem illum optimum, ac maximum ritè dices, & tonantem, & statorem, qui non (ut historici tradiderunt) ex eo quod post votum susceptum acies Romanorum fugientium stetit, sed quod stant beneficio ejus omnia, statior, stabiliorque est. Hunc eundem & satum si dixeris, non mentieris; nam cum satum nil aliud sit, quam series implexa causarum, ille est prima omnium causa, ex qua cætera pendent. Quæcumque voles, illi nomina propriè aptabis, vim aliquam, effectumque celestium rerum continentia. Tot appellationes ejus possunt esse, quot munera. (Et mox) Ergo nihil agis, ingratiissime mortaliū, qui negas te Deo debere, sed naturæ; quia nec natura sine Deo est, nec Deus sine natura; sed idem est utrumque, nec distat officio.*

TABULA XXXIII.

Harpocratem Osiridis, & Isis filium silentii præsidem facit Plutarchus lib. de Is. & Osir. Describitur ab Ovidio lib. 9. Metamorph.

Quique premit vocem, digitoque silentia suadet.

Scribit Politianus in Miscell. cap. 83. Ægyptios suis sacris adhibere Harpocratem, qui silentio ostenderet colendum esse summum Deorum. De illo mentionem facit D. Augustinus lib. 18. de Civit. Dei cap. 5. Et quoniam ferè in omnibus Templis, ubi colebatur Isis, & Serapis, erat etiam simulacrum, quod digito labiis impresso admonere videretur, ut silentium fieret; hoc significare Varro existimat, ut homines eos fuisse taceretur. Hæc imaguncula habet in capite perream typum silentii, & veritatis; dextræ digito indice ora comprimit, lævâ sustinet cornucopiæ frugibus, & fructibus refertum, eò quòd silentium sit res salutaris, multa que bona oriantur à tacendo, & loquendo opportunè. Alis designatur contemplatio; sive, perfecta mentis applicatio ad sublimiora quæque studia, cui

ma-

Sectio II. Deorum Simulacra, &c. 77

maximè opus est silentio . *Ubi decocti fuerint cibi* (ait D. Clemens Romanus Pontifex lib.2. recognit. ad Jacobum fratrem Domini) *& mens acceperit nocturna silentia , opportunissimè , quæ docentur , insident .* Serpens , & noctua prudentiam , & sapientiam in tacendo denotant ; Cane pedibus assidente , pelleque canina ex humero dependente fidelitatem oriri ex silentio designatur . Est etiam Canis symbolum Laris sive domestici , sive compitalis , teste Ovidio lib. 5. Fastor.

At Canis ante pedes saxo fabricatus eodem

Stabat , quæ standi cum Lare causa fuit ?

Servat uterque domum , domino quoque fidus uterque ,

Compita grata Deo , compita grata Cani .

Exagitant & Lar , & turba Diania fures ,

Pervigilantque Lares , pervigilantque Canes .

Plutarchus in Problem. Lares vocat Deos familiares , domus præfides , caninis pellibus vestitos , quibus aliquando Canis assistit . Hæc imaguncula plures in se Deos continet , de quibus in sequenti .

T A B U L A XXXIV.

Aliud Harpocratis signum exhibetur , quod multa numina simul conjuncta refert , ideòque Pantheum , ut & præcedens , nominandum . Radiis enim Sol designatur ; semicirculo Luna ; perseâ capiti impositâ Isis ; digito ori appposito Harpocrates ; alis Cupido ; Noctuâ Pallas , sive Minerva ; pelle caprinâ Bacchus ; cornucopiæ Ceres , & Abundantia ; Serpente baculo circumvoluto Apollo , Æsculapius , & Hygiæa ; Accipitre Osiris ; Cane Lares ; Testudine Cybele . Sed quid hæc numina cum Harpocrate , considerandum . Harpocratem Osiridis , & Isidis filium esse diximus , Osiris autem , Sol , Apollo , & Æsculapius pro uno eodemque Deo habebantur , sicut Isis , Luna , & Ceres pro una eademque Dea , si fides Macrobio lib.1. Saturn. cap.16. 17. 20. quod intelligendum est etiam de Minerva , ut docet Porphyrius de nat. Deor. interp. unde symbola his numinibus attributa filio quoque possunt convenire . Baccho videtur adesse debere Harpocrates , ne in vino secreta divulgentur . Cupido

do etiam optimè sociatur cum Harpocrate, siquidem in rebus amatoriiis silentio nil æque necessarium. Testudo elinguis, teste Plinio lib. 9. cap. 10. typus est silentii; convenit illà Cybeli, quia hujus Deæ sacra propalare nefas erat. De bulla, quæ ex ejus collo dependet, in Sectione ultima diffusè agemus: hæc pueris nobilibus, & prætextatis tantum concedebatur. Quid autem nobilius, quam tacere, & loqui opportunè? Debet etiam hic Deus considerari, ut Lar domesticus, cui Canem assistere solitum, scribit Plutarchus. De Laribus bullatis loquitur Petronius Satyric. cap. 38. *Inter hæc (inquit) tres pueri candidas succincti tunicas intraverunt; quorum duo Lares bullatos super mensam posuerunt; unus pateram vini circumferens, Dii propitii, clamabat. Bullas puberes facti Laribus suspendebant. Persius Sat. 5.*

Bullaque succinctis Laribus donata pendit.

Sic virgines nupturæ, ut faustum haberent matrimonium, Pupas Veneri donabant. Idem Persius Sat. 2.

Nempe hoc quod Veneri donata à virgine Pupæ.

Meretrices quoque speculum huic Deæ dicare solitas, docet Aufonius hoc jucundo epigrammate Laidem Veneriloquentem introducens.

Lais anus Veneri speculum dico; dignum habeat se

Æterna æternum forma ministerium.

At mihi nullus in hoc usus; quia cernere talem,

Qualis sum, nolo; qualis eram, nequeo.

Omnes enim, qui aliquam artem reliquerant, illius instrumenta Diis ipsius artibus præsidibus suspendebant, sacrabantque; ut legitur apud Horatium lib. 3. Od. 26. Tibullum lib. 2. el. 5. & plerisque alios Autores.

TABULA XXXV.

A Ngerona Dea, Silentii præses eadem habebatur apud Romanos, qualis apud Ægyptios Harpocrates: digito salutari ora comprimit, fortè ad indicandum nil sanctius esse ad salutem oris silentio, ut scribit Alexander ab Alexandro lib. 4. cap. 26. *Ideo (subjungit) sacellum Angeronæ, quæ Dea præsul silentii obligato ore effingitur, inter antiquissimas religiones*

Seçtio II. Deorum Simulacra, &c. 79

nes Romæ colebatur. Erat enim hæc Dea tutelare Urbis numen, cui Pontifices XII. Kalend. Januarii in sacello Voluptæ sacrum faciebant, teste Macrobio lib. 1. Saturn. cap. 10. Illam sic dictam ait Verrius Flaccus apud eundem Macrobi-um loco citato, quod angores, animorumque sollicitudi-nes propitiata depellat. Masurius verò ejus simulacrum ore obligato in ara Voluptæ propterea collocatum refert, quod qui suos dolores, anxietatesque dissimulant, patientiæ be- neficio perveniant ad maximam voluptatem.

TABULA XXXVI.

Victoria pingitur aliquando alis carens: hanc refert Pau- sanias in Attic. sacellum habuisse Athenis in arce, ad cujus statuæ similitudinem Mantinenses quodam bello con- fecto unam dedicarunt. Hujus involucris Victoriæ simula- crum visitur in nummo Titi æternitatem ejus victoriarum denotans. Sæpius verò repræsentatur alata, de qua mentio- nem facit Latinus Pacatus in Paneger. *Recte profecto germana illa Pictorum, Poetarumque commenta Victoriæ finxere penna- tam, quod hominum cum Fortuna euntium, non cursus est, sed vo- latus*. Sic Ausonius Ep. 1. eam alloquens ait

Tu quoque ab aërio præpes Victoria lapsu.

Ista hic exhibetur orbi insistentem cum alis expansis, sive ad de- signandam victoriam terrestrem diversam à navali rostro navis insistenti, ut in nummis Vespasiani, & Titi, sive quia hæc Dea per totum terrarum orbem dominatur. Palmam dextrâ gerit victoriæ symbolum, unde Palmaris Dea voca- tur ab Apulejo lib. 2. Metamorph. *Attollebant staturas Palmari Deæ*. Lævâ coronam tenet victoris præmium, quâ eundem coronatura est. Ovidius lib. 2. Trist. ad Cæsarem Augustum

Sic adfuerat tuis semper Victoria castris

Nunc quoque se præstet, notaque signa petat.

Ausoniusque ducem solitis circumvolet alis;

Ponat & in nitida laurea fersa coma.

In Senatu asservabatur imago Victoriæ alatæ, de qua Ælius Lampridius in vita Alexandri Severi. *Pater eâ nocte in som- niis vidit alis se Romanæ Victoriæ, quæ in Senatu, ad cælum vehi.*

Di-

Dicta est autem Victoria, teste Isidoro lib. 18. Orig. cap. 2. *Quod vi, idest, virtute adipiscitur, hoc est enim jus gentium vim vi expellere.* Tres fratres illi assignantur, Zelus, Potentia, & Vis, sine quibus Principes nec Victoriam obtinere, nec Imperium adipisci queunt. Prudentius Poëta Christianus Victorix numen irridet his versibus.

*Vincendi quæris dominam? sua dextera cuique est,
Et Deus omnipotens: non pexo crine Virago,
Nec nudo suspensa pede, sirophioque revincta,
Nec tumidas fluitante sinu vestita papillas.*

T A B U L A XXXVII.

PUlcherrimum istud signum æreum extans in Museo nostro Herculem refert divinitatis coronam capite gestantem, dextrâ clavam, lævâ poma aurea, pelle leoninâ sinistro brachio impositâ. Hercules vitam Cynicam duxit opes amore virtutis despiciens, quapropter nudus repræsentatur. Illius ærumnas, vide apud Boëtium de Cons. Philosoph. Apollodorum lib. 2. de Deorum imag. Ovidium lib. 9. Metam. & Aufonium Edyll. 19. Harum secunda pelle Leonis in Nemea sylva occisi designatur, de qua hæc scribit Albricus. *Secunda victoria Herculis notabilis fuit, quia ipse pugnasse cum Leone, ipsumque clavâ mactasse, & interemptio pellem abstulisse dicitur; quo deinde spolio incessit semper indutus, signum victoriæ perceptæ.* In quo etiam ostentatur animi fortitudo, contra quam nulla vis corporea prævalet, quæ semper spoliū Leonis, idest, vim virtutis defert. Narrat Diodorus lib. 1. Histor. clavam, & Leonis exuvias Herculi antiquo idè attributas fuisse, quia nondum inventis illo tempore armis homines secum bellantes lignis repellebant, pellibusque belluarum pro tegumentis utebantur. Firmitatem, & vires indicari ex quercu docet Pierius Valerianus Hyerogl. lib. 54. nodosamque fingi clavam propter difficultates, quæ virtutem indagantibus sese contrâ magno errorum agmine contracto frequenter objiciunt. Poma aurea Hesperidum in hortis Atlantis Mauritanix Regis ab Hercule sublata Dracone custode interempto, canit Ovidius lib. 4. Metam.

Tem-

Sectio II. Deorum Simulacra, &c. 81

*Tempus, Aila, veniet, tua quo spoliabitur auro
Arbor: & hunc prædæ titulum Jove natus habebit.*

Id metuens, solidis pomaria claufer at Atlas

Mœnibus, & vasto dederat servanda Draconi.

Per Draconem extinctum significatur impositus concupiscentiæ modus: per tria mala in manu Herculis intelliguntur tres illius virtutes insigniores, una excandescentiæ moderatio, altera avaritiæ temperamentum, tertia generosus voluptatum contemptus. Auctor est idem Valerianus loco citato referens, si quando Bos huic Deo immolandus aufugisset, malum eidem ramis quatuor compositis quadrupedis illius instar sacrificari, quod aliqui à Boëoris, alii ab Atheniensibus factum volunt. Hercules ob fortitudinem inter Deos relatus perhibetur, cujus consecratio per coronam divinitatis, & immortalitatis symbolum designatur. Illum autem eundem cum Sole declarat Macrobius lib. 1. Saturn. cap. 20. unde duodecim illius ærumnæ ad totidem Zodiaci signa videntur referendæ. Lindii cum convitiis, & maledictis cum colebant; si quis enim inter solemnes ritus, sacrasque cæremonias bonum verbum imprudenter protulisset, sacra pro violatis habebantur. Mulieribus prohibitum erat hujus Dei sacris immisceri, eisque per Herculem jurare nefarium, & illicitum fuisse, scribit Varro, cui tamen opinioni refragatur Plautus in Trucul. act. 2. sc. 1. Aſtaphium sic loquentem introducens.

Ha, ha, ha! Herclè quievi, quia introivi odium.

TABULA XXXVIII.

Sequitur aliud Herculis simulacrum pariter asservatum in Museo nostro, caput habentis vitium frondibus, & uvis coronatum, alterâ manu scyphum gestantis, alterâ clavam, pelle leoninâ sinistro brachio impositâ. *Scyphus Herculis poculum est*, inquit Macrobius lib. 5. Saturn. cap. 21. *ita ut Liberi patris cantharus, Herculem verò fectores veteres non sine causa cum poculo fecerunt, & nonnumquam quassabundum, & ebrium, non solum quòd is heros bibax fuisse perhibetur, sed etiam quòd antiqua historia est Herculem poculo tamquam navigio ventis immensa*

maria transisse. De illius ebrietate consulendus est Athenæus, qui de ea multis in locis agit, refertque Herculem ex magno voluminum numero elegisse illum, cui titulus erat, OBSONIORUM APPARATUS.

TABULA XXXIX.

Hercules elegantissimus iterum & tertio exhibetur. Hercules quidem præter coronam oleaginam, aut populeam, aut quernam, gestare, etiam Diadema in Anaglyphis, & veterum gemmis consuevit; sic fortasse explicandas censuerunt, vel fortissimi herois victorias, vel Divinitatem; ad cuius imitationem alii, præcipue apud Græcos, & Reges, & Heroes, & Athletæ diademate coronabantur. Qui eximiam hujus sigilli, oculis, & diademate ex argento conspicui pulchritudinem inspexere, eam satis pro dignitate celebrare non valuerunt.

TABULA XL.

CAnopus apud Ægyptios Genius humidi elementi habebatur, Deorumque potentissimus, quod ignem Chaldaeorum Deum aquâ Niloticâ in circumdato vase contentâ extinxisset. Jucundum hoc miraculum refertur à Ruffino lib. 2. Histor. Eccles. cap. 26. *Ferunt (inquit) aliquando Chaldaeos ignem Deum suum circumferentes cum omnium provinciarum Diis habuisse conflictum, quo scilicet, si vicisset, hic Deus ab omnibus esse crederetur. Reliquarum provinciarum Dei æris, aut auri, argentique, aut ligni, vel lapidis, vel ex quacumque materia constabant, quæ per ignem procul dubio corrumperetur; ex quo fiebat, ut omnis locis omnibus obtineret. Hæc cum audisset Canopi Sacerdos, callidum quiddam excogitavit. Hydriæ fieri solent in Ægypti partibus fœdiles undique crebris, & minutis admodum foraminibus patulæ, quibus turbida aqua desudans defecatur, ac purior redditur. Harum ille unam cerâ foraminibus obturatis, desuper etiam variis coloribus pictam, aquâ repletam statuit in Deum; & excisum veteris simulacri, quod Menelai gubernatoris ferebatur, caput desuper posuit diligenter aptavit. Adjunt post hæc Chaldaei, itur in conflictum:*

Seçtio II. Deorum Simulacra, &c. 83

circa hydriam ignis accenditur : cera , quâ foramina fuerant obturata , resolvitur : sudante hydriâ ignis extinguitur . Sacerdotis fraude Canopus Chaldeorum victor ostenditur : unde ipsum Canopi simulacrum pedibus perexiguus , attracto collo , & quasi sugillato , venire humido in modum hydriæ , cum dorso equaliter tereti formatur . Ex hac persuasione velut Deus victor omnium colebatur . Ille hic veluti hydriæ clausus humana , & juvenili facie insurgit , basique innititur : caput velatum est fasciis circa collum de more pendentibus , ac pectore medio , circaque humeros glans dependet , primi nutrimenti index . Tibullus lib. 2. el. 3. *Glans aluit veteres* . In prima hydriæ facie exhibentur duo Genii sedentium habitu baculi insignes , quorum unus canino vultu Anubin indicat , alter Felis specie Genium Lunarem . Canis etiam refertur ad Isidem , teste Plutarcho lib. de Is. & Osir. quæ ipsissima Luna est ; unde istis Geniis videtur indicari præsidium tutelare in humidum elementum , à quo tamquam rerum principio , quæcumque terra gignit , emanare juxta Thaletis sententiam existimabant Ægyptii . Sedent ambo ad denotandam stabilitatem , quam mundo elementari Lunares Genii conferunt ; mala etiam imminencia averruncare credebantur , quod per baculos malorum averfionis symbola designatur . Verum quia Lunares Genii humidæ naturæ præfides generationem perficere nequeunt , nisi adjuventur à cœlesti Osiri , idest , à calore Solis fœcundativo ; hinc Accipiter in summo positus est , quo picto Ægyptii Regem suum Osirim indicabant , ut docet Plutarchus loco citato .

Γεφφουσι ἐ ἱερακι τὸν θεὸν τῶτον πολλὰκις . ὁ τινα ἢ ὁ φεὺς ὑπερβάλλει , ἐ πλῆθος ἐξυτῆτι . Accipitre etiam picto Osirim sæpe proponunt : avis enim ea pollet acumine visus , & volatus celeritate . Scribit Porphyrius lib. 4. de Abstin. Accipitrem apud Ægyptios Solis imaginem esse totam substantiam habentem ex sanguine , & spiritu constantem . Audiamus etiam Horum Apollin. lib. 1. Hier. 6. de Accipitre sic loquentem . Θεὸν βυλόμενοι σημήναι , ἢ ὕψος ὧς . ἱερακα ζωγραφῶσι . θεὸν μὲν , διὰ τὸ πολὺγονον εἶναι τὸ ζῷον , ἐ πολυχροῖον ἵτι γεμῆν , ἐπὶ ἐ δοκᾷ ὁδολογὸν ἢ λὺς ὑπάρχειν παρὰ πάντα τὰ πνευστὰ πρὸς τὰς αὐτῶ ἀκτῖνας ἐξυποῦν , αὐ φ' ἢ καὶ οἱ ἱατρὲς πρὸς ἱασιν ἐφθαλμῶν τῇ ἱερακί βοτάνῃ χρῶνται . ὅθεν ἐ τὸν ἥλιον ὡς κύριον ὄντα ἐράσκειας , ἐξ' αὐτοῦ ἱερακόμορφον ζωγραφῶσιν . Τῶς δὲ , ἐπὶ πᾶ μὲν ἱερα ζωα

εἰς ὕψος πίτεται περιεγμένα, πλεονέως φέρεται, ἀδυνατῶσα κατ' ὠθὴν χα-
 ρεῖν, μόνος δὲ ἰστέλῃ εἰς ὕψος κατ' ὠθὴν πίτεται. *Deum quum volunt si-
 gnificare, aut sublimitatem, &c. Accipitrem pingunt. Deum qui-
 dem, tum quod fecundum sit, ac diuturna vitæ hoc animal, tum
 etiam quod Solis præter cæteras volucres simulacrum esse videatur,
 utpote peculiari quâdam, atque occultâ naturæ vi, defixis in ejus ra-
 dios oculis intuens. Atque hinc est, quod Medici ad sananda oculo-
 rum vitia, hieraceo herbâ utuntur. Inde etiam fit, ut Solem inter-
 dum tamquam visus tutorem, & dominum Accipitris formâ pin-
 gant. Sublimitatem verò, quia quum cætera quidem animantia,
 quoties in sublime tolli volunt, obliquè ferantur, nec rectâ sursum
 evehi possint, solus Accipiter rectâ in altum volat. Narrat Ælia-
 nus lib. 12. de Animal. cap. 4. solos Accipitres de avibus in-
 tentis oculis adversus Solis radios intueri, ac supino inter-
 dum volatu ferri, rerum inspectorem omnium liberè, intre-
 pidèque aspectantes. Per calathum accipitrino capiti im-
 positum numinis Solaris omnia in altum trahentis potestatem
 designari, testatur Macrobius lib. 1. Saturn. cap. 20. Cujus
 vertex insignitus calatho, & altitudinem syderis monstrat, & poten-
 tiam capacitatis ostendit: quia in eum omnia terrena redeunt, dum
 immisso calore rapiuntur. Harpocrates, qui idem est & Horus,
 sive, ut loquitur Plutarchus in Opusculo de Is. & Osir. Ἡράκλῆς
 οὐρανὸς ἐκ τῆς φούρας τῆς περιεχομένης ὡς ἐκ κελύφης ἀέρος. *Tempestas, ac tem-
 peries aeris ambientis omnia servans, atque alens, digitum ori
 admovendo silentium suadere videtur, ut monstret sapien-
 tiæ, & arcanorum majestatem profanis minimè divulgan-
 dam esse, sacraque mysteria solo silentio veneranda; quæ
 omnia Porphyrius apud Eusebium lib. 4. Præp. Ev. cap. 8.
 expressè discipulo suo præcipit his verbis. Σὺ δ' ὅσας τι, & ταῦτα
 ποιεῖς μὴ δημοσιεύῃς, μὴδ' ἄλλῃ ἐκ τῶν βιβλίων εἰρήνην αὐτῷ, διδῆς ἕνεκα ἢ κέρους,
 ἢ τινὸς ἄλλης οὐκ ἀπαγγέλλῃς κολακείας Tu vero, inquit, cave,
 si quicquam aliud ne res istas palàm extuleris, & gloriæ, lucrivæ cu-
 piditate, vel cujuscumque minus religiose assentationis studio ante
 profanorum hominum oculos projeceris (Et mox) Ταῦτά μοι,
 ὡς ἀγγέλλῃς ταῖς ἀγγέλλοις, κρύπτειν. οὐδὲ γὰρ οἱ θεοὶ φανερώς περὶ αὐτῶν
 ἐθέλωσι, ἀλλὰ δι' αἰνυμάτων. Hæc tu, inquit, vide sis ut arcanis
 ipsis arcana magis, & occulta habeas, propterea quod nihil de se Dii
 planum, atque perspicuum, sed obscura omnia suis oraculis effati
 sunt.**

Sectio II. Deorum Simulacra, &c. 85

sunt. Sic Basilides discipulis suis quinquennii silentium Pythagoræorum more præcipiebat, timens ne illius sacrorum impuritas evulgaretur, hoc dans eis præceptum. *Date operam, ut omnia cognoscatis, nemo verò vos cognoscat.* Ex Iræneo lib. 1. advers. hæres. cap. 23. Epiphanio hæres. 24. & Theodoro lib. 1. hæret. fabul. cap. 4. Eadem refert de hæreticis D. Augustinus lib. de hæres. cap. 70. *Docebant (inquit) discipulos suos, ut juramento interrogati, & requisiti, nihil umquam revelarent de illorum doctrina, & ad illius doctrinæ occultationem dicebant licitum esse perjurium; quapropter hanc semper in ore versabant sententiam,*

Jura, perjura, secretum prodere noli.

Hoc etiam videtur innuere Apulejus lib. 11. Metamorph. de cæremoniæ arcanis, Deorumque mysteriis loquendo. Verba ejus hæc sunt. *Tunc semotis procul profanis omnibus, linteo rudique me coniectum amicimine, arreptâ manu Sacerdos deducit ad ipsius sacrarii penetralia. Quæras forsitan satis anxie, studiose Lector, quid deinde dictum, quid factum? Dicerem, si dicere liceret; cognosceres, si liceret audire: sed parem noxam contraherent aures, & linguæ illa temeraria curiositatis.* Flagellum, seu scuticam tenet Harpocrates tamquam malorum expulso. Globus Aspidibus circumdatus indicabat apud Ægyptios vim quamdam igneam universum penetrantem, & fecundantem, vitamque, & motum singulis mundi partibus impartientem, ut refert Abenephius apud Kircherium lib. 5. Obel. Pamph. fol. 420. *Per figuram Aspidis sphaeram circumdantem vitam, & motum, & fecunditatem mundi designabant.* Aspides globos habent capitibus impositos, quibus soliditatem, & virtutem corroborativam rebus conferendam innuebant; per alas verò Spiritum Dei mundum motu vivificantem, seu velocem Divini Spiritus in mundos sensibiles impulsam. Scribit eruditissimus Kircher. lib. cit. f. 399. & seqq. per globum, vel circulum, seu sphaeram, significari æternam illam, & immensam Dei essentiam, puram, & simplicem, nullisque terminis definitam, quam nunc Patrem, nunc Mentem primam, nunc Intellectum supremum appellat Mercurius Trismegistus, qui primus admirandum SS. Trinitatis mysterium asseruit in Pimandro. Per Serpentem secun-

cundam Divinitatis formam exprimi, notarique Dei fecunditatem. Per alas autem tertiam indicari, quam Platonici & Spiritum universi, & animam mundi appellant. Scarabæus in infima hydryæ parte positus est: ille mundum significabat apud Ægyptios, ut & multa alia, quæ recenset Horus lib. 1. Hierogl. 10. *Μοτογενὲς δὲ δυνάουτες, ἢ γένεσιν, ἢ πατέρα, ἢ κόσμον, ἢ ἀνδρα, καὶ θάρον ζευγαφῶσι.* Unigenam autem significantes, aut ortum, aut patrem, aut mundum, aut virum, Scarabæum pingunt. Ipsum etiam animatam Solis effigiem repræsentare, testatur Eusebius. Plinius quoque lib. 30. cap. 11. de eodem insecto sic ait. *Ægypti magna pars Scarabæos inter numina colit, curiosâ Apionis interpretatione, quâ colligat Solis operum similitudinem huic animali esse, ad excusandos gentis suæ ritus.* Propriè tamen mundum, ad cuius figuram ejus procreatio, & fœtus accedit, teste Horo loco citato, hic videtur designare, benignos Osiridis & Isis, idest, Solis & Lunæ influxus ad rerum omnium procreationem necessarios in se recipientem, quibus fecunditate, & ubertate repletur.

TABULA XLI.

IN secunda facie exhibetur Isis, quam Apulejus lib. 11. Metam. vocat Matrem syderum, Parentem temporum; Orbisque totius Dominam: sindone tecta est, florem sacrum gerens in capite; globumque Aspidibus circumdatum solitum ejus capitis ornamentum, vel modium abundantiae, & fecunditatis symbolum, sive calathum frugum maturitatis indicem, ut docet Porphyrius apud Eusebium lib. 3. Præp. Ev. cap. 3. *Ὁδὲ καλὰ βοῶς, ὃν ἐπὶ τοῖς μεταώρεσι φέρει, τῆς τῶν καρπῶν κατεργασίας, οἷς ἀνατίθει κατὰ τὴν τῷ φωτὶ παρὰ ἑξῆς.* Calathus autem is, quem ipsa gestat, ubi altiozem in locum subvecta jam est, frugum maturitatem, quam iis circa luminis incrementum alendis efficit, repræsentat. Situlam tenet ad denotandam humidam vim Lunæ; etenim hæc Dea Lunaris vis credita est, quæ semina fovet humore, donec Sol eadem sublevat ad generationem: eaque de causâ in ejus sacris amphoram aquæ inter mysteria efferri moris fuisse narrat Plutarchus lib. de Is. & Os. quod Lucianus in Dea Syria hisce
ver-

Sectio II. Deorum Simulacra, &c. 87

verbis confirmat. Αὐγὴν ἑκάστος ὕδατι σσεαίμενον φέρεισι. κηρὸς δὲ πᾶς σσεοῖμαι). *Vas unusquisque aqua repletum portat, idque cerâ obfignatur.* Situla refertur etiam ad mysticas Ægyptiorum cærimonias, denotabatque apud eos inundationem Nili, omniumque lacunarum fluentiam ex humida Lunæ vi proveniente. Isis omnium vita, si fides Jamblico sect. 6. de Myster. cap. 7. tamdiu perfectâ, & permanens futura, quamdiu illius essentia nudis verbis minimè propalabitur; natura enim gaudet abscondi, & ob id veteres Philosophi silentium discipulis suis expressè præcipiebant, ut jam diximus. Verba Jamblichi sunt. Διὰ τὸτο γὰρ μέν ἐν τῷ παλαιῷ παντὶς μόρια, διότι ἢ ἀγαθοποιὸς τῷ Ὀσφιδος δυνάμει ἀγνῇ, ἢ ἀχρηστῷ μίγῃ, ἢ ἐ συμμίσγεται πρὸς τὴν ἰαντίαν πλημμέλειαν ἐταραχῇ. μέν δὲ ἐν τῷ ὅλῳ ζαὶ καθαροῦ ἐ ἀξιοφροῦ. ἐπὶ δὲ τῷ ἀποκρυφα ζωνόνα τῶν λόγων χεῖλη τῷ Ἰσίδος ἢ κρητὶς ἐς τὸ φαινόμενον ἐ ὁρώμενον σώμα. ἀκίνητα δὲ διατελεῖ πάντα ἐ ἀεὶ μὴ διότι οὐδὲ ποτε ἴσεται ὁ τῷ ἡλίῳ δρόμος. τίληα δὲ καὶ ὁλόκληρα διαμυρῇ πάντα, ἐπὶ δὲ τῷ ἐν Ἀβύδῳ ἀποκρύφῃ οὐδὲ ποτε ἀποκαλύψει). οἷς οὖν ἔχῃ τὴν ζατηρίαν τὰ ὅλα, λέγου δὲ ἐν τῷ τὰ ἀπόκρυφα μεμεμνημένα ἀὰ διατηρεῖται, καὶ ἐν τῷ τὴν ἀφαιρετοὺ τῶν θεῶν ἔσταν, μηδὲ ποτε τῷ ἐπαντίας καταλαμβάνῃ μοίρας. Hanc etiam ob causam mundi partes in ordine permanent, quod benefica Osiridis potestas sincera permanet, & incorrupta, neque contrario tumultu, & errore permiscetur. Permanet insuper omnium vita pura, & semper incorrupta, quatenus vivificæ, formosæque rationes, quæ in Iside reconditæ sunt, non descendunt in hoc nostris sensibus familiare corpus. Porro permanent omnia immobilia, & perpetuæ generationis successione æterna, quatenus numquam impeditur Solis cursus: deinde perfectâ, & integra permanent omnia, quamdiu quæ in Abydo recondita sunt, numquam aperiantur. In quibus igitur salus universi consistit: consistit autem in eo, ut quæ arcana sunt, semper maneant abscondita, & secretissima Deorum essentia numquam contrariam subeat sortem. Hinc fundone tecta est, floremque forsan perficium gerit in capite silentii, & veritatis symbolum.

TABULA XLII.

IN tertia parte Cercopithecus, seu Cynocephalus est species quædam Simiarum caudatarum: hoc animal magnam cum Luna sympathiam habere dignoscitur, si quidem
câ

eâ deficiente fertur tristari, exoriente verò lætari; unde Luna crescenti tamquam diademate coronatum hic, ut in tabula Bembina, exhibetur. Cynocephalum Lunæ sacrum dicit Jamblichus sect. 5. de Myster. cap. 8. Οἱοι κυνός, κυνοκέφαλος, μυγαλῆς, καινῆς ὕσας πρὸς σελήνην. Sic Canem, & Cynocephalum, & Mustellam Lunæ communes faciunt. Hujus animalis cum Luna sympathiam exactissimè refert Horus lib. 1. Hierogl. 14. his verbis. Σελήνην ὅ γραφοῦντες, Ὡς. κυνοκέφαλον ζωγραφῶσι. Σελήνην μὲν, ἐπεὶ τὸ ζῶον τῆτο συμπάθειάν τινα πρὸς τὴν τῆ θεῶ συνῶδον ὁμότησται. ὅταν γὰρ ὦν πρὸ μέσης τῆς ὥρας ἡ σελήνη συνοδῶσα ἡλίου ἀφώτιστος γένηται, τότε ὁ μὲν αἶσθη κυνοκέφαλος ὡς βλέπει, ὡδὲ ἐρίει· ἀρχεται δὲ εἰς τὴν γῆν γενναίως, καθάπερ περὶ τὴν τῆς σελήνης ἀρπαγὴν. ἡ δὲ θύλα μετὰ τῷ μὴ ὄραν, ἐ ταυτὰ τῷ ἀγγεῖν πάλιν, ἵτις ἐ ἐκ τῆς ἰδίας φύσεως αἰματωσίαι. διὸ ἐ μέχρι τῆ νῦν ἐκ τοῖς ἱεροῖς φέρονται κυνοκέφαλοι, ὅπως ἐξ αὐτῶν γινώσκεται τὸ ἡλίον ἐ σελήνης μέσης τῆς συνῶδ. Lunam demonstrantes, Ὡς. Cynocephalum pingunt. Lunam quidem, propterea quòd animal hoc consensum quemdam cum Dei congressu, ex quo & affici soleat, habet. Ubi enim aliquanto tempore Luna cum Sole congregiens, expers luminis, opacæque permanet; tum mas quidem Cynocephalus nec quoquam intuetur, nec vescitur: sed dimisso in terram vultu indignabundus, velut Lunæ raptum deplorans, mæret. Fœmina vero, præterquam quòd nusquam oculos contorquet, eadem cum masculo patitur, & insuper è genitali vase sanguinem emittit. Idèoque ad hæc usque tempora in sacris Templis Cynocephali nutriuntur, ut ex ipsis conjunctionis Solis, & Lunæ tempus cognosci possit. Duo Cynocephali, ut in hac hydria, sedentes Lunæ accessum, & recessum à tropico ad tropicum, duoque anni æquinoctia indicant, teste eodem Horo lib. 1. Hierogl. 16. Ισημερίας δὲ δύο πάλιν σηματούοντες, κυνοκέφαλον καθήμενον ζωγραφῶσι ζῶον ἐν ταῖς δυοῖ ἰσημερίαις τῷ ὅνι αὐτῷ, διαδοχικῶς τῆς ἡμέρας καθ' ἑκάστην ὥραν ὄρει. τὸ δὲ αὐτὸ καὶ ταῖς δυοῖ νυκτὶ ποιῶν, Ὡς. ἐν ταῖς ἰσημερίαις μόνος τῶν ἄλλων ζῶων διαδοχικῶς τῆς ἡμέρας κρατεῖ καθ' ἑκάστην ὥραν. Rursum æquinoctia significantes, idem animal Cynocephalum sedentem pingunt. Duobus enim anni æquinoctiis duodecies in die per singulas nimirum horas urinam reddit, idemque & noctu facit. (Et deinde) Solus ex omnibus animantibus æquinoctio duodecies in die per singulas horas adlaurat. In hac Hydria Cynocephali vestimento quodam reticulato induti sunt ad denotandam rerum omnium con-

Sectio II. Deorum Simulacra, &c. 89

nexionem, sine qua mundus perfectus esse nequit. De hac necessaria connexionem loquitur Trismegistus in Asclepio. *Fatum* (inquit) ὁ *Asclepi*, sive εἰμαρμένη, ea est necessitas omnium, quæ geruntur, semper catenatis nexibus juncta. Et mox. Hæc itaque εἰμαρμένη, sive fatum rerum omnium parit principia, altera verò cogit ad effectum, quæ ex illis primordiis dependent. Has ordo sequitur, idest, contextus, & distinctio temporis rerum perficiendarum. In omnibus his *Mundus* iste est perfectus, omnia itaque individuo connexa sunt glutino. Apulejus lib. 11. *Metam.* Simiam introducit in pompam *Isidis*, *Cynocephali* autem, sive *Cercoptheci* sunt in numero *Simiarum*, sed efferatioris naturæ perhibentur. *Crocodilus* malignam, & perniciosam *Typhonis* naturam denotat: *Typhon* nil aliud est, quam vis adufliva rerum omnium procreationi contraria, quam *Isis*, idest, *Luna* humidis suis influxibus corrigit; ideòque *Crocodilo* *Cynocephalus* infidet, hoc est, *Genius Lunaris* vi suâ superdominativâ perniciosam *Typhoniam* vim sibi subditam tenet, & destruit. Audiamus *Plutarchum*, qui de maligna *Typhonis* natura ab *Iside* superata hæc scribit lib. de *Is.* & *Os.* Τῆς δὲ *Isίδος* πάλιν ἀνταλαμβάνουσας τὸν *Οσίριν*, καὶ ἀνταναστήσας τὸν *Οεγν* ἀναδυμιάσας ἐὼς ἡμέρας, ἐπέσεισαν αὐτὸν ὄμβροι, ἐκέρχθη μὲν, ὥς ἀνθρώπου δὲ ὁ τυφών. ὃ δὲ ἴσασιν ἡ κυρία τῆς γῆς θεὸς ἀπαρθεῖναι πατρὶ πασι τοῖς ἀντικείμενῃ τῇ ὑχρότητι φύσιν, ἀλλ' ἐχάλασεν ἐκείνη, βυλομένη ὕδατι τῇ κερσίῃ. ὃ δὲ ἦν κόσμον ἦν τέλειον, ἐκλείποντος ἐ ἀφισπέντος τῷ πυρὸς. *Rursum* ubi *Osirim* *Isis* recepit, & *Horum* educat exhalationibus, & nebulis, ac nubibus crescentem, & roboratum: superatus quidem, non tamen interfectus est *Typhon*; non enim passa est *Dea*, quæ terræ domina est, undiquaque aboleri naturam humori contrariam; sed dimittit eam, & laxat, cupiens temperiem relinqui, quia non poterat *Mundus* esse perfectus abolita ignea natura. *Typhon* aliquando significat excessivum humorem plantis, aliisque rebus nocivum; omne enim in natura defectivum indicat. De illo in *Crocodilum* mutato hæc narrat idem *Plutarchus* loco citato. Ἐν δὲ *Απόλλωνος* πόλει νεομισμίῃσι ἐπὶ κροκοδείλου φανῇ πλείους ἡμέρας. ἡμέρας δὲ μιᾷ θηρόσαντος ὅσοις ἂν δύναται, ἐ κλεινάντες ἀπαυκέρῃ τῷ ἱερῷ προσβάλλουσι, ἐ λείγουσιν ὡς ὁ τυφών τὸν *Οεγν* ἀπείρα κροκοδείλου θρόνου, τὰντα ἐ ζῶα ἐ φυτὰ ἐ παθὲ πα φαῦλα ἐ βλαβερά, *Τυφῶνος* ἔργα ἐ μέν ἐ κινήματα ποιούμενοι. In *Urbe Apollinis* statuitur est, ut

quisque omnino de Crocodilo edat : certâ autem die quadam venati , quouot possunt , Crocodilos , interficiunt , & ex aduerso Templi abijciunt , Typhonem dicentes in Crocodilum mutatum Horo se fugâ eripuisse : ita omnia animalia , stirpes , & euenta mala , atque damnoſa Typhonis opera , & effecta putant .

T A B U L A XLIII.

IN aduersa hydriæ parte exhibetur Genius Polymorphus utrâque manu gladium tenens , quem Valerianus lib. 42. Imperii symbolum esse docet : omnia enim ille in singulis Geniis operatur , excessusque defectuosos rerum procreationi contrarios ad mediocritatem reducit . Hunc Genium passim Ægyptii cum ipso supremo numine confundeant , unde ad eum respexisse videtur Jamblichus hæc scribens sect. 8. de Myster. cap. 3. Κατ' ἄλλαν δὲ πᾶν προσάγει θεὸν τὸν Ἡμέρην , τὸν ἐπὶ γέννησιν θεῶν ὑγνόμενον . ὃν φησιν ἰοῦν ὅτι αὐτὸν ἑαυτὸν ἰοῦντα , & πᾶς νοήσεως εἰς αὐτὸν ἐπιστρέφοιτα . τὰς δὲ τὸ ἴν' ἡμέρας , & ὃ φησι πρῶτον μάγισμα προσάγει • ὃν αἱ ἑκτὼν ἰσοιομάζουσι : ὃν ᾧ δὲ τὸ πρῶτον ἔστι νοῦν , & τὸ πρῶτον νοῦτον , ὃ δὲ ἐστὶ σὺν θεῷ ἡρακλῆϊ . Secundum verò alium ordinem Deum Emetb , tamquam ducem , Diis celestibus præponit . Ait hunc esse mentem seipsam intelligentem , & alias intelligence ad se convertentem . Ante hunc unum impartibile ponit , quod etiam primam effigiem appellat , & Eicton . In quo primum , quod intelligit , & intelligitur , reperitur , quodque solo silentio colitur . Tutulum , seu calathiformem tiaram capite sustinet Genii tutelarioris , & Principatus symbolum , cujus summitas pennis , & globo insignita est velocem divini spiritus in mundos sensibiles impulsus indicantibus . Vestitus est ille , quia divinarum idearum rationes occultæ sunt : stat indiscretis pedibus , quia , licet semper sit in motu , suâ tamen naturâ immobilis est ; unde scribit Heliodorus lib. 3. fol. 148. incesu maximum Deorum adventum notari ; non ex dimotione pedum , neque transpositione existentem , sed ex impetu aërio , & vi expedita findentium magis auras , quam transeuntium . Διὸ δὲ καὶ τὰ ἀγάλματα τῶν Θεῶν Ἀιγύπτῳ τὸ πάρος ζευγνύσας ἐώσπερ ὄντες ἰστῶσιν . Quamobrem (ait) statuas quoque Deorum Ægyptii ponunt conjungentes illis pedes , & quasi unientes . Iidem Ægyptii Mercurium pri-

Sectio II. Deorum Simulacra, &c. 91

primum illorum legislatorem sub Anubidis imagine divinis honoribus prosequuti sunt; & apud eos Anubis rerum inventionis præses habebatur, quia, teste Servio ad lib. 8. *Æneid.* nihil Cane sagacius. Colebatur etiam ut nuncius inter superiores, & inferos, si credendum est Apulejo lib. ult. *Metam.* *Hic horrendus ille superum commeator, & inferum, nunc atrâ, nunc aureâ facie sublimis attollens Canis cervices arduas Anubis.* Narrat Diodorus lib. 1. hunc Deum canina facie repræsentari apud Ægyptios indicantes Canem Osiridi, & Isidi corporis custodem fuisse; vel illum Isidi, quando Osirim investigabat, ducem, & socium inquisitionis se præbuisse cum ululatu; ideoque in hujus Dæ festis Canes pompam antecedere. Quidam illum sic pingi autumant, quod ipse Patrem Osirim in expeditione bellica secutus Canem pro insigni gestaverit: alii verò, quod Osiridis, & Isis Prætorianus fuerit miles. Significabatur per eum Genius Nili, five illius incrementum sub ortu Caniculæ, ex qua tanta fecunditas solebat Ægypto provenire: hinc duo Canes in imo hydriæ positi sunt incrementum Nili promoventes, duo hemisphæria, custodiamque accessus, & recessus Solis designantes, ut docet Clemens Alexandrinus lib. 5. *stromat.* his verbis. *Εἰς γούν οἱ μὲν κύνες, σύμβολα τῶν δυῶν ἡμισφαίριων, οἷον περιπολούντων ἔφυλασσόντων.* Atque duo quidem Canes sunt symbola duorum hemisphæriorum, ut quæ circumneant, & custodiant. Et paullo post. *Εἰσὶν δ' οἱ τῷ μὲν τροπικῷ πρὸς τῶν κυνῶν μηνύοντες βούλοντες, οἱ δὲ διαφυλάσσοντες ἔφυλασσοντες τὴν ἐπὶ νότον ἔσχατον πᾶσιν τῷ ἡλίῳ.* Sunt autem qui volunt quidem tropicos significari à Canibus, qui custodiunt, & instar janitorum observant accessum Solis ad Austrum, & Septentrionem. Sacrum quoque Scribam, & Vatem, seu Prophetam Cane indicari testatur Horus lib. 1. *Hierogl.* 37. *Ἱερογρεμματῖα 3 πάλιν, ἢ προφῆται βεβημένοι γραφῆν, κύνας ζυγραφεῖσιν.* Canis Isidi sacer erat, five ob rationes hic allatas, five quia, ut refert Plutarchus de Is. & Osir. stella Caniculæ, quæ propriè Isis censetur, dicta est Kyson, five Canis. Anubis habebatur etiam Genius tutelaræ averruncus, eaque de causâ scuticas virtutis averruncativæ symbola manibus tenet, quibus Typhonia vis maligna arceri, abundantia verò rerum omnium conservari credebatur. Ob superstitiosum illum animalium cultum ve-

hementer invehitur in Ægyptios Sedulius Poëta Christianus lib. 1. Car. his versibus.

*Quia furor est? quæ tanta animos dementia ludis?
Ut Volucrem, turpemque Bovem, tortumque Draconem,
Semihominemque Canem supplex homo pronus adoret.*

Quam insanam venerationem irridet, iisdemque exprobat Juvenalis Sat. 15.

Oppida tota Canem venerantur, nemo Dianam.

Etenim in Urbe Cynopoli à Canibus sic dicta Canes pro Diis habebantur, ut exponit Strabo lib. 7. Εξῆς δ' ἔστιν ὁ Κυνοπολίτης τομὸς. καὶ Κυῶν πόλις, ἐν ᾗ ὁ Ἀνουβίς τιμᾶται, ὃ τοῖς κυσὶ τιμὴ καὶ οἰκίος πέτακταις ἱερῆ. Sequitur Cynopolitana Præfectura, & Canum Urbs, in qua Anubis colitur, & honor, & sacer quidam cibus Canibus est constitutus. Cane mortuo non solum supercilia eradebant Ægyptii, ut fieri solitum erat in Felc; sed etiam totum corpus, quod maximi luctus erat indicium: si fides Herodoto in Euterpe, & Lactantio lib. 3. de fal. sap. cap. 20. Nunc ad brevem Idealis hujus lectionis contextum deveniamus. Rerum omnium Opifex Deus, idest, juxta Hermetem, Mens prima, sive Intellectus supremus, Mens secunda, sive Mentis primæ fœcunditas, Spiritusque universi, quibus ille nominibus admirandum Sanctiss. Tryadis mysterium primus adumbravit, per globum Aspidibus circumdatum, & alas designatur. Ille hic Deus est prima causarum causa, mediantibus tamen aliis causis agens, quales sunt Sol, & Luna ambo virtute ab illo triuno, & æterno participatâ ad rerum procreationem simul concurrentes. Etenim Lunares Genii sub Anubidis, & Felis imaginibus expressi humidæ naturæ præfides, licet Mundo elementari stabilitatem conferant, Typhoniamque vim malignam, hoc est, omne excessivum baculis coërceant, generationem tamen perficere nequeunt absque numinis Solaris omnia in altum trahentis calore fœcundativo, qui per accipitrem tutelarem, & in summo positum indicatur. Et quia rerum procreatio consistit in perfecta calidi, & humidi mediocritate, adest Harpocrates, qui idem est & Horus, sive temperies aëris ambientis omnia servans, atque alens: silentium digito præcipit, quia suprema mysteria incomprehensibilia sunt, soloque silen-

Sectio II. Deorum Simulacra, &c. 93

lento veneranda : scuticâ verò nocivam adverforum Geniorum , immodici nempe frigoris , æstusque intemperati vim propulsât . In imo stat Mundus Scarabæo designatus benignos Solis , & Lunæ influxus in se recipiens , ex quibus fecunditas , & rerum humano generi necessariarum abundantia emanat , vitamque omnibus largitur . Lunaris vis per Isidem tutulatam manu situlam gerentem demonstrata semina fovet humore , frugum maturitatem promovet , humidifque suis influxibus vim adustivam generationi contrariam corrigit . Hinc est , quod Cynocephalus vestimento reticulato indutus universi perfectionem in connexionione rerum indicante Crocodilo insidet , hoc est , Lunaris Genius Typhoniam malignitatem conculcat . Genius Polyphormus , sive supremus calathiformi tiarâ Principatus Insigni decoratus gladios Imperii symbola manibus tenet . Ille defectuosos omnes excessus ad mediocritatem reducit : & quia , licet ipse semper sit in motu , quod per globum , & pennas ejus tiarâ impositas significatur , suâ tamen naturâ immobilis est , ideo stat indiscretis pedibus : quoniam verò divinarum idearum rationes occultæ sunt , vestitus repræsentatur . Adest Anubis vim Typhonis malignam , sive omne excessivum ubertati nocivum scuticis coercens , Nilique , cujus ipse Genius est , incrementum sub ortu Caniculæ Canibus expressæ promovens , ex quo rerum omnium Ægypto necessariarum , fecunditas , & abundantia provenit , proindeque humanæ felicitatis complementum .

TABULA XLIV.

EXhibetur in hac tabula Sacerdos Ægyptius nudus , defrassus , discalceatus , femoralibus virgatis ab umbelico ad genua solummodo coopertus , characterem Tauticum manu tenens . De antiquis Ægyptiorum Sacerdotibus , eorumque modo vivendi plura referunt Herodotus in Euterp. & Porphyrius lib. 4. de abst. sed mirabilem quorundam frugalitatem , ac penè incredibilem abstinenciam narrat Cælius Rhodiginus lib. 13. lect. antiq. cap. 25. *Ægyptiorum Sacerdotum mores præparci in victu , ac frugi prorsum bonæ , & continent-*

templationi dedita mens in stuporem usque à Chæremone stoico narrantur : eos enim scribit negotiis omnibus , curisque rejectis semper in Templo fuisse , & rerum naturas , causasque , ac rationes siderum esse contemplatos ; mulieribus numquam se miscuisse : numquam cognatos , & propinquos , ne liberos quidem vidisse ex eo tempore , quo exisset divino cultui deservire : carnibus item , & vino semper abstinuisse , immò verò etiam pane rarò vesci solitos , ne onerarent stomachum ; quod si quando comederent , tonsum pariter hyssopum sumebant , ut escam graviolem illius calore decoquerent : oleum tantum in holeribus noverant . Quid loquar , inquit , de volatilibus , quum ovum quoque pro carnibus vitaverint , & lac ? quorum alterum carnes liquidas , alterum sanguinem esse dicebant , colore mutato . Cubile eisdem ex foliis palmarum , quas bajas vocant ; bidui , triduique in ediam sustinebant . Animalibus eos se abstinuisset docet Porphyrius loco citato , quòd multa ex illis velut divina venerarentur , crederentque omnis animalis animam esse rationalem , quando à corpore fuerit separata , præfagam futuri , nobis divinantem , omniumque effectricem : sed aliam hujus abstinentiæ causam nobis suggerit Clemens Alexandrinus lib.7. Stromat. fol.718. edit. Colon. dum scribit exhalationem , quæ ex carne , & vino ascendit , cum sit crassior , & turbidior , offundere animæ tenebras , quam opinionem confirmat etiam Androcydis sententia . Οἷος γάρ, φησιν Ἀνδροκύδης, ἔσπεκων ἐμφορήσεις, σῶμα μὲν ῥα μαλὲν ἀπεργάζονται, ψυχὴν δὲ νοχάλες ἔσαν. ἀλλ' οὐδ' ἡ τοιαύτη ἔσπεκ' πρὸς σύνεσιν ἀκρίβη. διὸ ἔτι Ἀργυπίλοι οὐ ταῖς καὶ αὐτοῦς ἀγνῆταις ἐπαγγέλλονται τοῖς ἱερῶσι σιτῶσιν σάρκας, ἐρηθίσαι τε ὡς κουφοτάτοις χρωταῖ· καὶ ἰχθύων οὐχ ἀπλοταί, ἔτι δ' ἄλλους μὲν τινὰς μύθους, μέλεις δὲ ὡς παλαδάρων τὴν σάρκα τῆς τοιαύτης δὲ κατασκευάζουσιν βρώσεως. Vinum, inquit , Androcydes , & carnis ingurgitationes corpus quidem robustum efficiunt , animam vero debiliorem : est ergò impium , & à religione alienum hoc nutrimentum ad perfectam intelligentiam : quocirca Ægyptii quoque in iis , quæ eorum ritu sunt , sanctificationibus non permittunt Sacerdotibus vesci carnibus , & aviculis utuntur quam levissimis , & pisces non tangunt , cum propter quasdam alias fabulas , tum maxime , quod ejusmodi cibus carnem reddat humidam . Homo ad Deum incorporeum , & intellectualem elevari cupiens , ait Porphyrius , non debet quærere nutrimentum carniū , quo saginatum corpus pinguescens menti im-

Sectio II. Deorum Simulacra, &c. 95

pedimento esse possit; nam sicut spiritu magnetis ferrum naturæ gravissimum leve evadit, sublevatumque lapidi accurrit, ita homo carniū exhalationibus minimè gravatus Deo naturalius conjungitur, & inhæret, quam ferrum magneti. Vini quoque usus illis interdictus erat, ut & plerisque aliarum religionum Sacerdotibus: sic legitur in pagina sacra, cap. 10. Levitic. quod Sacerdotes in Tabernaculum intraturi prohibebantur vinum, & siceram bibere, ne corda eorum gravarentur ebrietate. *Dixit quoque Dominus ad Aaron: Vinum, & omne, quod inebriare potest, non bibetis tu, & filii tui, quando intratis in Tabernaculum testimonii, ne moriamini: quia præceptum sempiternum est in generationes vestras. Et ut habeatis scientiam discernendi inter sanctum, & profanum; inter pollutum, & mundum; Doceatisque filios Israel omnia legitima mea, quæ locutus est Deus ad eos per manum Moysi.* Omnes autem cibi, & potus ingurgitationes Sacerdotibus prohibet D. Hieronymus. *Venter, ait, & genitalia sibi ipsi vicina sunt, ut ex vicinitate membrorum confæderatio intelligatur vitiorum: Sacerdoti itaque de altari vivere, non luxuriari permittitur.* Unde Apulejus sacris Ididis initiaturus dicit lib. 11. Metam. Sacerdotem sibi præcepisse, ut nullum animal ederet, & invinius esset. Fabis vesci eis illicitum erat, quod faba excitet flatus, qui provocat ad Venerem; unde illud Pythagoreum, *a fabis abstine te.* Porrum quoque, & cæpe illis vetita scribit Juvenalis Sat. 15.

Porrum, & cæpe nefas violare, & frangere morsu.

O sanctas genteis, quibus hæc nascuntur in hortis

Numina, lanatis animalibus abstinet. omnis.

Mensa, nefas illic sætum jugulare capelle.

Capite derafo incedebant, ut docet Herodotus in Euterp. ac tertio quoque die totum corpus solebant eradere, ne quis pediculus Deos colentibus, aut alia fordes crearetur: hinc Isiacorum calvities, de qua Polidorus Virgilius lib. 4. cap. 8. *Commune initiatis omnibus insigne est, vertex rasus, præcipuum sacri, profanisque capitis discrimen, quod admonet Sacerdotes, spiritis omnibus humanis voluptatibus, oportere cælestia tantum meditari.* Cui sententiæ assentitur Pierius lib. 32. inquiens. *Quod verò Sacerdotes Ægyptii quotidie rasiabant, neque ullum vestigium capil-*

pillorum toto capite cerni patiebantur, hieroglyphicè significare volebant superflua omnia submovenda: cujusmodi significatum habetur **xxi.** Deuteronomii: ubi si mulierem quis ex hostico viderit, approbaveritque, ita ut eam uxorem ducere concupiscat; jubetur inter alia caput ejus detondere, unguesque præcidere: hoc est, ut Cyrillus interpretatur, si quid in profanis disciplinis deprehenderimus, quod approbemus, idque in usum nostrum transferre cupiamus, dandam operam, ut ex his, quæ superflua fuerint, amputentur. Vestem tantum lineam gestabant huic similem, quæ in hac imagine repræsentatur, virgatam ex lini herbis contextam, quam Jo. Petrus Bellorius opinatur appellari limum, commodam ad usum aquæ, λίμν enim apud Græcos significat stagnum, λιμνώδης verò humidus, & herbosus. Communis illorum sententia fuit materiam humidam, sive aquam omnium rerum originem esse, teste Plutarcho in tractatu de Is. & Osir. quam Cælius Rhodiginus etiam exponit lib. 27. lect. antiq. cap. 5. Cum aquarum infinitæ propemodum utilitates sint, gratissimæque, qui sacerdotia gerunt moribus Ægyptiorum ostendunt res omnes è liquoris potestate consistere. Itaque cum hydria ad templum castâ religione deferretur, tunc in terram procumbentes manibus ad cælum sublati divinæ gratias agunt bonitati. Refert D. Ambrosius in Levit. Sacerdotes Ægyptios circumcisionis notam habuisse. Ægyptii, qui & geometriæ, & colligendis syderum cursibus operam impendunt suam, impium judicant Sacerdotem, qui nequaquam habeat circumcisionis insigne: nam neque magici carminis sapientiam, nec geometriam, nec asironomiam judicant vim suam obtinere, sine circumcisionis signaculo. Et ideo, ut impetrandi vim operationi adhibeant suæ, purgationem quamdam vatium suorum circumcisionis arcana celebrandam existimant. Sacerdos hic noster Crucem ansatam manu gerit, qui Character Tauticus fecundus, & salutaris habebatur apud Ægyptios, eratque præcipuum illorum amuletum. Per circulum intelligebant orbes coelestes, & maximè Solem stellarum, omnium Principem; per Crucis verò quatuor lineas, quatuor elementa, & sic hoc mysterioso Characterè denotabant virtutis Solaris diffusionem in Mundum elementarem, ex qua omnium rerum oritur generatio. Antiqui Sapientes Magi planetarum qualitates in diversis appropriatis Characteribus

Sectio II. Deorum Simulacra, &c. 97

ribus repræsentarunt, Veneremque uti generationis Deam hac Cruce anfatâ expresserunt; cujus virtute Genios coelestes allici, contrarios verò, & nocivos repelli credebant: unde non mirum est, si apparet illa in plurimis Ægyptiorum Idolis manibus eam gestantibus. Hic Character indicabat etiam apud illos vitam venturam, ut referunt Socrates lib. 5. Hist. Eccles. cap. 17. & Sozomenus lib. 7. cap. 15. narrantes in Templo Serapidis Alexandriæ destructo inventos esse Characteres Crucis figuras habentes lapidibus insculptos, quos interpretantes futuram vitam significare dicebant. Rufinus quoque de illis lib. 2. cap. 29. eadem scribit his verbis. *Signum hoc nostrum dominicæ Crucis inter illas, quas dicunt iscriptas, idest, sacerdotales litteras, habere Ægyptii dicuntur, velut unum ex cæteris litterarum, quæ apud illos sunt, elementis. Cuius litteræ, seu vocabuli hanc esse asserunt interpretationem: Vita ventura. Dicebant ergo hi, qui tunc admiratione rerum gestarum convertebantur ad fidem, ita sibi ab antiquis traditum; quòd hæc, quæ nunc coluntur, tamdiu starent, quamdiu viderent signum istud venisse, in quo esset vita.*

TABULA XLV.

I Bis est avis Ciconiæ non multum dissimilis, rostro maxima ex parte adunco, cruribus rigidis, soli Ægypto peculiaris, eidemque sacra, quòd Serpentibus alatis ex Arabia in Ægyptum ineunte vere volantibus ad ingressum planitie accurrat, eosque interimat, & devoret: ut referunt Herodotus in Euterpe, & Pomponius Mela lib. 3. unde illam vocat Juvenalis Sat. 15. *saturam Serpentibus*. De Ibide mentionem facit Cicero lib. 2. de nat. Deor. *Ipsi, qui irridentur, Ægyptii nullam belluam nisi ob aliquam utilitatem, quam ex ea caperent, consecraverunt, veluti Ibin. Ibes maximam vim Serpentum conficiunt, cum sint aves excelsæ, rigidis cruribus; corneo, proceroque rostro: avertunt pestem ab Ægypto, cum volucres Angues ex vastitate Libyæ vento Africano invehas interficiunt, atque consumunt: ex quo fit, ut illæ nec morsu vivæ noceant, nec odore mortuæ.* Scribit Ælianus Ibin numquam extra Ægyptum progredi; si quis verò eam ex Ægypto exportet, mortem fame sibi con-

seiscere : eandem etiam Lunæ sacram esse tradit, ovaque ad ejus rationem fingere totidem videlicet diebus, quot illa crescit, & decrescit. Perhibetur hæc avis usum clysteris monstrasse, teste Plinio lib. 8. cap. 27. *rostri aduncitate per eam partem se perluens, quâ reddi ciborum onera maximè salubre est.* Duas ejus species referunt Aristoteles lib. 9. Hist. anim. cap. 27. Strabo lib. 17. & Plin. lib. 10. cap. 30. albam, & nigram; sola nigra, si fides Herodoto in Euterp. cum Serpentibus pugnat. Illius interfectores apud Ægyptios morte afficiebantur, ut narrat Tertullianus in Apolog.

TABULA XLVI.

Festus ait Camillum vocari nunc sacrorum ministrum, nunc puerum ingenuum, nunc vas nuptiale. Flaminius Camillus propriè dicebatur puer ingenuus patrimus, & matrimus, qui Flamini Diali ad sacrificia ministrabat; antiquitus enim sacrorum ministri Camilli vocabantur; sic Virgilius ait Metabum filiam nominasse Camillam, Dianæ scilicet præministram. Pueri quoque, puellæve nobiles apud Romanos Camilli, & Camillæ dicebantur, si fides Macrobio lib. 3. Saturn. cap. 8. Significabat etiam Camillus Deorum præministrum, ut refert Plutarchus in Numa, unde Mercurius ab Etruscis hoc nomine ut animadvertit Cl. Gorius appellabatur. Variæ Camillorum imagines in antiquis marmoribus reperiuntur: unam hic exhibemus æream dextrâ pateram tinentem, lævâ cornucopiæ frugibus, & fructibus refertum. Prisci Romani solebant Diis primitias offerre, teste Plinio lib. 18. cap. 20. cujus moris inventor Bacchus perhibetur, qui Jovi, & Junoni mustum libavit. Hunc ritum expressè præcipit agricolis Virgilius lib. 1. Georg.

*In primis venerare Deos, atque annua magna
Sacra refer Cereri, lætis operatus in herbis.*

Sic Tibullus lib. 1. el. 1.

*Et quodcumque mihi pomum novus educat annus,
Libatum agricolæ ponitur ante Deos.
Flava Ceres, tibi sit de nostro rure corona
Spicea, quæ templi pendeat ante fores,*

Idem

Sectio II. Deorum Simulacra, &c. 99

Idem el. 5.

Illa Deo sciet agricolæ pro vitibus uvam

Pro segete spicas, pro grege ferre dapem.

Fruges autem, vel fructus aliunde raptos Diis offerre nefas erat, sed primitiæ debebant esse de proprio rure. Coronas in sacris adhibitas fuisse, docet Plinius.

TABULA XLVII.

L Aurentius Pignorius in libro, quem de servis edidit, multa diffusè, & eruditè de Ministris tricliniorum, & de Pocillatoribus scripsit. Erant illi juvenes loti, calamistrati, candidis præcincti tunicis, convivis pocula ministrantes, lancesque mensis apponentes, de quibus Horatius Sat. 8. lib. 2.

Ut omnes

Præcincti rectè pueri, compsique ministrent.

Apulejus lib. 2. Metam. coenam à Fotide sua dilecta sibi paratam describens pueros calamistratos, puellasque scitulas ministrantes recenset. *Sic paratus*, inquit, *cœnæ me committo*; frequens ibi numerus epulorum, & utpote apud primatē feminam flos civitatis. Et opipari cibi, & ebore nitentes lecti, aureis vestibus intexti, ampli calices variæ quidem gratiæ, sed pretiositatis unitus. Hinc vitrum fabre sigillatum, ibi crystallum impunctum; argentum alibi clarum, & aurum fulgurans, & suceinum mirè cavatum in lapides, ut bibas, & quidquid fieri non potest, ibi est. Diribitores plusculi, splendide amicti: fercula copiosa: puellæ scitula ministrantes; pueri calamistrati, pulchrè induscati, gemmas formatas in pocula vini vetusti frequenter offerentes. De variis hujusmodi servorum officiis audiendus est Philo acuratè illa describens in tractatu de Vita contempl. *Triclinia lectos habent eburneos, aut testudineos, aut pretiosioris materiæ, gemmatis plerisque, stratos auro, intertextâ purpurâ, vel aliis floridis coloribus variis oculos allicientibus*; poculorum etiam vim magnam digestorum per suas species: præstō sunt enim scyphi, calices, phialæ, ibericlea, toreumataque clarorum artificum, ministrantibus formosis mancipiis, non tam ad præsens ministerium quæsitis, quàm ad exhilarandos aspectu convivis oculos. Ex his minores pueri Pincernas agunt, grandiores aquam afferunt, loti, & nitidi, fucatiq̃ue, ac cincinnatuli; alunt

Tom. I.

N 2

enim

enim capillitium , vel omnino intonsi , vel à fronte tantum præsectis in orbem crinibus , tenuissimas , candidasque præcincti tunicas , anteriore parte ad genua demissas , posteriores ad poplites , utrimque mollibus tentis adstricti commissuras tunica , propendentibus ad latera snibus . Sic ornati adsunt nutus observando , quid quisque postulat ; adsunt & alii adolescentes primâ lanugine malas vestiti , qui paulò ante amatorum suorum deliciæ fuerant , curiosè docti gravioris momenti minifteria : mera ostentatio magnæ opulentiæ .

TABULA XLVIII.

P Oculis diversimodè effigatis veteres delectabantur , sed vitreis maximè instar inguinum ad excitandam libidinem , teste Juvenale Sat. 2. *Vitreo bibit ille Priapo . Quod Plinius hisce verbis confirmat lib. 14. cap. 22. Jam verò , quæ vasa adulteriis calata ? tamquam per se parum doceat libidines temulentia : ita vina ex libidine hauriuntur , asque etiam præmio invitatur ebrietas . Et in proemio lib. 33. Didicit homo naturam provocare . Auxere & artem vitiorum irritamenta . In poculis libidines calare juvit , ac per obscenitates bibere . Voluptas hominibus , non dicam , Romanis , sed & barbaris , servisque effœminatissimis indigna , cui deinde magnæ opulentiæ successit ostentatio . Abjecta deinde sunt hæc , inquit Plinius loco citato , & sordere capere , & auri , argentique nimium fuit . Murrina , & crystallina ex eadem terra effodimus , quibus pretium faceret ipsa fragilitas . Hoc argumentum opum , hæc vera luxuriæ gloria existimata est , habere quod posset statim totum perire . Nec hoc fuit satis , turbâ gemmarum potamus , & smaragdus teximus calices , ac temulentia causâ tenere Indiam jurvat , & aurum jam accessio est . Duo Pocillatores hic exhibentur loti , cincinnati , ac tunicis præcincti planè , ut à Philone describuntur ; prior speciem quamdam lancis tenet ; alter & lancem , sive pateram , & poculum ad instar cornu , cujus extremitas in similitudinem animalis efficta est : hoc vasis genus ceras vocabatur , in conviviiis ea de causa forte usitatum , quod prisci ante poculorum inventionem cornibus Boum ad bibendum utebantur . Auctor est Coelius Rhodiginus lib. 27. cap. 27. & lib. 30. cap. 1. Liberum patrem post vinum inventum cornu Bo-*

vis

Sectio II. Deorum Simulacra, &c. 101

vis ad bibendum usum fuisse, testatur Nonnus Dionysf. 12.

Καὶ θεῶς ἀγκύλον ἔχε βοῶς κέρας.

Et poculum curvum habuit Bovis cornu.

Unde non mirum est Pocillatorem simile poculum manu gestare in memoriam Bacchi, qui Deus apud veteres epulis, & comessationibus præesse credebatur.

TABULA XLIX.

ATys hic repræsentatur cum pileo phrygio dextrâ gens fistulam multis contextam calamis Syringa dictam, levâ pedum baculum videlicet incurvum, quo pastores solebant pecorum pedes detinere. Atym fuisse pastorem ex Pessinunte Phrygiæ emporio, ubi Templum erat miræ venerationis magnæ Deûm Matri dicatum, scribit Tertulianus in Apolog. cap. 15. *Vidimus aliquando castratum Atyn illum Deum ex Pessinunte*. Primus ille sacrorum ritus, quibus Cybele colebatur, mortales docuit, cùmque promissam huic Deæ castitatem commisso cum Sangaritide stupro non servasset, irata Dea de Nympha poenas exegit, Atys verò furore correptus lapideo cultro seipsum castravit. Juvenalis Sat. 6.

Mollia qui ruptâ secuit genitalia testâ.

De Aty scripsere Catullus epigr. 64. Arnobius lib. 5. adv. Gent. & Lactantius lib. 1. cap. 17. *Deûm Mater*, inquit, & *amavit formosissimum adolescentem, & eundem cum pellice deprehensum exsecris virilibus semivirum reddidit*. Sic etiam Ovidius lib. 4. Fastor.

Phryx puer in Sylvâ facie spectabilis altis

Turrigeram casto vinxit amore Deam.

Hunc sibi servari voluit, sua Tempa tueri :

Et dixit, semper fac puer esse velis.

Ille fidem jussis dedit, & , si mentiar, inquit,

Ultima, quam fallam, sit Venus illa mihi.

Fallit : & in Nympha Sangaritide desinit esse ;

Quod fuit : huic poenas exigit ira Deæ.

Najada vulneribus succidit in arbore sacris :

Ille peris ; fatum Najados arbor erat.

Hic

*Hic furit : & credens thalami procumbere lectum ,
 Effugit , & cursu Dindyma summa petit .
 Et modò tolle facies ; remove , modò , verbera , clamat ;
 Sæpe Palæstinas jurat adesse Deas .
 Ille etiam saxo corpus laniavit acuto ,
 Longaque in immundo pulvere tracta coma est .
 Voxque fuit , merui : meritas dem sanguine pœnas ;
 Ab pereant partes , quæ nocuere mibi !
 Ab pereant ! dicebat adhuc ; onus inguinis aufert ;
 Nullaque sunt subitò signa relicta viri .*

Ipsum designare flores cadentes , antequam ad fructum veniant , tradit Eusebius lib. 3. Præp. Ev. cap. 3. ideòque pudenta ei fuisse incisa dici , quoniam flores defluxi semina non producant . At D. Augustinus lib. 7. de Civit. Dei cap. 25. non Atyn , sed ejus virilia flores indicare , docet his verbis . Propter vernalem quippe faciem terræ , quæ cæteris temporibus est pulchrior , Porphyrius philosophus nobilis Atyn flores significare perhibuit : & ideo abscisum , quia flos decidit ante fructum . Non ergo ipsum hominem , vel quasi hominem , qui vocatus est Atys , sed virilia ejus flori comparaverunt : ipsa quippe illo vivente deciderunt : imò verò non deciderunt , neque decerpta , sed plano discerpta sunt : nec illo flore amisso quisquam postea fructus , sed potiùs sterilitas consecuta est . Pingitur autem cum sinu vestis aperto ad denotandam geminam ejus naturam , de qua ipsummet loquentem audias apud Catullum Epigr. 64.

*Quod enim genus figuræ est , ego quod non habuerim ?
 Ego mulier , ego adolescens , ego ephebus , ego puer ,
 Ego gymnasi sui flos , ego eram decus olei ;
 Mibi januæ frequentes , mibi limina tepida ,
 Mibi floridis corollis redimita domus erat ,
 Linquendum ubi esset orto mibi Sole cubiculum .
 Egone Deum ministra , & Cybeles famula ferar ?
 Ego Menas , ego mei pars , ego vir sterilis ero ?
 Ego viridis Algida Idæ nive amicta loca colam ?
 Ubi Cerva silviculatrix , ubi Aper nemorivagus ?
 Ego vitam agam sub altis Phrygiæ columinibus ?
 Jamjam dolet , quod egi , jamjam pœnitet .*

Sectio II. Deorum Simulacra, &c. 103

Ovidius in Ibin.

*Attonitusque feces, ut quos Cybeleja mater
Incitat ad Phrygios vilia membra modos.
Deque viro fias, nec sœmina, nec vir, ut Attys,
Et quatiàs molli tympana rauca manu.*

T A B U L A L.

QUatuor anni tempora in antiquis numismatibus quatuor puerulis indicantur. Primus canistrum habet impositum capiti floribus refertum, ver designans. Secundus alterâ manu spicas tenet, alterâ falcem falcandis frugibus idoneam, propria ætatis symbola. Tertius Leporem dextrâ, lævâ fructus, venationis opportunitatem, fructuumque abundantiam autumnali tempore innuens. Quartus denique avem forsân Anatem lævâ gerens vestitus est, quo hyemalis tempestas frigidissima vulgò denotatur. Nummus Probi æreus cum hoc typo, & epigrap. FELICIA TEMPORA, in museo Vaticano asservatur: similem protulit Franciscus Angelonius in Commodò cum inscriptione, TEMPORUM FELICITAS; alterum adfert Cl. Rodolphinus Venutus inter Numismata Max. Moduli Musei Vaticani; unde hâc nostrâ imâgunculâ juvenem nudum, & alatum, Leporem dextrâ tenentem exhibente autumnalis tempestas videtur designari. Negotium tamen mihi faceffit Scriptorum quorundam auctoritas, qui Leporum venationi hyemale tempus opportunum tradunt. Virgil. lib. 1. Georgic.

Auritosque sequi Lepores, tum figere Dainas, &c.

Cum nix alta jacet, glaciem cum flumina trudent.

Quam sententiam tuetur & ipse Horatius Sat. 2. lib. 1.

..... Leporem venator ut alta

In nive sectatur.

Unde hoc animal niveum dicitur à Calpurnio Eclog. 10.

Ordine quid referam, vidi genus omne ferarum,

Hic niveos Lepores, & non sine cornibus Apros.

Attamen cum in omnibus & nummis, & toreumatibus antiquis hyemalis tempestas vestita semper conspiciatur, autumnalem hâc nudâ imâgine repræsentari eò magis adducor, quòd eadem Leporem tenens in nummis exhibeatur; & nix

ad

ad Leporum venationem cā solā forsan ratione videatur requiri, quòd signis pedum nivibus impressis animalium gressus venatori facilius indicantur.

TABULA LI.

VENEREM dextro brachio vasi innixam uti de balneo exeuntem elegans exhibet imaguncula ærea, lævâ crus dextrum perfricans, dextrâ aurea gestans poma in signum victoriæ de Deabus in Ida Monte Paridis sententiâ relata. Vas unguentis forsan refertum est, subtusque linteum ad extergendum appositum. Quidni liceat dicere Atalantam aurea poma dextrâ gestantem cursu defatigatam lavisse.

TABULA LII.

VENUS, quæ *Amathusia*, etiam *Pelagia*, & *Anadiomenes*, idest egrediens è mari appellatur. Hanc, cujus ferè similem exhibet Gorlæus potius, quam è mari egressam, uti apparuit Paridi in monte Ida effictam credimus. Una manu stringit pomum, altera ad sese tegendam adhibet, crines concinnos, obductos fascia gerit, cum Venus etiam

Dederatque comas diffundere ventis

Ceterum Eratostenes refert Canacem Sycionium pulcherrimam Veneris statuam effinxisse ex auro eboreque contextam, quæ pomum præclaræ victoriæ signum gerebat, atque in nummo Plautillæ Venus pomum gerit, cum epigraphe BENERI. VICTRICI. *Beneri* pro *Veneri*, ut in alio nummo Saloninæ præfertur, quod etiam observatur in Inscriptione antiqua apud Scaligerum de emendatione temporum.

TABULA LIII.

NARCISsus Cephisi ac Lyriopæ filius in hac præclarissima statua Musei Barberini repræsentatur: Cognita jam est Fabula; solum addam voluisse Poetas a Nemese cum Manibus traditum; quia hujus Deæ Numen in iis potissimum apparere autumabant, qui amore capti sunt, eos enim pu-

Sectio II. Deorum Simulacra, &c. 105

punit, qui ob formam fastu turgent, ceterosque præ se contemnunt, ut Ovidius in Narcissi fabula ostendit, quæ libro III. Metam. habetur; hinc etiam illud Catulli

Ne penas Nemesis repositæ à te

Est vehemens Dea, ledere hanc caveo

Fuerunt qui Narcisso Plutonis caput adornarunt; hic enim flos mortuis gratus esse credebatur, fortasse propter adolescentem, qui moriens in hunc florem dicebatur mutatus. Quare ex eodem Furiis festa contexebant, quemadmodum Phornutus refert: *Furiæ autem Plutonis administræ putabantur, Narcisso flore coronatæ.*

T A B U L A L I V.

Regis Ponti Mithridates effigies spectatur, magni animi, & corporis exprimens virum, præclarum hoc signum translatum è Græcia, ubi nobiliores florere artes. Ponti Reges Mithridatis nomina sumpsere. Is enim cum quo Populus Romanus multiplex bellum gessit, a primo Mithridate sextus adnumeratur, quem Eupatorem vocitarunt. In Museo Capitolino extat præclarissimum æneum lebetem suo nomine inscriptum in Antiatino portu repertum, a Magno Pompeo cum ceteris spoliis allatum, ut magnificentissimo inserviret triumpho.

T A B U L A L V.

C Marius septies Consul natus Arpini, patrem habuit Marium, matrem Fulciniam, homines modicos, & artis mechanicæ, loci tamen Equestris. Ipse vita incorruptus, manu strenuus, ad summos honores pervenit, duxitque ex Patricio genere conjugem Juliam, Julii Cæsaris, qui postea Dictator fuit, Amitam. Plura de ipsius rebus gessit Cicero, Salustius, Livius, Appianus, Florus, Plinius de Viris illustribus, copiosissime autem omnium Plutarchus, qui vitam ejus inter viros illustres summa diligentia contexuit.

TABULA LVI.

L Cornelius L.F.P.N.Sylla Dictator, & bis Consul plures uxores habuit, primam Æliam, inde Cæliam, iterum Cæciliam Metelli, unde sustulit Faustum, & Faustam, postremo Valeriam Messalæ F. Oratoris Hortensii sororem, ex qua illi jam defuncto nata filia Posthuma. Vide Plutarchum in ejus vita. Post multa crudelia facta, tandem phithiriasi decessit. Qua de re ita cecinit Q. Serenus?

Sed quis non paveat Pherecydis fata tragedi.

Qui nimio sudore fluens animalia terra

Eduxit, turpi miserum qui morte tulerunt.

Sylla quoque infelix tali languore peresus

Corruit, & fædo se vidit agmine vinci.

Cur cremari, non inhumari voluerit, idque contra morem Majorum Plinius refert lib. 7. cap. 54. Qui & hoc habet lib. 22. cap. 6. Syllam scriptum reliquisse, se corona graminea donatum ab Exercitu apud Nolam, Legatum Bello Marfico, idque etiam in villa sua Tusculana, quæ postea Ciceronis fuit pinxisse. De filio ante ipsum mortuo Seneca in Consolatione ad Martiam pag. 424. Idem ep. 11. tunc violentissimum fuisse tradit, cum faciem ejus sanguis invasisset.

TABULA LVII.

M Tullius Cicero ex Arpino Municipio, avum habuit M. Tullium Ciceronem, aviam Gratidiam; M. Gratidii sororem. Pater illi fuit M. Tullius Cicero, L. patruus, & Amita Tullia, quæ C. Aculeoni nupsit. Ipse philosophiæ, & eloquentiæ studiosus primum inter Oratores locum obtinuit. Et quamquam homo novus esset, summos tamen honores a populo facile consecutus est. Consulatum cum C. Antonio gerens Conjunctionem Catilinæ oppressit; itaque Q. Catulus Patrem Patriæ nominavit, & L. Gellius illi civicam coronam deberi dixit. Pulsus in exilio a Clodio Trib. Pleb. summo cum honore restitutus est. Post cædem Cæsaris cum in Antonium populum Romanum armasset, ab eodem Triumviro proscriptus, & occisus est anno ætatis LXIII.

7. Idus

Sectio II. Deorum Simulacra, &c. 107

7. Idus, ut scripsit Tiro Libertus, Tacitus, & Midletonus nuperus ejus vitæ scriptor.

TABULA LVIII.

Neronem Citharœdum in hac eleganti imaguncula agnoscunt nummorum periti. De vesana hujus Imperatoris canendi, citharamque pulsandi ambitione diffusè agunt Svetonius, & Dio, qui ipsum in theatrum prodiisse, atque inter Citharædos stetisse asserunt.

TABULA LIX.

MAurelius decimo ætatis suæ anno, jussu Hadriani, ab Antonino Pio adoptatus, ab ipso Consul, & Cæsar appellatus est, & cum secundum Consul designatus esset, Faustina Antonini filiam uxorem duxit, tribunitiamque potestatem recepit. Vir bello insignis, literis clarus, & elegantia conspicuus, anno decimo nono Imperii decessit.

TABULA LX.

LVerus, Ælii Cæsaris filius à M. Aurelio, jussu Hadriani adoptatus, post excessum Antonini Pii, non modo Cæsar, sed Augustus, imperiique consors factus est, Lucilla filia ei in uxorem tradita. Vir mollis & luxuriæ deditus, bellum Parthicum per Legatos maxima ex parte confecit, in Germaniam properans, in vehiculo subita morte correptus est, anno Imperii nono.

TABULA LXI.

Julia Mœsa, quantum sæpe muliebre ingenium possit, quantumque artificio valeat, mirifice ostentavit: Hæc namque post mortem Antonini Bassiani, ex aulica domo Macrini superbia expulsa, summa arte, atque industria ad Imperium evexit Elagabalum ex Soemia nepotem; præter namque maximam pecuniarum largitionem in milites effu-
sam,

sam, inverecunda non dubitavit affirmare Elagabalum esse Antonini Bassiani filium, ut militibus eum conciliaret, qui benevolentia singulari Antoninianos, odioque intimo Ope-
lium Macrinum Antonini Bassiani interfectorem, prosequen-
bantur; duplici adhibito amoris, & odii lenocinio, neque sa-
ne esse male mulctandam Politicus quispiam judicaret, quæ
sibi regnandi causa, parere visa est ignominia, nisi non ho-
minem, sed belluam Romano dedisset Imperio: Cum Ela-
gabalo interfecta est.

T A B U L A L X I I .

Hic jam alterius Juliæ, cognomine Aquiliæ Severæ,
cujus effigies Juliæ Mœsæ proxima spectatur, causam
quis hominum suscipere audebit, eamque aliquo pacto pur-
gare tentabit? Ea enim Elagabali summa potentia, sacrile-
go stupro, Vestalem Virginem duci in uxorem passa est; nem-
pe ut ex summo Sacerdote, & Diis virgine sacrata nova Deo-
rum progenies oriretur; & non tantum ille, qui nec homo
appellari dignus erat, vocaretur Deus (tantæ erat dementi-
tæ), sed & una qui nascerentur filii. Profecto si Vestalis fa-
mosissima hæc virgo statuta in incestuosas Vestales poena
fuisset affecta, viva defossa huc in exemplum esset adduc-
ta. Tamen poenas luit; nam Imperator inconstans ad mo-
dum eam etiam dimisit, alii, atque alii nupsit, iterumque
Aquiliam in Palatium reduxit. Viva elucet in nostro mar-
more ejus imago.

T A B U L A L X I I I .

Lictorem a ligando dictum docet Fenestrella de Magi-
stratibus, Sacerdotiisque Romanorum, *quod quem Con-
sules prehendi, ligarique jussissent, præsto essent ad prehendum,
& venientes Consulibus obviam de equo descendere juberent*. Duo-
decim Lictores instituit Romulus, teste Plutarcho in ejus
vita, qui togâ vel sago induti virgarum fasciculos cum secu-
ribus ligatos portantes Reges, deinde Consules in publico
ita præcedebant, ut unus post alium incederet, & qui pro-
xi-

Sectio II. Deorum Simulacra, &c. 109

ximus esset Consuli, præcipuus haberetur. Altero mense sequebantur virgas, & bacillos tantum ad submovendum populum, foresque pulsandas gestantes. Svetonius de Julio Cæsare lib. 1. cap. 20. *Antiquum etiam retulit morem, ut quo mense fasces non haberet, accensus ante iret, Lictores ponè sequerentur.* Hi delinquentibus pœnas, virgis illos primum cædendo, mox securi feriendo infligebant. *Missi Lictores ad sumendum supplicium,* scribit Livius lib. 11. *nudatos virgis cædunt, ac securi feriunt.* Navigantibus Magistratibus Licitor ante proram sedebat. Auctor est Appianus lib. 5. belli civilis.

T A B U L A L X I V.

Nonne in hoc præclaro marmore venationem expressam, imo ipsius venationis ostentum agnoscis? En equo insidentem virum, a grandi ætate non omnino alienum, manu quodammodo venabuli truncum retinentem; en currum bobus pertractum, non hostium spoliis, sed ipsis hostibus, Apris nempe Damisque onustum; En indagatores anhelantes canes; ut est proprior ille pectore lato, cervice longa, ungue valido, crure robusto, ventre inani, cauda indice! En venatores alios expedita, & comoda veste præcinctos: qui præest, quasi cornu, seu buccina armatus, quam lætus inflat, quam jucundus! At miraris fortasse, quamobrem marmor huc adferamus simplici venatione ornatum: sed præter quam quod elegantissima effectum sit sculptura; audi Marcum Tullium lib. 2. de Nat. Deor. *Jam vero immanes feras, & belluas nanciscimur venando, ut vescamur his, & ut exerceamur in venando ad similitudinem bellicæ disciplinæ.*


FINIS TOMI PRIMI.


Tom. I.

P


Apr 14 1859











DEA ROMA

3




Apud


Authorem

S. 2









BACCHVS


5




In museo Patrum Carthusianorum.

S. 2







F A V V V




Ex Marmore in Museo



Museo Barberino

S. J. 1764






SATYRA Sive FAVNA.



Amid. nimbrem
in flumina ex ore.

S. 2.



BACCHVS




PSB. Sculp.

Apud E. P. Burghosium


S. 24
























































DIANA TRIFORMIS

20




P. S. E. Sculp.


Apud E. Card. Chignum

S. 2.














MYTHRAS


23




Apud P. A. Rolandum M.

S. 22





























FOR TVNA 29









































































SACERDOS AEGYPTIVS 49




P.F.B. Sculp.


Apud P.A. Rolandum M.

S.D.









CAMILLVS


46




P. S. B. Sculp.

Apud P. A. Rolandum M.



















AVTVMNVS


50



Apud
P. B. Schap.

Authorem






VENVS

57



In marmo Albano

Vol.



VENVS

52




Salvius Castell. Actin. del.


C. B. nant. sculp. S. A.

Ex Marmore in Museo Barberinis





NARCISSVS



Salus Castell. Actin. del.

Ex Marmore In Museo Barberino. Sc.



MITHRIDATES REX PONTI


54




In Museo Barberino

S. 21





C. MARIVS




J.C.D.

In Museo Barberino

Camillo Esau

S. 2.




SILLA



In Museo Barberino

S. 21





MTVLLIVS CICERO

52




J. M. Castellucci delin.

In Museo Barberino

52







MAVRELIVS ANTONINVS


52



In Museo Barberino

S. 2.





L. VERVS

62



Salvator Caroll Artista del

In Museo Barberino

C. Blomqvist Sculp. S. 22





IVLIA MOESA


61



In Musco Barberino

S. 21





IVLIA AQVILIA SEVERA


621




In Museo Barberino


S. 21













VENA

S. C. Delin.

In Marmore Anaglypho in museo B...

